


O LE EKALESIA A IESU KERISO O LE AU PAIA O ASO E GATA AI • AOKUSO 2011

OLE Liahona



**O Tu ma Agaifanua
o se Olaga Paleni, i. 30**

**Tuputupu Ae o le Talalelei i
Galápagos, i. 22**

**Fausia e le Autalavou Molimau
e ala i Musika, i. 52, 54**

**Toé Manatunatu i le Fuafuaga a
le Atua mo A'u, i. 60**



O Le Faapotopotoina, saunia e Joshua Wallace Jensen

I le tausaga 1997, i le faamanatuina o le 150 tausaga talu ona taunu ia paionia i le aso 24 o Iulai, 1847, na toe faatino ai e “paionia” o le Au Paia o Aso e Gata Ai o aso nei le malaga mai Winter Quarters, Nebraska, agai atu i le Vanu o Sate Leki. O lenei ata o loo faatatau i lena toe faatinoga. O le viiga “O Mai, O Mai, Outou o le ‘Au Paia,” lea na tusia e William Clayton i le 1846, e fuatatau i vaega uma e hua o paionia:

O mai, o mai, outou le Au Paia;

Galulue fiafia.

E ui ina mata faigata,

O le a manuia.

Ua sili lava le taumafai

Ia tiai ia le faavaivai;

A e faia pea ma fiafia—Ua lelei! Ua lelei!

(*Viiga*, nu. 17.)

**SAVALI**

- 4** **Savali a le Au Peresitene Sili: Alofa i le Aiga—Fautuaga mai lo Tatou Perofeta**

Saunia e Peresitene
Thomas S. Monson

- 7** **Savali a Faiaoga Asiasi: O Se Sosaiete a Tamaitai Paia**

TALA FAAALIA

- 20** **Lua Paionia mai Seneturi e Lua**

Saunia e Allison Ji-Jen Merrill
E seneturi ma le afa e va ai ae o loo fesootai i le faatuatua.

- 22** **Motu o le Afi ma le Faatuatua: O Galápagos**

Saunia e Joshua J. Perkey
Ua faamanuiaina le Ekalesia i nei motu ofoofogia.



- 30** **O Tu ma Agaifanua o se Olaga Paleni ma le Amiotonu**
Saunia e Elder L. Tom Perry
Efa ki e ausia ai le paleni.

MATAGALUEGA

- 8** **O Mea Faatauvaa ma Faavalea**

- 11** **Auaunaga i le Ekalesia: Pe Mafai ona E Faia So'u Faamanuiaga?**
Saunia e Jennifer Rose Maddy

- 12** **Tatou te Talanoa ia Keriso: Tauave i O'u luga Lona Suafa**
Saunia e Jacob F. Frandsen

- 14** **O Le Mea Tatou Te Talitonu I Ai: Na Auina mai i Tatou e le Atua i le Lalolagi o se Tagata o se Aiga**

- 16** **O Tatou Aiga, O Tatou Auaiga: Toatasí le Paionia Malosi, Toatele Augatupu-laga ua Faamanuiaina**

- 18** **Tala Faamamai o le Talalelei: Aapa atu ma se Lima Laveai**
Saunia e Peresitene
Gordon B. Hinckley

- 38** **O Leo o le Au Paia o Aso e Gata Ai**

- 74** **Tala Fou o le Ekalesia**

- 79** **Manatu mo Afiafi Faaleaiga**

- 80** **Seia Tatou Toe Feiloai: O Le Faataoto i le Laau o le Fa'i**
Saunia e Anton T. Kumarasamy
e pei ona faamatala atu ia Linda J. Later

I LE FAAVAA

Luma: ata na tusia e Jerry Garns.
Tua: ata na tusia e © iStockphoto.

AUTALAVOU MATUTUA

AUTALAVOU

TAMAITI



42

42 Pe Moni Na la Fesili mai ia te A'u i Lena Mea?

Saunia e Joelyn Hansen

Pe mafai e se tasi e laititi e pei o a'u ona faataunuu lenei valaauga?



48

46 Fesili ma Tali

Pe faapefea ona ou tali atu pe a fai mai au uo e le mafai ona vaai se tagata i le Atua?

48 O Le Ekalesia Moni ma le Ola e Tasi


Saunia e Elder Dallin H. Oaks
O le a le uiuga o le na o la tatou ekalesia le Ekalesia moni?

52 O Se Pese ma se Tatalo

Saunia e Adam C. Olson
Na iloa e Dillon le mea e liliu i ai ina ua ia manaomia le fesoasoani ia oo ai i le nota maualuga.

54 Pese i Sigapoa

Saunia e Michelle Hsieh
ma Cerys Ong
Na faamalolosia molimau ma faauoga a o faatino e le autala-vou se faafiafiaga faamusika i Sigapoa.

57 Avea ma ni Paonia o Ona Po Nei**58 Pepa Lautele o I Ai se Savali: O Loo I Ai se Auala e Aluese Mai Ai**

62

59 Molimau Faapitoa: O Le a se Mea e Mafai ona Ou Aoao mai Tusitusiga Paia?

Saunia e Elder D. Todd Christofferson

60 Ataata

Saunia e Sheila Kindred
O le a se mea o i ai i le humanai mo a'u?

62 O La Tatou Itulau**64 Aumaia o le Peraimeri i le Fale: O Lo'u Tino o Se Malumalu o le Atua**


Saunia e Vicki F. Matsumori

66 Tala ia lesu: Na faamanuia e lesu ia Tamaiti

Saunia e Diane L. Mangum

68 Sailia o Tagata e Aoao

Fesoasoani i faifeautalai ia oo atu i aiga ua uma ona faatonu taimi e aoao ai.

69 Manatu Atamai**70 Mo Tamaiti Laiti**

Vaai pe mafai ona e maua-inia le Liahona o loo natia i le lomiga lenei. Faaitete: fiafia i le la.

AOKUSO 2011 VOL. 35 NU. 8
O LE LIAHONA 09688 890

O Le Lomiga Faamaonia Faa-Samoa a le Ekalesia a lesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Korama a Apostolo e Toasefululua:
Boyd K. Packer, L. Tom Perry, Russell M. Nelson,
Dallin H. Oaks, M. Russell Ballard, Richard G. Scott,
Robert D. Hales, Jeffrey R. Holland, David A. Bednar,
Quentin L. Cook, D. Todd Christofferson, Neil L. Andersen

Faatonu: Paul B. Pieper

Fautua: Keith R. Edwards, Christoffel Golden Jr.,
Per G. Malm

Pule Faatonusili: David L. Frischknecht

Faatonusili e Fuafuaina ma Faatonutonu:

Vincent A. Vaughn

Faatonu o Karafi: Allan R. Loyborg

Pule Faatonutonu: R. Val Johnson

Pule Faatonutonu Lagolago: Jenifer L. Greenwood,
Adam C. Olson

Au Faatonu Fesoasoani: Ryan Carr, Susan Barrett

Aufaigaluega Faatonutonu: Brittany Beattie, David A.
Edwards, Matthew D. Flitton, LaRene Porter Gaunt,
Carrie Kasten, Larry Hiller, Jennifer Maddy, Melissa Merrill,
Michael R. Morris, Sally J. Odekirk, Joshua J. Perkey, Chad E.
Phares, Jan Pinborough, Janet Thomas, Paul VanDenBerghe,
Melissa Zenteno

Puli Faatonusili o Faatufugaga: J. Scott Knudsen

Faatonusili Tusiati: Scott Van Kampen

Pule i le Gaosiga: Jane Ann Peters

Au Mamanu Sinia: C. Kimball Bott, Thomas S. Child,
Colleen Hinckley, Eric P. Johnsen, Scott M. Mooy

Aufaigaluega e Mamanuina ma Gaosia: Collette
Nebeker Aune, Howard G. Brown, Julie Burdett, Reginald J.
Christensen, Kim Fenstermaker, Kathleen Howard, Denise
Kirby, Ginny J. Nilson, Ty Pilcher

Tailolomi: Jeff L. Martin

Faatonusili Lolomiga: Craig K. Sedgwick

Faatonusili o le Tufatufaga: Evan Larsen

Mo O le okaina o mekasini, ia faafesootai le Faletusi
Tutotonu i Pesega. Telefoni 64127. Totogi o le Mekasini:
\$0.55 (Samoa) i le kopu. Totogi mo le Tausaga Atua \$6.60
(Samoa).

Auina atu tusitusiga ma faafesili i le Liahona,
Rm. 2420, 50 E. North Temple, Salt Lake City, UT
84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa"
po o se "faatonuala") e lomia i le faa-Alepania, Aminia
(Sasae), Pisilama, Palekeria, Kemupotia, Sepuano, Saina,
Kalaotia, Siekiisolovakia, Tenimaka, Take, Igilisi, Esitonai,
Fiti, Finelani, Farani, Sihamani, Eleni, Hanikeri, Initu, Iselani,
Initonisia, Italia, Iapani, Kiripati, Korea, Latvia, Litunia,
Malakasa, Maselua, Monokolia, Nouei, Polani, Potukale,
Romania, Rusia, Samoa, Silovenia, Sipaniolo, Suetena,
Tagaloka, Tahiti, Tai, Toga, Iukureini, ma Urutu, ma
Viatename. (E eseese lava gagana.)

© 2011 Puletaofia e le Intellectual Reserve, Inc. Ua taofia
aia tatau uma. Lomia i le luate Setete o Amerika.

E mafai ona kopu tala ma ata o le Liahona mo le toe
faaaogaina i lotu po o le aiga ae ia le fajia ai ni pisinisi. E le
tatau ona kopu ni tala po o ni ata pe afai o faasa mai i le
laiana o loo ta'au ai le e ona lea faatufugaga. Auina atu fusili
e uiga i le puletaofia i le Intellectual Property Office, 50 East
North Temple Street, Salt Lake City, UT 84150, USA; i-meli:
cor-intellectualproperty@ldschurch.org.

For Readers in the United States and Canada:

August 2011 Vol. 35 No. 8. O LE LIAHONA (USPS 311)
Samoa (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address label
from a recent issue; old and new address *must* be included.
Send USA and Canadian subscriptions to Salt Lake
Distribution Center at address below. Subscription help
line: 1-800-537-5971. Credit card orders (Visa, MasterCard,
American Express) may be taken by phone. (Canada Post
Information: Publication Agreement #40017431)

POSTMASTER: Send address changes to Salt Lake
Distribution Center, Church Magazines, PO Box 26368,
Salt Lake City, UT 84126-0368.

Faaopoopoga o loo maua i le Initoneti

Liahona.lds.org

MO TAGATA MATUTUA



Na faatulaga talu ai nei lava le
Ekalesia i Motu o Galápagos (tagai i
le itulau e 22). **Maimoa i nisi ata o**
tagata o le Ekalesia i Galápagos i le
www.liahona.lds.org.

MO LE AUTALAVOU



Asiasi i le www.liahona.lds.org e faa-
logologo **ai ia Dillon** (tagai i le itulau
e 52) o usuina se pese mai le lipine
a le seminare o le Feagaiga Tuai i le
gagana Toga.

MO TAMAITI



Na e iloa e pe tusa ma le tasi miliona
tamaiti Peraimeri i le lalolagi atoa?
Feiloai atu i nisi o i latou i le
www.liahona.lds.org.

I LAU GAGANA

O loo maua le Liahona ma isi tusi a le Ekalesia i le tele
o gagana i le www.languages.lds.org.

AUTU I LENEI LOMIGA

E ta'u mai e numera le itulau muamua o le tusiga.

Aiga, 4, 14

Aualofa, 7

Auauna atu, 18, 22, 40, 42

Faamatologa, 66

Faamanatuga, 12

Faamanuiauga o le perisitua,
11

Galuega faafaifeatalai,
22, 68

Galuega faalemalumalu,
22, 39

Iesu Keriso, 12, 66

Laveai, 18, 80

Liua, 16, 20, 22, 39

Lotogatasi, 22

Molimau, 46, 48

Musika, 52, 54

O Le Tofi, 60

Paionia, 18, 59

Paleni, 30

Perisitua, 48

Poto, 30

Salamo, 58

Sefuluai, 70, 72

Suesue i tusitusiga paia, 30,
46, 59

Talafaasolopito o le Ekalesia,
8, 16, 18

Tama Faalelagi, 46

Tatalo, 38, 52

Tino faaletino, 64, 73

Tupe, 41

Uiqa faaletagata, 30

Upu o le Poto, 30, 64, 73

Valaauga, 42

Saunia e Peresitene
Thomas S. Monson



Alofa i le Aiga

FAUTUAGA MAI LO TATOU PEROFETA

Olaga Faaleaiga Faamanuiaina

“A oo ina tele naua mea tatou te iloa i le lalolagi ma ua mamao lo tatou o ese atu ma vaia ai le televave ma le maoae ua i ai le lalolagi i nisi o taimi, ona faatupulaia ai lea o lo tatou lotofaafetai mo le avanoa ua avea ai i tatou o se vaega o se mea e mafai ona tatou toomaga i ai—o le aiga ma le auaiga ma le faamaoni a’ia’i o e pele ia i tatou. Ua tatou iloa le uia o le fusia faatasi i tiute, o le faaaloalo, ma le avea ma se vaega. Ua tatou aoaoina e leai lava se mea e mafai ona suitulaga atoatoa i le sootaga manuia o le olaga faaleaiga.”¹

Fetufaai Atu Lo Tatou Alofa

“Faamalo atu i si au tama ma fusi atu ia te ia: fai i ai, ‘E sili atu lo’u alofa ia te oe; ia faaalia e le aunoa lou agaga faafetai. Aua nei sili atu le taua o se faafitaui e foia nai lo se tagata ina ia alofaina. E siitia ese atu ia uo, e tuputupu ae tamaiti, e maliliu e pele. E matuai faigofie lava le le amanaiaina o isi, seiloga ua oo i le aso latou te o ese atu ai ma o tatou olaga ma tuua i tatou ma ni lagona o le ‘pe ana faapea’ ma le ‘maimau pe ana.’ . . .”

“Ia tatou fiafia i le olaga ao tatou ola ai, saili le olioli i le faigamalaga ma fetufaai atu lo tatou alofa i uo ma aiga. O le a oo mai se aso, o le a le toe i ai ni taeao mo i tatou uma. Aua nei o tatou toloina mea e sili ona taua.”²

Faaali Atu Lo Tatou Alofa

“Usa e, ia tatou taulimaina ma le mamalu ma le faaaloalo o tatou taitoalua. O i latou o a tatou soa e faavavau. Tuafafine, faamamalu i a outou tane. Latou te manaomia le faalogo mai i se upu lelei. Latou te manaomia se ataata faaleuō. Latou te manaomia se faailoa atu tausaafia o le alofa moni. . . .”

“Ia te outou na o matua, ou te fai atu, ia faaali atu lo outou alolofa i a outou fanau. Ua outou iloa tou te alolofa ia i latou, ae ia faamautinoa ua latou iloaina foi. E taua tele i latou. Tuu atu ina ia latou iloa. Valaau atu i le Tama Faalelagi mo se fesoasoani, a o outou taulimaina mea latou te manaomia i aso taitasi, ma a o outou feagai ma luitau ia e oo mai ma le le mafuafuaina ma tulaga faamatua. Tou te manaomia isi mea e sili atu nai lo lou lava atamai e faafaleleina ai i latou.”³

Faailoa Atu Lo Tatou Alofa

“Ia te outou o matua, ta’u atu lo outou alolofa ia outou fanau. Tatalo mo i latou, ina ia mafai ai ona latou tetee atu i mea leaga o le lalolagi. Tatalo ina ia latou ola i le faatuitua ma molimau. Tatalo ina ia latou tulimataia ni olaga o le lelei ma le auauna atu i isi.

“Le fanau e, ia faailoa atu i o outou matua tou te alolofa ia te i latou. Faailoa atu ia i latou le tele o lo outou agaga faafetai i mea uma ua latou faia mo outou ma o loo latou faia pea mo outou.”⁴

O Le a le Mea e Aupito Sili Ona Taua

“O le mea e auptio sili ona taua, e toetoe o taimi uma e aofia ai tagata o loo siomia i tatou. E tele taimi tatou te faapea ai *ua tatau* ona latou iloa le tele o lo tatou alolofa ia i latou. Peitai ia aua lava nei o tatou manatu faapea lava; e ao ona tatou ta’u atu i ai ia latou iloa. Na tusia e Viliamu Siekisipia, ‘Latou te le alolofa pe a le faaalia mai lo latou alofa.’ O le a tatou le faanoanoa lava i upu agalelei e tautalagia po o le agaalofa foi e faaalia. Ae, o le a oo mai lo tatou faanoanoa pe afai e aveesea na mea mai a tatou fegalegaleiga ma i latou e sili ona tatou alolofa i ai.”⁵

AOAO ATU MAI LENEI SAVALI

"I se tasi o gaoioiga faaleaoaoga, e tuuina atu ai e le faiaoga se fesili po o se tulaga ma tuuina atu i tagata o loo aoaoina sina taimi faatulagaina ina ia saoloto ai le tuuina mai o ni tali po o ni manatu" (*O Le Aoao Atu, E Leai Se Isi Valaauga E Sili Ai* [1999], 168). A o outou fatauina faatasi ma le aiga lenei tusiga, fai atu i ai e faalogologo mo ni fautuaga po o ni manatu o loo faagaetia ai i latou. Ona fautuaina mai lea e tagata o le aiga ni auala e faatele ai le alofa i lo latou aiga. Mafaufau e valaaulia le aiga e toe iloilo nei manatu i se afiafi faaleaiga o loo loma.

O Le Aumaia Faalatalata o le Lagi

"Ia faatumulia o tatou auaiga ma aiga i le alofa: alofa o le tasi i le isi, alofa i le talalelei, alofa i o tatou uso a tagata, ma le alofa i lo tatou Faaola. O se taunuuga la, o le a latalata atili mai ai iinei le lagi i le lalolagi.

"Ia avea o tatou aiga o ni maluapapa e toe fia foi mai i ai tagata o o tatou aiga."⁶

O Se Tatalo mo Aiga

"O le tele o le osofaia e le lalolagi i nei ona po o le iunite o le aiga, ma le ulagia o le tele o mea ua leva ona taulimaina ma le paia, matou te ole atu ai ia te Oe, lo matou Tama, ina ia faatutusa i matou ma luitau o loo matou fetaiai, ina ia mafai ona matou tutu malosi mo le upumoni ma le amiontonu. Ia avea o tatou aiga ma sulufaiga o le filemu, o le alofa ma le faaleagaga."⁷ ■

FAAMATALAGA

1. "O Se Sulufaiga mai le Lalolagi," *Fonotaga Faaleaoaoga a Taitai i le Lalolagi Atoa*, 9 Feb., 2008, 29.
2. "Joy in the Journey" (Brigham Young University Women's Conference, 2 Me, 2008), <http://ce.byu.edu/cw/womensconference/archive/transcripts.cfm>.
3. "Matuai Faamanuiaina Lava," *Liahona*, Me 2008, 112.
4. "Seia Tatou Toe Feiloai," *Liahona*, Me 2009, 113.
5. "Mauaina o le Olioli i le Faigamalaga," *Liahona*, Nov. 2008, 86.
6. "O Se Sulufaiga mai le Lalolagi," 30–31.
7. Tatalo o le faapaiaga mo le Malumalu o Gila Valley Arisona, 23 Me, 2010; i le "The Gila Valley Arizona Temple: 'Wilt Thou Hallow This House,'" *Church News*, 29 Me, 2010, 5.



Na Laveai i Matou e Tina

Saunia e Patricia Auxier

Ina ua ono o'u tausaga, sa ma matamata ma lo'u uso laitiiti i le taaloga pasiketipolo a lo ma uso matua. Sa aluese atu lo ma tamā, ona ma filifili lea ma te fia o faatasi ma ia i le fale, o lea sa ma tamomoe ai i le timu e tuliloa o ia. Ina ua le mafai ona ma mauaina o ia, sa ma toe foi i le faletaalo matou te o faatasi ma lo ma tina, ae ma te ulufale atu i le faletaalo, ua o uma tagata sa i ai i le fale.

Ou te manatua le faapupuu ai

i luma o le faitotoa, ma taumafai ia ma malu ma lo'u uso laitiiti mai le timu, ma tatalo ina ia sau se tasi. Ona ou manatua lea o le faalogoina o le tapuni o le faitotoa o la matou veni lanumumu, ma sa ma tamomoe atu agai i le mea na sau ai le pao. Ona manino ai lea o le manatua ao ou laitiiti: o le opoina o i ma'ua e lo ma tina "e pei o se matuamoa ona ofaofatai i lana toloai i lalo o ona apaau" (3 Nifae 10:4). Na laveai i maua e lo'u tina, ma e ou te le'i lagonaina

*Ou te le'i
lagonaina lava
muamua se
lagona sili ona
saogalemu nai
lo le taimi lea
na opoina ai
i ma'ua i ona
lima.*

lava muamua se lagona sili ona saogalemu nai lo le taimi lena.

Ao ou mafaufau i lana uunaiga ia te au, ua ou iloa ai o le olaga o lo'u tina na faasino atu ai a'u agai i le Faaola ma faailoa mai ia te a'u le uiga o le "si'i ae o lima o loo tautau i lalo, ma faamalosia tulivae vaivai" (MFF 81:5). Sa faalagolago o ia i a lesu Keriso, o lē na tuuina atu ia te ia le malosi "e sili atu nai [lona] lava malosi" ("Faaola e ia 'Ou Alofa," Viiga, nu. 150).

TAMA ITI

Fausiaina o se Aiga Fiafia

Na fautua mai e Peresitene Monson ni auala e mafai ai ona tatou fausia se aiga fiafia. Tagai i tusiga e saili ai ni mea e mafai ona outou faia ma lou aiga e avea ai ma se aiga fiafia.

O taimi uma lava e te maua ai se mea e mafai ona

outou faia, tusi i lalo i se tasi o avanoa ua saunia. Pe a uma ona maua lau aitema muamua, tusi le vaega o le fale o loo lisiina i autafa o le laina. Saili ia le itiiti ifo ma le lima ni auala e mafai ona e fausia ai se aiga fiafia ma tusi le fale atoa o i ai i totonu lou aiga.

1. Puipui _____
2. Taualuga _____
3. Faitotoa _____
4. Faamalama _____
5. Aiga _____

O Se Sosaiete o Tamaitai Paia



Na aoao mai le peresitene aoao lona lua o le Aualofa o Eliza R. Snow: "Sa saunoa le Apostolo o Paulo i aso anamua e faatatau i tamaitai paia. O le tiute o i tatou taitoatasi ia avea ma se tamaitai paia. E tatau ona maualuluga ni o tatou faamoemoega, pe afai o i tatou o ni tamaitai paia. O le a tatou lagona ua valaaui na i tatou ina ia faataunuina ni tiute taua. E leai lava se tasi e ese mai ai. E leai se uso e faaesea, pe faapea ua pumoomoo tele lona lalolagi, a e o le mea taua o le mea e na te mafai aua e tele sona sao i le faavaeina o le Malo o le Atua i luga o le fogaeleele."¹

Uso e, e le o faaesea i tatou pe pumoomoo foi lo tatou lalolagi. O le taliaina o le mea alofa o le toaga i le Aualofa, e avea ai i tatou ma vaega o le mea sa faamatalaina e le Perofeta o Iosefa o se sosaiete "e ese mai i mea leaga uma o le lalolagi—filifiliga, amio mama, ma paia."²

E fesoasoani le sosaiete lenei e faamalolosia o tatou faatuatua ma tuputupu ae faaleagaga i le tuuina mai ia i tatou o avanoa faaletaitai, auaunaga, ma aoaoga. I la tatou auaunaga e faaopoopo mai ai se tulaga fou i o tatou olaga. Ua tatou agaigai i luma faaleagaga, ma ua faateleina lo tatou lagona o i tatou o nisi o le sosaiete, faasinomaga, ma le taua faaletagata lava ia. Ua tatou iloaina o le faamoemoatoa o le fuafuaga a le talalelei o le tuuina mai lea o le avanoa tatou te ausia ai mea uma tatou te gafatia.

E fesoasoani le Aualofa e saunia i tatou mo le mauaina o faamanuiaiga o le malumalu, e faamaluina feagaiga tatou te osia, ma ia punouai i le faamoemoega o Siona. E fesoasoani foi le Aualofa i le faateleina o lo tatou faatuatua ma le amiontonu patino, faamalolosia o aiga, ma saili ma fesoasoani ia i latou e i ai tulaga manaomia.

O le galuega a le Aualofa e paia, ma o le faia o galuega paia e faatupuina ai le paia i totonus o i tatou.

Silvia H. Allred, fesoasoani muamua i le au peresitene aoao o le Aualofa.

Mai Tusitusiga Paia

Esoto 19:5; Salamo 24:3–4; 1 Tesalonia 4:7; Tito 2:3–4; Mataupu Faavae ma Feagaiga 38:24; 46:33; 82:14; 87:8; Mose 7:18

Suesue i mea nei, ma pe a talafeagai ai, ia talanoaina faatasai ai ma uso e te asia. Faaaoga fesili e fesoasoani ai ia te oe e faamalosia ai ou uso ma avea ai le Aualofa ma se vaega ola o lou lava olaga.

Faatuatua • Aiga • Toomaga

O Le a se Mea e Mafai ona Ou Faia?

1. O faapefea ona ou fesoasoani i uso o loo ou vaaia ina ia latou atiina ae ma ausia "faamoemoega maualuluga"?
2. O le a la'u mea o fai ina ia "sili ona lelei, mama, ma paia" lo'u olaga?

Mo nisi faamatalaga, aliu i le www.relfiefsociety.lds.org.

Mai lo Tatou Talafaasolopito

I lana saunoaga i Tamaitai o le Aualofa i Navu, na faamamafa atu ai e le Perofeta o Iosefa le tulaga paia, ma faamalamalama atu ai, a mama ma paia tamaitai, o le a avea i latou ma faatosinaga iloga i le lalolagi. Na ia faamalamalamaina: "O le lotomaualalo, alofa, mama—o mea nei e tatau ona faalauteleina oe. . . . O Lenei Sosaiete . . . o le a i ai le mana e taitai ai masiofo i lo latou lotolotoi. . . . O le a o mai i Siona ia tupu ma masiofo o le lalolagi, ma tuuina atu la latou faaaloaloga." O tuafafine o le Aualofa e ola i a latou feagaiga latou te maua mai le faaaloalo e le gata i tamalii mamalu, ae "afai tou te ola agavaa i o mamalu faapitoa," o le folafolaga lea a Iosefa i tuafafine, "e le mafai ona taofia agelu i le avea ai ma a outou paaga."³

A o auai tuafafine i le galuega o le auauna atu ma faasaoina mai isi, sa faapea ona faapaiaina patino i latou. Na faamatala e Lusi Maki Samita, le tina o le Perofeta, mea lelei e mafai ona ausia e le Aualofa: "E tatau ona tatou faapelepele e le tasi le isi, tausia e le tasi le isi, faamafanafana e le tasi le isi ma maua ai aoaoga, ina ia mafai ai ona tatou nonofo faatasi uma i le lagi."⁴

FAAMATALAGA


1. Eliza R. Snow, "An Address," *Woman's Exponent*, 15 Sete., 1873, 62.
2. Joseph Smith, i le *History of the Church*, 4:570.
3. Joseph Smith, i le *History of the Church*, 4:605, 606.
4. Lusi Maki Samita, i le Relief Society, Minute Book Mat. 1842–Mat. 1844, faamaumauga mo le aso 24 Mat., 1842, Potutusi o Talafaasolopito o le Ekalesia, 18–19.



O Mea Faatauvaa ma Faavalea

"O mea faatauvaa ma mea faavalea ua faataunuina ai mea tetele" (Alema 37:6).

TALAFASOLOPITO O LE EKALESIA I LE LALOLAGI




Korea i Saute

Na amata le uluai galuega faafafeatalai i Korea i le taimi o le Taua a Korea i le amataga o le vaitau 1950, ae o Kim Ho Jik, o se tasi o uluai tagata Korea na liliu mai, na papatiso i le Iunaite Setete. Sa maua le faailoga faafomai o Kim i le taimi na avea ai o ia ma tagata o le Eklesia i Pennsylvania i le 1951. E toalua lana fanau na i ai i uluai tagata e toafa ia na papatiso i Korea, i le aso 3 Aokuso, 1952. Na avea mulimuli ane ia Brother Kim ma se taitai o le malo o Korea ma na aoga tele lea e fesoasoani ai i le faaulufale

atu o faifeatalai i Korea i Saute. O le 1962 na faavae ai le Misiona a Korea, ma na lolomiina le Tusi a Mamona i le gagana Korea i le 1967. Na faatuina le uluai siteki a Korea i Saute, o le uluai siteki foi lea i Asia autu, i Seoul i le aso 8 o Mati, 1973. O le Malumalu o Seoul Korea, o le uluai malumalu lea i Asia autu, na faapaiaina i le 1985.

O le 2001 na tuuina atu ai e Elder Dallin H. Oaks o le Korama a Apostolo e Toasefululua se kopio le "O Le Aiga: O Se Folafolaga i le Lalolagi" i le palemia o Korea i Saute o, Lee Han-Dong.



O LE EKALESIA I KOREA I SAUTE	
Tagata auai	81,251
Misiona	3
Siteki	17
Uarota ma paranesi	142
Malumalu	1

Suega: Faletua o Perofeta

Mai ia Ema Samita e oo ia Frances Monson, o loo tutu faletua o Peresitene o le Ekalesia i autafa o a latou tane e avea ma fesoasoani faamoni. O i latou nei ma isi tamaitai faatutua na saunoa mai ai, Elder Bruce R. McConkie (1915–85) o le Korama a Apostolo e Toasefulua, “E le auina atu e le Alii ni apostolo ma ni perofeta ma ni alii amiontonu e talai i ona tagata e aunoa ma le tuuina o tamaitai e tutusa o latou tulaga faaleagaga i o latou autafa.”¹ O le a fesoasoani lenei suega e te aoao ai i nisi o faamatalaga auiliili e uiga i nei faletua lototetele o perofeta e toavalu o aso e gata ai.

O tali o loo i le itulau e sosoo ai.

1. O lenei tamaitai na papatiso i le 1834 ma mulimuli ane malaga mo le 1,000 maila (1,600 km) na o ia lava e faatasi atu i le Au Paia o Aso e Gata Ai i Katedrali, Ohaio, ISA. Sa ia folafola atu i lona tina o le a ia toe foi mai pe ia iloa e sese le Ekalesia, peitai na nofo ai pea o ia ma le Au Paia o Aso e Gata Ai mo lona soifuaga atoa.

2. Na taumafai le tane i le lumanai a lenei tamaitai talavou e faaofo o ia ao la talavou e ala i le tapenaina o le fanua o ona matua e fai ai se pati e talitutusa le tulaga ma isi alii talavou mau mea a lo latou pitonuu.

3. E fiafia lenei tamaitai e faitautusi, mai lava i lona teineitiiti, e tele ina faiatou ao manatu o moe o ia, teu ia moega, pe aoao foi e ta le okeni.

4. Ao valu ona tausaga, sa alu lenei teineitiiti i le togavao ma tatalo ai. Sa ia tatalo mo lona tamā, o lē sa le'i i ai sona faatuatua mausali ia Keriso. Ina ua alu atu lona tamā i le togavao e tulimanu, sa ia lagona atu lana tatalo. Na faamaluluina lona loto, ma avea o ia ma se tagata sili ona faatuatua.

5. O le tafaoga faamasani muamua lava a lenei tamaitai ma lona toalua i le lumanai, na feasogi uma ai lona tamā ma lona tina i le alafau o lana paga. Ao vaavaai solo le alii talavou e sue lana paga eva, sa na o le faapea mai o ia,



Ema Hale Samita



Flora Amussen Benson




Marjorie Pay Hinckley



Phoebe W. Carter Utilafi



Lusi Utilafi Samita



Frances Johnson Monson



Camilla Eyring Kimball



Ema Ray MaKei

“Se'i ou alu e aumai lo'u ofu mafanafana.”²

6. Sa aoga lenei tamaitai i le Iunivesite o Iuta ma le Kolisi o Musika a Cincinnati, lea sa ia aoaoina ai tomai faatausiaiga. Sa ia aoao e fiafia i tusiga, tala faatino, ma tusiata ma avea ma se tagata musika lelei.

7. Ao avea ma se teine aoga i le kolisi, sa faatinoina e lenei tamaitai le vaega autu o Viola i le tala a Siekisipia *Twelfth Night* ma na taitai i le komiti o le siva faapitoa mo le vasega sefulutasi, peresitene o le Kalapu Afeleti a Tamaitai, ma na avea ma sui peresitene o le aoga atoa.

8. Na tuuina atu e lenei tamaitai ni faiatuga musuia i le Peraimeri, ae faaiu i se lafoga malie ma taga. Fai mai lona toalua mulimuli ane e uiga i se tasi o ana faiatuga, “Ou te le iloa po o le a le mea na oo ia te au, ae ou te le'i faagaloina lava. Ona tuputupu a'e ai lea o ia ma avea ma se tamaitai talavou lalelei, ma sa i ai lo'u lagona lelei ou te faaipoipo ia te ia.”³


FAAMATALAGA

- Bruce R. McConkie, *Doctrinal New Testament Commentary*, 3 vols. (1966–73), 3:302.
- Tagai i le Thomas S. Monson, “Matuai Faamanuiaina Lava,” *Liahona*, Me 2008, 111.
- Tagai i le Jeffrey R. Holland, “Peresitene Gordon B. Hinckley: O Lo o Tulai mai o Ia ma le Lototele ma le Malosi,” *Liahona*, Iuni 1995, 17.

O Le Aoaoina: E Faateleina Ai Lo Tomai e Auauna Atu Ai

Ua leva ona uunaia e le Alii ma Lana Eklesia ia aoaoga e faalauaitele ai lo tatou tomai e auauna atu ai ia te la ma fanau a lo tatou Tama Faalelagi. Mo i tatou taitoatasi, po o a lava ni a tatou taleni, o loo ia te la se galuega mo i tatou e tuuina atu. Ma o le faia ia lelei e masani lava ona aafia ai le aoaoina, e le na o le faatasi pe faatapulaa foi se taimi, ae ia fai sooo."

Peresitene Henry B. Eyring, Fesoasoani Muamua i le Au Peresitene Sili, "Education for Real Life," *Ensign*, Oke. 2002, 17.



Fautuaga mo le Aoaoina i le Olaga Atoa

- Faitau se tusi lelei.
- Amatalia se gaoioiga e te fiafia i ai e masani ona e manao e faataitai.
- Auai i gaoioiga faaleaganuu aoga.
- Suesue i lauga o le konafesi aoao ua atofaina atu po o mataupu o le tusi lesona o le *Mataupu Faavae o le Talalelei* mo lesona i Aso Sa.
- Asiasi i falemataaga ma nofoaga o talafaasolopito.
- Matau le lalolagi o loo siomia ai oe: savalivali i lou pitonuu, matautuina fetu, matamata i meaola i lo outou eria.
- Fai galuega o talafaasolopito o aiga.
- Aoao se tomai po o se taaloga fou.
- Asiasi i le faletusi e sailiili i se autu e te fiafia i ai.

Mo nisi faamatatalaga e uiga i lenei autu, tagai i le Faamaoni i le Faatuatua (2004), "A'oga," 23–24.

TALI O LE SUEGA FALETUA O PEROFETA

- O Phoebe W. Carter
Utilafi, na faaipoipo ia Uilifoti Utilafi
- O Lusi Utilafi Samita, na faaipoipo ia Siaosi Alapati Samita
- O Camilla Eyring Kimball, na faaipoipo ia Spencer W. Kimball
- O Ema Hale Samita, na faaipoipo ia Iosefa Samita
- O Frances Johnson Monson, na faaipoipo ia Thomas S. Monson
- O Ema Ray MaKei, na faaipoipo ia Tavita O. MaKei
- O Flora Amussen Benson, na faaipoipo ia Ezra Taft Benson
- O Marjorie Pay Hinckley, na faaipoipo ia Gordon B. Hinckley

VALAAU MO NI TALA A TAMAITI

Oloo saili leLiahona mo ni tala moni e **tusia e tagata matutua** ma e faatatau i aafiaga o tamaiti mai le salafa o le lalolagi. E tatau ona faatatau ia tala i mea moni na tutupu; ae peitai, o igoa, talanoaga, ma faamatatalaga auiliili laiti e ono faaopoopo pe sua e fesoasoani i le faamaeaina o le tala.

E tatau ona faailoa mai i tala o loo aoao ma faaaoga e tamaiti ia mataupu faavae o le talalelei i o latou olaga, aemaise lava pe afai o loo fesoasoani le talalelei ia i latou e foia ni faaososoga ma ni faafitauli moni o le olaga. E tatau i tala ona faaali mai ia manatu ma lagona o le tamaitiiti o loo aafia.

O ou lava aafiaga a o e laitiiti, aafiaga o lau fanau, po o ni mea na tutupu na e vaai i ai i olaga o tamaiti o loo siomia ai oe e avea lea o ni punaoa lelei mo ni manatu o tala.

O nisi o manatu mo autu e aofia ai le faatuatua, papatisoga, faamaoni, faamagalatu, molimau, aifi faaleaiga, mulimuli i le perofeta, fesoasoani atu i isi, mulimuli ia lesu Keriso, o le Agaga Paia, po o soo se mataupu faavae o loo i le O O'u Tulaga Faatonuina o le Talalelei.

E tatau ona aofia i tusiga e auina mai le igoa o le tusitala, tuatusi, numera o le telefoni, tuatusi i-meli (pe a i ai), uarota po o le paranesi, ma le siteki po o le itu. Ia i-meli mai tala i le liahona@ldschurch.org pe auina mai i le:

Stories for Children
Liahona, Rm 2420
50 E. North Temple St.
Salt Lake City, UT 84150-0024, USA

PE MAFAI ONA E FAIA SO'U FAAMANUIAGA?

Saunia e Jennifer Rose Maddy

Mekasini a le Ekalesia



Sa toulu malosi le kiona ao alu lemu la'u taavale i luga o le mauga. A mafai lava ona ou oo i le tumutumu, o lo'u mafaufau lea, o le a mafai foi ona ou taunu saogalemu i le fame. Peitai ao o'u taamilo atu i se pioga, sa ou vaia se taavale ua le mafai ona taofiofi ma o loo agai mai i lalo mai le mauga ma faasasa'o mai lava ia te a'u. Sa na ona sina taimi na ou ee ai ao le'i tupu le faalavelave, ona ou le iloa ai lea o se mea.

Sa ou le iloa le umi o le taimi ua alu ao ou taumafai e pulapula ae ou mata. Sa maatiati mai le kiona i o'u foliga ao lelea mai i totolu o se faamalama o le itu na ta'e. Sa ou tauivi e manatua ni faamatalaga faigofie, e pei o fea sa ou alu i ai ao le'i tupu le faalavelave. I le tuuatoatasi ma le fefe, sa ou tagi i le tiga tutui o lo'u tauau ma lo'u fatafata. Sa ou aioi atu i le Tama Faalelagi ina ia aua ne'i loloto tele o'u manua ma ia ou le afaina.

I ni nai minute mulimuli ane sa ou lagonaina ai le uu e se tagata o lo'u lima. Na faafusei lava, ona ou uumauina. Sa pupula ou mata ma iloa ai se tamaloa i se sutu lanu uliuli ma se pulou o loo tu i fafo o la'u taavale ua papaoia. Fai mai o ia na iloa mai i

lo latou famele lona toalua le laveaga, ma na sau o ia e vaai pe mafai ona ia fesoasoani mai. Na ia uu lo'u lima ma fai mai o le a le afaina a'u.

Sa ou taumafai e fesili atu i le tamaloa pe o ia o se tagata o le Au Paia o Aso e Gata Ai, ae na pau lava le mea na mafai ona ou musumusu atu, "Pe mafai ona e faia so'u faamanuiaga?"

Na ia fai ioe ma aapa mai i totolu o le faamalama na ta'e ma tuu ona lima i luga o lo'u ulu.

Ou te le manatua ana upu. Ae na ou manatua lo'u mafaufau o le a ou malosi aua ua fai lo'u faamanuiaga. Sa ou lagona le filemu ma le mafanafana.

Ina ua taunu mai le taavale a le falema'i, sa ou le toe iloa atu le tamaloa. Sa ou tuua le falemai i ni nai itula mulimuli ane ma se ivi asoaso gau ma le tele o manu'a ma uno'oa ae leai ni manu'a tuga.

Sa ou tatalo i lena taeao ina ia ou saogalemu i a'u fealuaiga, ma i le taimi muamua sa ou manatu ai e le'i tali mai le Tama Faalelagi i la'u tatalo. Peitai sa vave ona ou iloaina, na Ia taliina ma e Na te le'i tuulafoaia a'u. Sa tali mai la'u tatalo e ala i se tasi o umia ma le faamaoni le perisitua sa nofo e le mamao mai le nofoaga

E TUSA MA LO LATOU FAATUATUA

"E na o e umia le Perisitua Mekisateko e mafai ona faauuina e mama'i pe mafatia. E masani lava e toalua pe sili atu i latou o loo umia le perisitua e faauuina le ma'i, ae mafai e le toatasi ona faatinoina uma na o ia le faauuga ma le faamauga pe afai ua manaomia ai. . . .

"E tatau i uso ona faauu i e mama'i pe a talosaga mai le tagata ma'i po o se tasi o i latou o e o loo matuai popole lava ina ia faamanuiaina e tusa ai ma lo latou faatuatua."

Tusitalima 2: Taitaiina o le Ekalesia (2010), 20.6.1.

na ou lavea ai, o se faalavelave na semanu e sili atu le tulaga mafatia ou te oo i ai.

Ou te le matauina foliga o le tamaloa pe afai ou te pasia o ia i luga o le auala. Ou te le manatua lona leo pe afai ou te faalogo o faatalofa mai. Peitai ou te faafetai mo lenei tagata ese o lē sa agavaa ma naunautai e tuuina mai se faamanuiaga faaleperisitua ina ua ou manaomiaina. ■

Tauave i O'u luga LONA SUAFA

Saunia e Jacob F. Frandsen

"Ua leai foi se tasi igoa ua foaiina mai e oo mai ai le olataga; o le mea lea, ua ou manao ai ina ia outou ave i luga ia te outou le suafa o Keriso" (Mosaea 5:8).

FAAMUAMUA LE ALII

Pe a tatou aai ma feinu i le faamanatuga, ua tatou folafola atu e ave i o tatou luga le suafa o le Faaola (tagai i le MFF 20:77). Na faamalamalama mai e Peresitene Henry B. Eyring, Fesoasoani Muamua i le Au Peresitene Sili: "O lona uiga e ao ona tatou vaai ia i tatou lava o ni Ona soo. O le a tatou faamuamua o la i o tatou olaga. O le a tatou mananao i mea e finagalo ai o la nai lo mea tatou te mananao ai po o mea ua aoao mai le lalolagi ia tatou mananao i ai" ("la Tasi," *Liahona*, Sete. 2008, 5).

In i nai vaiaso talu ona ou i ai i la'u misiona, sa amata ona ou lagona le tuuatoatasi ma le misia laitiiti o le aiga. Sa ou fiafia e avea o se faifeautalai, ae sa sili atu le faigata o le galuega nai lo le mea na ou mafaufauna. Sa ou misia a'u uo, lo'u aiga, ma mea uma lava ou te masani ai ua ou tuua. I se tasi o a'u sue-suega faaletagata lava ia i se tasi taeao, sa ou saofai filemu ai, ma feliuliui i lo'u lima le pine o lo'u igoa, ma mafaufau i lo'u faamemelo mo se mea sa ou masani ai. Sa ou moomoo maimau pe ana sei mafai lava ona ou faalogo o valaau mai e se tasi lo'u igoa muamua.

Ao ou tilotilo i le pine o lo'u igoa, sa ou iloa ai e ui e le o i ai lo'u igoa muamua, ae sa ou vaaia ai lo'u faai, le igoa o le Eklesia, ma le suafa o le Faaola na lolomi ai i luga. Na faafuasei lava ona ou iloa se tasi o mea lea na suia atoa ai la'u vaaiga ma o'u uiga. Sa ou iloa ai, i le avea ai ma se faifeautalai ou te le o i ai iina mo a'u lava. Ae sa ou galue e sui i lo'u aiga ma le, mea e sili ona taua, sa ou sui i lo'u Faaola ma Lana Eklesia. Sa ou

faapipiiina le pine o lo'u igoa i luma o le taga o lo'u ofutino, i luga ae tonu lava o lo'u fatu. Ao faia lenei mea, sa ou folafola atu i lo'u Faaola o le a ou tuuina atu atoa se nofoaga tele mo Ia i totonu o lo'u loto ma lo'u mafaufau.

Ou te le'i toe misia le faalogo i lo'u igoa muamua talu mai lena taeao. Mai lena lava taimi na ou galue ai ma au-auna atu i le mea sili sa ou mafai, ma faaaogaina ma le mitamita le pine o lo'u igoa i aso uma. I taimi e amata ai ona ou lagona le faavaivai, ou te tilotilo i le pine o lo'u igoa, ma e faamanatu mai ai ia te au o'u tiutetauave ina ia mulimuli i le faataitaiga a Iesu Keriso.

Sa ou taumafai e tauave ma le atoatoa i o'u lava luga ia Lona suafa ma avea atili e faapei o Ia. Ao ou faia lenei mea, sa sili atu ona ou lagonaina le alofa mo a'u soa ma i latou sa ou auauna atu i ai, na faamalosia la'u molimau, ma sa ou maua le olioli i le galuega faafaifeautalai. Sa amata ona ou faagaloina au lava ae taulai atu e auauna i le Alii.

Ua tele tausaga talu ona ou toe fo'i



mai i le fale mai la'u misiona, ae o loo ou mauaina lava le avanoa e ave ai i ou luga le suafa o le Faaola. E moni, i le avea ai ma se tagata o le Ekalesia, tatou te tau-tino uma atu e ave i o tatou luga le suafa o Keriso i aso Sapati taitasi pe a tatou aai ma feinu i le faamanatuga. Ao tatou faia lena mea, ua tatou folafola atu tatou te avea ma sui o lo tatou Faaola i le mea sili tatou te mafai ma taumafai e avea atili faapei o Ia. E pei ona aoao mai le Tupu o Peniamina: "O le mea lea ua ou manao ai ina ia outou ave i luga ia te outou le suafa o Keriso. . . O le na te faia nei mea, e maua o ia i le itu taumatau o le Atua, aua e iloa e ia le igoa e valaauna ai o ia; aua e valaauna o ia i le suafa o Keriso" (Mosaea 5:8–9). O le tauaveina o Lona suafa i o tatou luga, ua maua ai e i tatou taitoatas i faamoemoega ma le olioli sili i a tatou misiona faalelalolagi. ■

Matou te talia tala o ou aafiaga faaletalelei e fesootai ma le galuega ma le misiona a le Faaola. Faamolemole faatapulaa mai tusiga i le 500 upu, faailoga mai faapea *We Talk of Christ, ma i-meli mai i le liahona@ldschurch.org.*

Na faavaeina e le Faaola le faamanatuga faatas i ai ma Ana Apostolo. Na tofifof i ia le areto ma avatu ia i latou, ua faapea atu, "O Lo'u tino lenei, ua foaiina atu mo outou: tou te faia le mea nei e fai ma faamanatuga ia te au. Sa faapea foi ona tago i le ipu, ina ua uma ona talisua, ua faapea atu, O lenei ipu o le feagaiga fou lea i lo'u toto, ua faamaligina mo outou" (Luka 22:19–20).

O LE A LE UIGA O LE AVE I O TATOU LUGA O LE SUAFA O IESU KERISO?

Na fesoasoani ia Elder Dallin H. Oaks o le Korama a Aposetolo e Toasefululua e tali lenei fesili i lana lauga o le konafesi aoao "O Le Ave i o Tatou Luga o le Suafa o lesu Keriso" (Liahona, Iulai 1985, 76).

1. Pe a tatou tagofia le faamanatuga, ua tatou faafouina ma le naunautai le feagaiga na tatou osia i le papatisoga—ina ia manatua le Alii ma tausi Ana poloaiga.
2. Tatou te ta'u atu i luma o isi lo tatou talitonuga ia te la (tagai i le MFF 18:21).
3. E mafai ona tatou auauna atu ia te la e ala i le faia o le galuega o Lona malo (tagai i le Eperu 6:10).

Mafaufau e faasoa atu lau molimau i le Atua le Tama ma Lona Alo o, lesu Keriso, i se afiafi faaleaiga, i se sauniga molimau, pe i setasi o se isi tapuaiga.

NA AUINA MAI I TATOU E
LE ATUA I LE LALOLAGI
O SE TAGATA O SE

Aiga

Ei ai se fuafuaga a lo tatou Tama oi le Lagi mo i tatou, ma o le auina mai o i tatou i le lalolagi e avea o ni tagata o se aiga o le vaega lea o lena fuafuaga. O Atamu ma Eva o le uluai aiga lea i le lalolagi; na tuufaatasia i laua e lo tatou Tama Faalelagi i le faaipoipoga ma faatonuina i laua ina ia fanafanau (tagai i le Kenese 1:28). E finagalo le Atua ina ia maua e Lana fanau agaga se tino faaletino. A aumai e matua ia fanau i lenei lalolagi, ua latou fesoasoani i lo tatou Tama Faalelagi e faataunuun Lana fuafuaga o le faaolataga. Latou te talia lelei i o latou aiga fanau taitasi faatoa fananau mai o se atalii/afafine o le Atua.

Sa silafia e lo tatou Tama Faalelagi o le avea ma se tagata o se aiga o le tuuina mai ai ia i tatou taitoatasi le avanoa sili e alofaina ai ma tausiaina ai ao i ai i le lalolagi. E galulue faatasi ia aiga e aoao le ola pulea o le tagata lava ia, ositaulaga, tuuto, ma le taua o le galue. Latou te taumafai foi e aoao le alofa, fefaaasoai, ma ia auauna le tasi i le isi (tagai i le Mosaea 4:14–15). E aoao fanau e faailoa atu le alofa mo o latou matua, ia usiusitai, ma ia taumafai e ola i le ituaiga olaga o le a aumai ai le mamalu i le faaui o lo latou aiga.

Ao tuuina atu e tagata o le aiga se faamalosiauga ma le faamalo o le tasi i le isi, e tuputupu ae ia lagona o le mautinoa ma le alofa. E faaalia e aiga faamanuiaina le faamoemoe ma le naunautaiga e lagolagosua i tagata taitasi o le aiga i manaoga faaletagata ma le fesoasoani atu o le tasi i le isi e aoao ma galulue faatasi i le alofa. O la latou sini o le avea lea ma se iunite faaleaiga fiafia ma le faavavau. ■

Mo nisi faamatalaga, tagai i le *Mataupu Faavae o le Talalelei* (2009), 227–32; ma le M. Russell Ballard, “O Le Mea e Sili Ona Taua E Sili Atu Foi Ona Umi,” *Liahona*, Nov. 2005, 41–44.

“O le faaipoipoga i le va o le alti ma le tamaitai, ua faauuina e le Atua. . . . O le aiga o le totonugalemu lea o le fuafuaga a Le Foafoa, mo le taunuuga e faavavau o Lana fanau” (“O Le Aiga: O se Folafolaga i le Lalolagi,” *Liahona*, Nov. 2010, 129).

O nisi nei o gaoioiga o le a fesoasoani ia i tatou ina ia maua ai ni aiga fiafia ma le faamanuiaina:

la tatalo faatasi o le tane ma le ava.



la faia tatalo faaleaiga i taeao ma afiafi uma (tagai i le 3 Nifae 18:21).



la auai i sauniga Lotu i Aso Sa taitasi (tagai i le MFF 59:9–10).



la aoao i fanau le talalelei i vaiaso taitasi i afiafi faaleaiga.

Suesue i tusitusiga paia i aso uma o se aiga.

Aoao ia agalelei, onosai, ma ia alofa moni (tagai i le Moronae 7:45–48).

la faifai mea faatasi o se aiga, e pei o le aai faatasi, galulue faatasi, o i tafaoga, ma le faia o tonu faaleaiga.

TOATASI LE PAIONIA MALOSI,

TOATELE AUGATUPULAGA UA FAAMANUIAINA

Talu mai aso o le popofou o le Ekalesia, na sauaina ma ulagia ona tagata ona o o latou talitonuga. O se tasi o tamaitai talavou na feagai ma se sauaga o Sara Elvira Eriksen. Sa fanau o ia i Drammen, Nouei, i le 1895. Ina ua uma ona maua sana molimau, sa tuuto o ia i le talalelei—o se tautinoga e tiaua tele ona taunuuga nai lo se isi lava mea na ia mafau-fauina i lona olaga atoa. Ona o lona lototoa ma le faatuatua, ua maua ai nei e tagata na tupuga mai ia te ia ia faamaniaga o le talalelei i o latou olaga.

E pei o Sara, tatou te ono aa-fia ma ni faigata i o tatou olaga lea e manaomia ai i tatou e tu i se tulaga mo a tatou molimau ia Iesu Keriso ma Lana Ekalesia toefuataiina. O la tatou filifiliga e tu mausali i o tatou talitonuga e mafai ona uunaia ai olaga o isi, e pei foi ona faia e Sara. O lana tala lenei.



Ina ua 15 o'u tausaga, sa alu se ma savaliga ma lo'u tamā i se tasi o afiafi i le Aso Sa. Na faafuasei lava ona tu lo'u tamā ma fautua mai e ma te o i le Lotu Mamona. Sa ou te'i, ae ona o lo'u fialoa na ma o ai ma ia. Sa usuina e le aufaipese se viiga matagofie. Ou te le'i faalogoina muamua lava se mea ua ese le faagaeetia.

Ina ua uma le pese, sa tu i luga se faifeautalai ma tuuina mai se lauga e uiga i le Aigaatua. Na talanoa mai o ia ia i maua ma lo'u tamā i se taimi mulimuli ane mo ni nai minute.

Ana le mavae se tausaga mulimuli ane, ina ua ou alu e aoao le Igilisi mai faifeautalai, ou te le toe alu i le lotu. A maea vasega Igilisi taitasi, ona matou se'e atu lea i talanoaga faalelotu. Sa aoao au e faifeautalai e uiga i le talalelei ma le auala e tatalo ai i le Atua le Tama i le suafa o Iesu Keriso. Sa la ta'uina mai ia te au le Toefuataiga o le talalelei e ala mai i le Perofeta o Iosefa Samita, o le oo mai o le Tusi a Mamona, ma le tele o isi mataupu faavae o le talalelei.

Sa matuai fou nei mea uma ia te a'u, peitai na i ai se leo masani. Sa ou suesue ma le faaeteete i tusutisiga paia ma tatalo ma le faamaoni mo le malamalamala, lea na tuuina mai ia te a'u.

Sa matauina e lo'u tamā se suiga ia te a'u. Peitai ina ua ia iloaina ua amata ona ou faananaau atu i le Ekalesia, sa amata ona ita ma faasa a'u ona ou toe alu i le lotu. Sa ou alu lava. Sa tele lava ina ia auina mai lo'u tuagane e avatu a'u i le fale i le ogatotonu o sauniga Lotu.

Ina ua atoa lo'u 17, sa fesili mai lo'u tamā po o le a se mea ou te manao i ai mo lo'u aso fanau. Sa ou tauina atu ia te ia ou te manao i lana faatagaga ou te papatiso ai. Sa ia tu'i-inia luga o le laulau ma ee mai, "Leai!"

O le taimi lea na auai ai o'u matua i se isi lotu. Na auina mai e lo'u tamā le faifeau o le lotu ma isi e talanoa mai ia te a'u, ae na mausali la'u molimau i le talalelei. Sa ta'u mai e lo'u tamā o a'u o se tagata ua faamaasia le aiga, ma sa tuli faamalosi a'u mai le aiga. Sa ou nofo i se aiga o se uso o le Aualofa pe tusa ma se vaisaso. I lena taimi ua faamaluluina le loto o lo'u tamā, ma na ia faatagaina a'u e toe foi mai i le aiga.

I totonu o ni nai masina na iloa ai e lo'u tamā ua leai se mea e mafai ona toe aveeseina ai la'u molimau i le talalelei, o lea na ia tuuina mai ai lana faatagaga ou te papatiso. Sa matuai maoae lo'u olioli ma le fiafia lea na matua loloto ai se aafiaga na faia i lo'u tamā. Na oo lava ina manao ma te o i Oslo e auai i lo'u papatisoga.

O le taimi atoa lava lea, e le'i tele ni upu na fai mai ai lo'u tina, ae na mafai ona ou iloaina sa talitonu o ia e moni le talalelei. Sa ma faaaluina le tele o itula ma te talanoa ai e uiga i le talalelei.

Ae peitai, e le'i gata le tauiviga i le aiga. Sa le'i faalogo lo'u tamā ia te a'u. Sa ou tuuina ni tamaitusi i luga o lana laulau, aua e masani lava ona ia faitau i le leva o le po. Sa ou valaaulia i le tele o taimi ia faifeautalai i lo matou fale, ma sa la talanoa i lo'u tamā, ae

leai ma se mea na aoga.

I se tasi aso na fesili mai ai lo'u tamā ia te au, "E te tatalo ea?" Sa ou fai atu ia te ia ou te tatalo i aso uma ina ia tatala ona mata i le moni o le talalelei. Na ia tali mai e sau uma lava na mea mai le tiapolo ona ia fai mai lea, "Ta tatalo faatasila."

Sa ou fai atu, "Ia ua lelei, tatalo oe i lou Atua, ae o le a ou tatalo i lo'u Atua, ma o le a ta vaai po o ai e tali muamua mai." Ma na ma faia faapea.

E le'i leva ae amata ona ou matauina ua ia faitauina ia tamaitusi ma le Tusi a Mamona. Sa ma o i le lotu i le tele o taimi ae le'i mafai lava ona talanoa mai pe faailoa mai ia te au ni suiga i lona talitonuga. Ae ui i lea, e seasea i ai se aso ma te le'i talanoa ai i ni mataupu faavae eseese o le talalelei.

I se tasi o aso, ina ua mavae le tolu tausaga o lenei tulaga, na ia fai mai ia te a'u e alu i Oslo ma e manao ma te o faatasila. Ina ua ma taunu atu i le fale faatali pasese, sa i ai iina se tasi o faifeautalai a le matou uarota. Sa ou fesili ia te ia po o fea e alu i ai.

Sa fai mai le faifeautalai, "E te le iloa? Ou te alu e papatiso lou tamā."

Sa ou tagi ma ata! E tasi le masina mulimuli ane ae papatiso foi lo'u tina ma lo'u tuagane laitiiti. Sa auai foi lo'u uso ma lona toalua i le Ekalesia i se taimi e lei mamao, faapea foi ma o'u tuagane e toatolu. ■

Ua faitau fiaselau le fuainumera o tagata faamaoni i le Ekalesia ua tupuga mai ia Sara Elvira Eriksen. O le tala lenei na auina mai e lana fanau o, Rose Anderson, Betty Farley, Aksel Tanner, ma Janet Bylund mai lana [Sara] talaaga patino.

AAPA ATU MA SE Lima Laveai



Saunia e Peresitene
Gordon B. Hinckley
(1910–2008)

Na vaetofia Gordon B. Hinckley e avea o se Peresitene lona 15 o le Ekalesia i le aso 12 o Mati, 1995. Sa ia faatulagaina le fausia o tamai malumalu, faasilasila mai ni malumalu fou se 79 i le taimi a o peresitene o ia. E manatuaina foi Peresitene Hinckley i le femalagaai e asiiasi i Au Paia o Aso e Gata Ai i le silia ma le 60 o atunu. Na sii mai le tusiga lea e i lalo mai se saunoaga o le konafesi aoao i le aso 6 o Oketopa, 1996. Mo le saunoaga atoa, asiiasi ane i le conference.lds.org.

E manaomia e i tatou uma ona manatua le taimi ua tuanai. O le talafaasolopito tatou te maua ai le malamalamama lena e mafai ona faasaoina ai i tatou mai le toe faia o mea sese, lea e mafai ona tatou atiina ae ai mo le lumanai. . . .

Ou te toe aveina outou i tua i le Konafesi Aoao ia Oketopa 1856. I le Aso Toonai o lena konafesi, sa taunu ai Franklin D. Richards ma sina vaega toaitiiti o paaga i le [Vanu o Sate Leki]. Sa malaga mai i latou mai Uinita Kuota ma ni vaega malolosi, ma ni taavale solofanua māmā, ma sa mafai ona vave le latou faigamalaga. O le taimi lava lena sa saili ai e le Uso o Richards ia Peresitene Iaga. Sa ia lipoti atu e selau ma selau alii, tamaitai ma tamaiti o loo salalau solo i luga o le ala mai

Scottsbluff e oo mai i lenei vanu. O le toatele o i latou sa toso mai ni taavale tosolima. Sa latou o mai na ni taavale toso e lua na faatonuina e fesoasoani ia i latou. Sa latou taunu i le eria o le laasaga mulimuli lava o le Vaitafe o North Platte. I o latou luma atu sa i ai se auala e agai i luga i le mauga e oo atu i le Continental Divide ma le tele, ma tele o maila e i talaatu. . . .

O le taeao na sosoo ai na sau ai [Peresitene Iaga] i le Tapeneko tuai sa tu i le [Lotoa o le Malumalu]. Sa ia fai atu i tagata:

“. . . E toatele o tatou uso ma tuafafine o i luga o laufanua valevalenoa ma ni taavale tosolima, ma e atonu e toatele ua i ai nei i latou i le fitu selau maila le mamao ese atu ma lenei nofoaga, ma e tatau ona aumaiia iinei, ma ua tatau ona tatou auina atu se fesoasoani ia i latou. . . .

“O la’u mataupu faalelotu lena; o le faatonuga lena a le Agaga Paia ua ou maua. O le faaola mai o tagata.

“Ou te valaaau atu i Epikopo i lenei aso. Ou te le faatali seia oo taeao, pe o le isi foi aso, mo ni miula lelei se 60 ma ni taavale solofanua se 12 po o le 15. Ou te le manao e auina atu ni povi. Ou te manao i ni solofanua lelei ma ni miula. O loo i ai i lenei Teritori, ma e tatau ona tatou maua mai. Faapea foi ma ni tone falaoamata se 12 ma ni tagata avetaavale solofanua lelei se 40, e ese mai ia i latou e aveina na solofanua.

“Ou te ta’u atu ia te outou uma o o outou faatuatua, talitonuga faalelotu, ma galuega faalelotu, e le faaolaina ai se tagata e toatas i o outou i le Malo Selesitila o lo tatou Atua, sei vagana ua tatou faataunuina na mataupu e pei ona ou aoao atu nei ia te outou. *O atu ma aumai na tagata o i ai nei i luga o fanua valevalenoa.*”¹

O lena aoauli sa tuufaatasia ai e tamaitai le anoanoai o meaai, ie afu, ma ni lavalava.

O le taeao na sosoo ai, sa saunia ai solofanua ma lipea taavale solofanua ma la’u i ai ni uta.



*O tala o
lo latou
laveaiiina
na faa-
matalaina
ai le fatu
moni o le
talalelei a
Iesu Keriso*

O le taeao na sosoo ai i le Aso Lua, e 16 taavale o miula taifa na malaga ese atu e agai i sasae. E oo atu i le faaiuga o Oketopa ua 250 vaega o taavale solofanua ua i luga o le ala e tuuina atu se fesoasoani.

Ou uso e, ma tuafafine, sa faia ni lauga matagofie mai luga o lenei pulelaa. Ae leai se lauga na sili atu ona ogaoga ma ‘anoa e pei o lena sa saunoa atu ai Peresitene Iaga i na tulaga.

... O tala o lo latou laveaiiina e manaomia ona toe faamatalama toe faamatala. Na latou faamatalaina ai le aano moni o le talalelei a Iesu Keriso. . . .

... O loo i ai nisi o o tatou lava tagata o loo tagi mai i le tiga ma le mafatia ma le faanoanoa i le nofotoatasi ma le fefe. O la tatou galuega o se tiute maoae ma paia, o le aapa atu lea ma fesoasoani ia i latou,

e siitia i latou, e fafaga i latou pe afai o fiaai, e tausia o latou agaga pe afai o galala mo le upumoni ma le amiotonu.

Ua toatele naua tagata talavou o loo feseta'i ma savaval i se ala matautia o fualau oona, keni, o le ola le mama, ma faafitauli uma faapena e o mai faatasi ma nei mea. O loo i ai ni fafine ua oti a latou tane, o fia maua ni leo faauo, ma lena agaga popole naunautai e tau-tala mai i le alofa. O loo i ai i latou sa mafanafana i le faatu-tua, ae ua maalilili nei o latou faatuatua. O le toatele o i latou ua mananao e toe foi mai, ae ua le iloa pe faapefea ona fai. Ua latou manaomia ni lima faauo e aapa atu ia i latou. O se taumafaiga itiiti lava, e mafai ai ona toe aumaia le toatele o i latou e toe taumamafa i le laoai a le Alii.

Ou uso ma tuafafine e, ou te faamoemoe lava, ou te tatalo foi, o i tatou taitoatasi . . . o le a faia se faaiuga e saili i latou o loo manaomia le fesoasoani, o e o i ai i tulaga atuatuvalue ma faigata, ma siitia i latou i le agaga alofa i totonus o le li'o o le Ekalesia, lea o le a faafitafainai ai i latou e lima malolosi ma loto e alolofa, faamafanafanaina ai, lagolagoina ai, ma tuu atu ai i latou i le ala o le fafia ma ni olaga faamanuiaina.

Ou te tuuina atu ia te outou a'u uo pele, ma e o loo tatou faifaimea faatasi i lenei galuega ofoofogia, la'u molimau i le moni o lenei galuega, o le galuega a le Silisili Ese, o le galuega a le Faaola o tagata uma. ■

Ua faalaugatasia ia faailoga ma sipelaga.

FAAMATALAGA

1. Polika Iaga, sii mai i le LeRoy R. Hafen ma Ann W. Hafen, *Handcarts to Zion* (1960), 120–21.

LUA PAIONIA MAI SENETURIE E LUA

Saunia e Allison Ji-Jen Merrill

Lau Pele Ebenezer, e te le iloaina a'u; ta te le'i feiloai lava. O le aso 17 o Novema, 1830, sa e fanau ai i Dunblane, Perthshire, Sikotilani, ia Andrew Bryce ma Janet Adams Bryce. Sa la faaigoaina oe ia Ebenezer.

E selau fasefulutolu tausaga mulimuli ane, ae ou fanau i Hualien, Taiuani. Sa faaigoaina a'u ia Ji-Jen Hung.

Na amata ona e faigaluega i lotoa o vaa i le 10 o ou tausaga. Sa avea mulimuli ane oe ma se tagata aoga i lea matata ma sa e matuai atamai lava i lau matata.

I le fa o o'u tausaga na amata ai ona ou taulotoina ia faatele ma le gagana faifaatusa a Saina. Sa le'i faigoifie, ae na ou mafaia.

I le tautotogo o le 1848, sa amata ai ona e fiafia i Le Ekalesia a Iesu Keriso o le Au Paia o Aso e Gata Ai, e ui e le'i tutusa lou naunautai ma lou tamā, aiga, ma uo. Sa latou faia mea uma na mafai e faatosina ai oe ina ia e faitioina le Ekalesia. Na oo lava ina loka e lou tamā ou lavalava e taofia ai oe mai le auai atu i sauniga i Aso Sa. Peitai na mausali lou faatuatua. E ui i sauaga ae na e tauivi pea.

O le aso 4 o Tesema, 1986, na tuitui mai ai i le faitotoa o le fale o lo'u tamā ni faifeatalai Amerika se toalua mai Le Ekalesia a Iesu Keriso o le Au Paia o Aso e Gata Ai. E ui lava na faatagaina e Tama ia faifeatalai e asiiasi soo mai, ae sa le'i fiafia o ia i le savali. O ni nai masina mulimuli ane na tetea ai i laua ma le Tina ae toe faaipoipo.

Ina ua ta'u atu e Tama i faifeatalai le tala faanoanoa i le malepe o lo matou aiga, sa ia fai atu foi i ai, e aua nei toe o mai.

Sa tuuina e faifeatalai se kopi o le Tusi a Mamona ma tusia i totonu o



le faavaa le tuatusi o le lotu e sili ona lata ane ma faapea mai, "E avea pea i maua ma a outou uo. Afai e i ai se mea e mafai ona ma faia mo lou aiga, susū mai i le tuatusi lenei, ma o le a e mauaina i maua iina."

Sa faigata ona faatofa atu i faifeatalai i lena afiafi, aua sa ou lagonaina se mea taua i le la savali.

Sa sau le toalua fou o lo'u tamā [i lo matou aiga]. Na amata ona vaaia uiga le lelei o i laua ma Tama, ua amata ona faigata le olaga, ma sa avea a'u ma se talavou faafiuflui.

I se tasi o po, ina ua ou le mafai ona toe tatalia o laua uiga le lelei, sa ou tamoe i fafo o le faitotoa i le fefe

ma lafi i le togā araisa, ua tuulafoaia, faanoanoa, ma leai se faamoemoe. Sa ou manao ou te sola ese, ae na leai se mea ou te alu i ai.

Na faafuasei lava ona ou manatua ina le tala a faifeatalai i le la asiasiga mulimuli. "O le mea muamua lava taeao, o le a ou toe foi e saili a'u uo!" Sa ou fai ifo ai ia te au lava, ma sa ou mauaina se lagona o le filemu i totonu mo le taimi muamua lava i le tele o tausaga.

O le taeao po lava na sosoo ai, sa ou oso ai i luga o la'u uila ma agai atu i le aai i le lotu, ae peitai o faifeatalai ia na asia lo'u aiga i nai tausaga ua mavaue ua toe foi i o laua aiga. Na toeiti'i lava ou toe foi, ae faafetau loa a'u e ni tamaitai agalelei se toalua e i ai pine o o laua igoa i o laua ofu mafanafana ma faailoa mai i laua.

Le Pele Ebenezer, e ui i le tetee o lou tamā, ae na e papatiso ia Aperila 1848, na o le pau lea o le tagata o lou aiga na liliu mai.

E masina talu ona ou feiloai i faifeatalai tamaitai, ae ou papatiso loa, ia Novema 1988, o le tagata muamua o lo'u aiga ua liliu mai.

Peitai sa faafaigata e Tama ma lona toalua lo'u auai i le lotu.

I se tasi aso ina ua ou toe foi mai i le fale mai se gaoioiga a Tamaitai Talavou, sa laa mai ia Tama i le potu, palauvale mai ia te a'u, uu atu a'u tusitusiga paia, ma saesae ninii. Na salalau solo ma opeopea i le ea tamai fasi pepa, ma pauu lemu ifo i le fola, i le mea foi lea na toulu i ai o'u loimata.

*O se tamaititi Sikotilani. O se teineititi Taiuani.
E tasi ma le afa seneturi e va ai ae na tuufaatasia
e ala i le faatuatua.*

Sa pei o se miti taufaafefe ua le mafai ona ou alafa'i mai ai.

Ina ua atoa lo'u 21, sa ou faailoa atu se manaoga malosi e auauna atu i se misiona. Na tali mai lo'u Tama e ala i le faatōina o a'u. O le po o le vaeluaga o le Tausaga Fou a Saina, lea e toatele tagata e o i aiga e faatasi ai ma e pele ia i latou, sa tuliese ai a'u mai lo'u aiga.

Le Pele Ebenezer, ina ua le mafai ona tatalia ia sauaga mai lou aiga ma uo, sa e fuafua loa e faimalaga atu mai Sikotilani i Amerika e auai faatasi ma le Au Paia o Aso e Gata Ai ma laasia ia laufanua valevalenoa i Iuta. Sa ita tele lou tamā. Sa ia faatonuina oe e te nofo, peitai o oe o se alii talavou naunautai. O le aso lava na e tuuvaa ese atu ai o le taimi mulimuli lava lea na e vaai ai ia te ia.

Sa le'i faigofie ia te oe, Ebenezer le olaga o se tagata malaga e 17 tausaga, ae na e mafai.

O Ebenezer Bryce na fesoasoani i le fausiaina o le falelotu o Pine Valley (lalo), na faamaeaina i le 1868. Na ia mauaina foi le mauga loloto lea ua faaigoaina i lona igoa, Bryce Canyon National Park (taumatau), i Iuta i saute.



Na e faaaogaina vave ou tomai faakamuta, fau masini, ma le fauvaa. Sa valaauna oe e fausia se falelotu i Pine Valley, Iuta. E ui e te le'i fauina muamua se falelotu, ae sa le'i faatuai lou taliaina o le valaauga. O le asō, o loo faaaogaina pea lena falelotu e aupito sili ona leva o le Au Paia o Aso e Gata Ai.


Mulimuli ane na e mauaina le nofoaga mataina faalenatura lea o loo tauaveina lou igoa o, Bryce Canyon National Park.

O le aso 4 o Iuni, 1994, sa ou lipoti atu ai i le Misiona a Taiuani Taichung o se faifeatalai faamisiona. Sa ou faapipiina se pine lanu uliuli o le igoa i lo'u ofu mafanafana, e pei lava o alii faifeatalai ia na o

mai e asiasi i lo'u aiga i tausaga ua mavae. Sa faalotomaualaloina a'u. Sa faamamaluina a'u. Sa faamanuiaina a'u.

Ina ua maea la'u misiona, sa ou malaga atu i Iuta, lea na ou fetauai ai i lo'u toalua. Sa ma faaipoipo i le malumalu mo le taimi nei ma le faavavau atoa. E ala mai i le gafa o lo'u toalua, ua ou fesootai atu ai ia te oe.

Le Pele Ebenezer, e te le iloaina a'u. Ta te le'i feiloai lava. Peitai ua ou faalogo i tala e uiga ia te oe. Sa le'i malolo le feoai o ou vae. Sa le'i malolo le galulue o ou lima. Sa le'i malolo lou loto mai le talitonu. Sa le'i taofia lava oe mai le auauna atu. Ina ua mavae atu nei tausaga uma, o loo siitiaina pea a'u e au faataitaiga faamaoni. Faafetai lava, le pele Ebenezer. Faafetai lava! ■





MOTU O LE AFI MA LE FAATUATUA: O Galápagos

Saunia e Joshua J. Perkey

Mekasini a le Ekalesia

O loo aliali ae i tua atu o malae maa uliuli o le lava se alā tele, o se mea e tatalia le pisi malulu ma le oona o le suasami. Pe a vaai latalata atu la i ai, e iloa ai e se tagata ia pito maamaai o ulu ia o le tele o ikuana vai, o loo faapupuu faatasi e pei o ni tarako e faatalitalia le vevela malosi o le la i le taeao. O nisi o ikuana fou e faatalitali ai taitoatasi i i ma o, i talaane o le pito maa, ma o latou lima maamaai e pei ni naifi e toeiti-iti lava pei o le uumi o tamatamailima o se tamaitai, o loo pipiimau i le maa.

Ae o le tele lava e faapotopoto i ni vaega mo le mafanafana ma le saogalemu, e vave ona lagolagoina e o latou tino malolosi le tasi ma le isi e tetee atu i le malulu ma le pogisa, ma fesoasoani le tasi i le isi i o latou manaoga masani. O i, i Galápagos, o motu na fanau mai le afi, e maua ai e le olaga se uiga taua. O se laueelele e tuufaatasai ai le faasaenisi ma le faatuatua, ma oo ai ina tatou malamalama o i tatou uma lava o se vaega o tagata masani. Ma o i, e malamalama tagata o le Ekalesia, e pei lava o nei ikuana e ola i vai, o le a maua le malosi i le pipiimau i a latou feagaiga ao latou fausia se ala tuufaatasai e agai atu ai i le Alii i le faatuatua, auauna atu, ma le ositaulaga.

O Le Auala e Amata ai le Faapotopotoina

I le taeao po o se tasi aso, a o asiasi atu i Quito, Ekuatoa, sa alu ai se savaliga i le Aso Sa

E tele atu isi mea e uiga i Atumotu o Galápagos nai lo maa mai le lava, manulele laiti, laumei, ma mataaga. O se tauulaiga o le faatuatua, lea e avea ai le lotogatasi maoae ma le tautinoga maumaututu ma ni taunuuga o le auauna atu ma le ositaulaga.

a André Degel, o se taitai malaga ma se tasi e suesue i le siosiomaga, i talaane o se falelotu o le Au Paia o Aso e Gata Ai. O le 1997 le tausaga, ma e ui o ia o se tagata o le Ekalesia, ae sa le'i toaga mo le tele o tausaga ina ua siitia atu i Atumotu o Galápagos. Sa manatua e André le lagona mafanafana i le auai i le lotu ma e tele lava ina faataga savalivali i talaane o se falelotu ao i ai o ia i Ekuatoa. Sa le masani ona alu i totonu. Na o lona fia faatalatala atu i le fale. "E lelei ai ou lagona," o lana tala lea, "e pei o loo ou i ai i le aiga."

O le aso lea faatoa amata lava le sauniga faamanatuga. Ina ua mavae sina taimi na le mautonu ai, na filifili loa André e alu i totonu. O se faaiuga o le a iu ina



Agavale: O motu o Santa Cruz (agavale) ma Baltra (taumatau) i le Galápagos. Luga: O loo pipiimau ikuana vai i se papa i Tortuga Bay, Santa Cruz.



Luga: O le uafu ma le taulaga o Puerto Ayora, Santa Cruz. Lalo, mai le agavale: O Sandra ma André Degel ma lo la tei o Claudine; Mariana Becerra; o le aiga o Palacios; O Oswaldo ma Rosario Villón.

sua ai le taunuuga o le faitau selau o olaga.

Ina ua uma le sauniga na faafeiloai e faifeautalai ma tagata o le uarota ia André. Na te manatuaina ma le alofa le talanoaga, aemaisae lava i lo latou maofa—ma le fiafia—ina ua latou iloaina o ia e sau mai Galápagos.

I lena taimi, sa le'i lelei le faatulagaina o le Ekalesia i le motu. O le mea moni lava, e le'i iloa e taitai perisitua i Ekuatoa na i ai ni tagata o le ekalesia o nonofo ai iina.

Sa le'i faamaumauina e faifeautalai se taimi. Sa latou faailoa atu André i le peresitene o le Misiona a Quito Ekuatoa ma faamautinoa ua ia i latou faamatalaga e faafesootai ai André.

E lei leva ae toe foi André i le fale i Puerto Ayora, o le aai sili ona telē i Galápagos, i le motu o Santa Cruz. E le'i leva ae auina atu e le misiona ni pusa se lua o punaoa a le Ekalesia, e aofia ai ni tuni lesona e suesue ai. Ae atonu o le mea sili ona taua, na maua e le peresitene o le misiona se lisi o tagata o le ekalesia o loo nonofo ai i le atumotu, ma e mafai ona faaaoga e André e fesoasoani e faapotopoto faatasi ai le Au Paia. O se iloiloga faatopetope o le lisi na ofo ai André.

“Na i ai i le lisi ni tagata sa ou iloaina, ae ou te le'i iloa o i latou o ni tagata o le Ekalesia,” o lana tala lea.

I le taimi lava lea e tasi, na ootia loto o nisi o tagata o le ekalesia i Santa Cruz i le faatinua o le Ekalesia iina. Sa siitia uma i latou i le Atumotu o Galápagos e saili ni galuega. Ae o le taimi nei ua latou sailia ai le tasi ma le isi.

O Le Valaau ina ia Faapotopotoina

Mo Mariana Becerra, sa faigata le olaga ao le'i faavaeina le Ekalesia iina. Sa faatoa lua tausaga talu ona avea o ia ma se tagata o le Ekalesia i le taimi na sau ai o ia i le motu i le 1990.

“E le'i i ai se Ekalesia i le taimi na ou sau ai,” fai mai ai Mariana. “Sa na o i maua ma la'u tama tama. Sa fai a ma afiafi faaleaiga ma taumafai e ola i le talalelei. Peitai sa i ai ni nai tagata o le ekalesia sa ou iloa e le'i ola ai i tulaga faatonuina o le talalelei.”



Na faapena foi se aafiaga na oo ia David ma Jeanneth Palacios. Na liliu mai David i le Ekalesia ao talavou, ae na papatiso Jeanneth i le 1993, e na o le tasi le tausaga ae siitia atu loa le ulugalii i Galápagos.

“Ina ua ma siitia mai iienei, ma te le’i iloa nisi tagata o le ekalesia. Sa ou faapea sa na o i maua lava. Sa matuai faigata lava le ola ai e aunoa ma le Ekalesia,” o le tala lea a Jeanneth.

“Ona oo lea i se tasi aso i le 1997 sa sau André i le mea na ou faigaluega ai ma faapea mai, ‘O loo ou sailia ia Jeanneth de Palacios. O oe o se tagata o Le Ekalesia a Iesu Keriso o le Au Paia o Aso e Gata Ai, le Ekalesia Mamona?”

“Sa ou lagonaina le pei na faaloaloa mai e le Alii ia Lona aao ma faapotopotoina Ana mamoe,” o le tomanatu lea o Jeanneth. “Ma na ou fai atu, ‘Ioe, ioe! Sa ou lagona lea ituaiga fafia aua sa le na o i maua sa i ai. E toatele atu i matou!”

Na faaopoopo mai Mariana “Sa matuai manaia lava le faalogoga ina ua faapotopoto i matou e André. Sa ia i matou se mea maoae—o se mea e sili atu nai lo le faauoga—o le avea ai ma tagata o le Ekalesia.”

O Le Lotogatasi i Totonu

O le taimi lava na faapotopoto ai e André se vaega autu, na amata loa ona latou feiloai soo. I le taimi muamua lava, e na o le toafa aiga ma ni uo.



“Matou te feiloai i le tele o taimi, o nisi taimi o aso uma, ae tele lava i lo’u fale, o le tala lea a André. “Sa matou suesue i tusi ia na auina mai e le misiona ia i matou faapea foi ma le Tusi Paia ma le Tusi a Mamona.”

“Sa avea ma se taimi mata-gofie,” o le fai mai lea a Araceli Duran. “Sa matou matuai lotogatasi. Matou te potopoto i vaiaso taitasi e suesue.”

“O se mea o le a le gallo lava ia te a’u,” o le tala mai lea a Jeanneth, “ona sa matuai i ai lava le lotogatasi, o se lagona e alofa lo tatou Tama Faalelagi ia i matou ma sa silafia o le taimi lenei e manaomia ai ona matou potopoto faatasi.”

Sa faalagolago le tasi i le isi, ma aoao e le tasi le isi, ma fausia faatasi o latou faatuatua. E le’i leva ae faamanuiaina loa a latou taumafaiga, ma faatulagaina ai se paranesi aloaia i le amataga o le 1998.

Na tuputupu ae le paranesi i le aluga o taimi, ma na manaomia e tagata o le ekalesia se nofoaga tele atu. Sa latou totogiina se tamai fale ma siitia atu ai i se fale e tele atu lea sa avea muamua o se faletalimalo. O le fale lapoa lea sa tuputupu ae ai le auai i le toeitiiti 100 tagata o le ekalesia. E ui o le tuputupu ae o le paranesi na mafua i ni



Lalo: O Daniel ma Angela Calapucha; Araceli Duran ma lana fanau; o tagata o le paranesi a Galápagos lea na fesoasoani e fausia le fale o Elena Cedeño; o le falelotu o le Paranesi a Atumotu o Galápagos.

taumafaiga toe faatoagaina mai ma tagata na siitia mai, ae o le tele lava o le malosi na mafua ona o tagata na liliu mai.

O Oswaldo Villón ma lona faletua o, Rosario, o ni faataitaiga ia. Na papatiso ia Rosario i le 2000 ma galue ai o se peresitene o le Aualofa, peresitene o le Peraimeri, ma le peresitene o Tamaitai Talavou. Na papatiso Oswaldo, i le tausaga mulimuli ane, galue o se peresitene o le korama a toeaina. Na aumai e le Ekalesia se suiga atoa o le olaga, mo i laua uma.

“Na faasaoina a'u e le Ekalesia,” o le

faamatalaga lea a Oswaldo. “Muamua, sa ou ola i le lalolagi. Ou te le inu ava malosi, ae sa ou inu e pei o se tagata inu ava. Ina ua ou auai i le Ekalesia, sa avea nei tagata e 25 ma o'u aiga. Sa lotogatasi i matou. Ma sa matou galulue malosi e fesoasoani e faatupulaia le paranesi.”

E ala i taumafaiga lē faavaivai a tagata o le ekalesia i Galápagos, na tele ai ina oo le auai o sauniga faamanatuga i le va o le 100 ma le 120 tagata. Ia Setema 2009 na tauia ai i latou i le faapaiaga o se falelotu.

O Le Mana o Auaunaga

O nisi o tagata o le paranesi ma o latou aiga e nonofo i mauga lanuva o Santa Cruz. O i lea na fuafua e le taitai o le paranesi e faia ai se galuega fesoasoani i le aso 4 o Setema, 2010.

“I le avea ai o se korama a toeaina, matou te taumafai i masina taitasi e faatulaga se tasi po o le lua o *mingas*,” po o ni galuega fesoasoani, o le tala lea a Oswaldo. “Matou te faia mo le tagata o loo sili ona manaomia le auaunaga. O le taimi la lenei o le a matou fausia se fale mo se tuafafine.”

O le mea moni lava, o le afa o le fale. O le vailaso pe a na muamua atu, na fausia ai e tagata o le ekalesia le afa muamua. O le aso la lenei e silia ma le 20 o i latou na faaalu le ono itula pe sili atu foi i le fausiaina o le isi afa, e aofia ai se umukuka, se mea e tali ai le vai, ma se auala savali e siomia ai le fale. O lenei fale faatauvaa ua maua ai se nofoaga e nonofo ai Elena Cedeño ma lana fanau, o e sa le auai i le Ekalesia i lena taimi. Na matua faafetai i latou uma i le taimi ma le taumafaiga na tuuina atu e tagata o le ekalesia. (Na papatiso Sister Cedeño ma lana tama tama o Sebastián ia Ianuari 2011.)

“E leai lava se isi mea e sili atu nai lo le auauna atu i tagata e manaomia le fesoasoani,” o le tala lea a Oswaldo. Ma o le vaaiga i ona fofoga, faapea foi ma isi tagata o le paranesi ma le tuafafine lea na latou auauna atu i ai, o loo molimau mai i le lotogatasi na aumaia e nei ituaiga auaunaga.





O Mea e Sili ona Taua

O le auaunaga ma le felagolagoma'i o tagata o le ekalesia i Atumotu o Galápagos lea na foafoaina ai lea ituaiga lotogatasi, na taitai atu ai i le tele o faamanuiaga i le 2007. Na faafeao atu e David ma Jeanneth Palacios i lena tausaga ni aiga se toalima o le paranesi, na toeititi atoa le 25 o tagata, i le Malumalu o Guayaquil Ekuatoa.

"O le vaai atu i na aiga ua faamauina, sa ou lagona ai le pei ua aveina atu i matou i le lagi," o le tala lea a Jeanneth. "Sa matou matuai lagonaina le faatasi mai o le Alii. O loo matua malolosi uma na aiga e toalima i le taimi nei."

O le asiasiga lenei i le malumalu, sa faamu ai le peresitene o le paranesi o Daniel Calapucha ma lona faletua o Angela, sa faapea foi ona faamauina le la fanau e toatolu ia i laua. "E matua sua lava oe e le malumalu," o le tala lea a Peresitene Calapucha. "E moni, o le fale o le Alii. O le faatasia o se aiga i le talalelei a le Alii e sua ai olaga. O le ala lea ou te tumau ai i lenei ekalesia. O le maea ai ona faamauina o se aiga, ou te le toe fefe ai i le oti. Ou te le toe popole foi pe a ou tuua lo'u aiga pe a ou oti.

"O le malumalu ua avea ma se faavae mo le lagonaina ma le iloaina lea o loo soifua lo tatou Tama Faalelagi—ma Lona Alo o Iesu Keriso, ma le Agaga Paia. O se molimau lea e le mafai ona aveesea e se tasi mai ia te au."



O LE ITUMALO O ATUMOTU O GALÁPAGOS

Lavea i ia motu se itumalo o Ekuatoa. E ui pe tusa o le 97 pasene o le lauelele ua uma ona faamatuu atu e avea ma se paka faavamalo, ma ua telē se fanua mo tagata e 25,000 pe sili atu foi o loo nofoia e faigaluega ai i pisinisi, mataaga, ma mea tau faatoaga.





*Lalo: Na auai le aiga
o Fueres i le Ekalesia*

*i Otavalo, Ekuatoa, ma
mulimuli ane siitia atu i
Atumotu o Galápagos e
saili galuega. Lalo tau-
matau: O Elena Cedeño
(agavale) ma lona uso
o, Maria; faatasi ai ma
le fesoasoani a Maria,
na auai ai Elena i le
Ekalesia i le amataga o
le tausaga lenei.*

O Mea ua Aoao Mai ia i Tatou e Galápagos

O tagata uma lava o le Ekalesia i Atumotu o Galápagos o se paonia lea o aso nei. Toeitiiti lava o tagata matutua uma o ni tagata liliu mai, o le toatele na liliu mai i nai tausaga ua mavae. Ma o loo fesoasoani i latou taitoatasi i le fausiaina o le malo o le Atua i se motu mamao e tau le maua ai ni punaoa. O le tele o meaai ma suauu uma ma oloa gaosi ma tekinolesi e tatau ona auina mai fafo. O le tamaoaiga i le lotoifale, e ui ina lelei, ae e faamoemoe e maua mai le tamaoaiga i na tagata tafafao fesuisuia'i e ta'ua o turisi.

Masalo o le mea e sili ona mautu i atumotu o le tautinoga lea a tagata o le ekalesia o le tasi i le isi ma le fausiaina o le malo. O lena tautinoga e mataina e pei o le faalagolago o atumotu i tulaga faanatura o loo latou ola ai. E faalagolago le tulaga faanatura o

Atumotu o Galápagos i le ola maloloina o mea ola—o ni tagata ma ni ituaiga—e fesootai lelei lava ma lo latou siosiomaga faanatura.

I le avea ai ma se taitai malaga ma se tagata e duesue i tulaga faanatura, na faamatala mai ai e André faapea, “E aoao mai e Galápagos ia i matou o se tulaga faanatura e pei lava o se mea e ola. E pei o se tino. E i ai le uunaiga malosi, suavai, ma totoga. Afai e faaletonu se tasi o na mea, o le a pagatia isi vaega uma.”

E aoaoina foi i tatou e Atumotu o le Galápagos e uiga i le tulaga maoae o le foaoaaga a le Atua. E leai ma se mea e maua i fanua i Galápagos. O mea ola uma, laau, meaola, ma tagata e aumai ma o mai mai isi atunu.

“Pe a e mafaufau i ai,” o le faamalamalama mai lea a André, “o tulaga e amatalia ai se olaga iinei i Galápagos e faigata ona talitonuina. Muamua, e tatau ona pala ia maa mai le lava i se tulaga e mafai ai ona lagolagoina se ola. Ona tatau lea ona atiina ae ni punaoa o vai manino. Ona tatau lea ona oo fatu laau i se tulaga e mafai ai ona ola. Ma e tatau ona feusuai le tasi ma le isi.

“Ona tatau ai lea ona oo mai meaola laiti, e tusa lava pe faaopeopea i le vai pe felelei po o le a lava. Ma e tatau foi ona taunuua ituaiga meaola o itupa taitasi i le taimi, i le



nofoaga ma le tulaga e tasi ina ia mafai ona fanafanau ma maua ni meaai ma ni vai. E fatau afe ia ituaiga manu i le atu Galápagos.

“Ia manatua, o le laueelele pito i latalata e 600 maila [1,000 km] le mamao. Ina ia mafai ona tutupu nei tulaga uma o se vavega lea.”

Ma o le tulaga tonu lava lea na faia e le Alii, i Lona poto e le i'u.

E pei lava ona manuia le siosiomaga faanatura pe a galulue ma le lotogatasi ia tagata, ua fausia ai foi e tagata o le Ekalesia se ituaiga o siosiomaga faaleafealoai ma faaleagaga. O tagata o le eklesia o ni tagata taitoatasi ma o loo avea ma se vaega o le siosiomaga faanatura ua taua o aiga ma uarota ma paranesi o le Eklesia. E i ai se

matafaioi taua a tagata taitoatasi e faatinoina, e saofaga atu ai i le faaolataga ma le faaaeina o i latou lava, o latou aiga, ma isi tagata o le paranesi.

O faaiuga a tagata taitoatasi, e pei o lea na faia e André e auai atu ai i le lotu i lena aso i le 1997, e mafai ona i ai sona aafiaga tumau. O faaiuga tuufaatasi a tagata o le eklesia ina ia fausia le malo e ala i auau-naga lē manatu faapito e ono foliga mai ua na o se faaupuga masani i nisi. Ae mo tagata o le eklesia i Atumotu o Galápagos, o nei ituaiga faaiuga e matuai tele lava se ese-esega ua faia ai i le malosi o lo latou tuuto, le mana o lo latou lotogatasi, ma le faatua-tua ia latou feagaiga. ■



O LE MAUOA O LE LAUELELE

○ le tele lava o le laueelele i Atumotu o Galápagos e fausia i ma'a vai malo, ma papa tae-taei o le lava, ua mavaevae ma lē gatusa ai ona o le matagi ma le vai. O isi eria ua lofia i laau o le pea matuitui, palo sanato, ma pupulaau eena ma le lanu efuefu. I motu laiti, e pei o Isabela telē, e te maua ai se lagona e pei ua e toe foi i tua i le amataga o taimi.

Ae e tele foi le ola lauusiusi, aemaise lava i le motu o Santa Cruz. O loo i ai iina ni eria tetele o togā togo o loo ola i autafa o le matafaga. Ao faatupulaia le agai mai i totonu i le itu i matu, na suia le tau i le lauolaola, o le vaega e lanu meamata, lea e tele ina faia ai faatoaga, e aofia ai le totoina o fualau aina ma isi laau toto.

“E mafaufau tagata o Galápagos ua na o se laufanua o papa, lava, ma manufelegei,” o le tala lea a peresitene Daniel Calapucha. Ae, i lana faamalamalama mai, ua faamanuiaina i latou i lafumanu, povi, ma fualau aina.



Saunia e Elder
L. Tom Perry

O Le Korama a Aposetolo
e Toasefululua



OTU MA AGAI FANUA O SE Olaga Paleni ma le Amiotonu

*Ia faamanuiaina outou e le Atua
i se naunautaiga ma se manaoga
e avea o se faataitaiga i le lalolagi
ma ia ola i se olaga paleni ma le
amiotonu o loo Ia faamoemoe mai
i Ana fanau e ola ai i le taimi o o
latou olaga faataitai i le tino.*

Le amataga o le ata faamusika mata'ina o le *Fiddler on the Roof* [*Ta Vaiolini i Luga o le Taualuga*], o loo faamatalaina e Tevye, le tagata e autu i ai le ata, lana tala faapea:

“I lo matou tamai nuu o Anatevka, atonu e faapea mai o i matou uma taitasi o se tagata ta vaiolini i luga o le taualaga, o loo taumafai e ta se fati malie, faigofie e aunoa ma le gau o lona ua. E le faigofie. Atonu e te fesili mai, aisea matou te nonofo ai i luga iinei pe afai e matuai lamatia? Matou te nonofo ai aua o Anatevka o lo matou aiga lea. Ma pe faapefea ona matou tausisia ia paleni? O le mea la lena e mafai ona ou tu'uina atu i se upu e tasi—agaifanua!

“Ona o a matou agaifanua, ua matou tausia ai lo matou tulaga paleni mo le tele, ma tele o tausaga. . . . Ona o a matou agaifanua, ua iloa uma lava e tagata lona faasinomaga ma le mea



o loo faamoemoe mai le Atua na te faia.”¹

Ua faamanuiaina i matou ma isi tagata matutua atu o le Ekalesia i le ola ai i se taimi faapitoa o le talafaasolopito o le Ekalesia. O le vaitau o paionia ua matou

maua ai ni tu ma agaifanua maoae. Ona sa faalagolago i ai le tulaga faasaoina o paionia, o lea na latou atiina ae ai se agaga maoae o le vavalalata. O a'u o se augatupulaga lona tolu e tupuga mai i se aiga paionia Mamona faamamaluina, ae ua mafai ona ou fafia i faamanuiaga o se fale faanei ona po, taavale, ma se aoaoga mai le kolisi. Ae peitai, e le'i aveesea tele lava le olaga faapaionia mai lo'u olaga, ma na faaaau pea aga ma tu masani faapaionia i lo matou aiga, uarota, ma le nuu.

I lo matou fale ao ou laitiiti, sa manino ai lava le alolofa o Tama ma Tina i le tasi ma le isi ma alolofa foi ia laua fanau taitoatasi. La te le'i manatu faapito i le tuuina atu o le vaega sili ona lelei o o laua olaga i le aiga. I le avea ai o se aiga e masani lava ona tolu a matou 'aiga faatasi faaleaiga i le aso. O ituaiga aiga anamua sa ou iloa ua seasea lava ona toe i ai i



lenei vaitaimi. O nisi taimi matou te moomoo ai i le “manaia o la aso.”

O a matou gaoioiga lautele na faaogatotonu i le uarota po o le matou aoga maualalo i le lotoifale. Sa o mai le uarota e matamata i a matou taalogaga afeleti. O siva a le uarota e ao-fia ai le aiga atoa. O aso faamanatu e pei o le Kerisimasi, Aso o le Tutoatasi, Aso o Paionia, ma le aso o gaoioiga faafafia a le itumalo o ni mea ia e tutupu i le alalafaga ma e auai uma ai lava le aiga atoa.

Sa i ai foi a matou tu ma agaifanua faaleiga. O aafiaga na maua mai nei tu ma agaifanua faaleiga na aoaoina ai i matou i ni mataupu faavae autu. O se tasi o tu masani malie na matou faataitaia i lo matou aiga na i ai se aafiaga tumau ia i matou. Pe a atoa le tasi tausaga o se tamaitiiti i le aiga, e tuu i latou i se tasi itu o le potu a o le aiga i le isi itu. I le itu na faapotopoto ai le aiga, e fa ni mea faitino e tuu i le folo: o se fagususu, o se meataalo, o se tamai pusatupe, ma tusitusiga paia. Ona uunaia lea o le tamaitiiti e totolo i mea faitino ma filifili se mea se tasi.

Sa ou filifilia le pusatupe ma ua avea a'u ma se tagata faigaluega i mea tautupe. Sa filifili e lo'u uso o Ted ia tusitusiga paia, sa fiafia tele o ia i tusi i lona olaga atoa, ma na avea ma se loia. O lo'u uso o Bob o se tagata o le aiga e talenia i soo se mea. Sa totolo atu ma saofai i luga o tusitusiga paia, sii i luga le pusatupe ma tuu tonu lava i ona vae, ae tuu le fagususu i lona gutu e faaaoga ai le tasi lima ae uu le meataalo i le isi lima. Ua avea o ia ma se suetusi. Sa ola o ia i se olaga paleni lelei.

Ou te fia talanoa atu i le ola ai i se olaga paleni, e faaaoga ai nei aitema e fa e avea ma faataitaiga.

O o Tatou Tino o se Malumalu

O le fagususu e faatusa i lo tatou soifua maloloina faaletino. O tusitusiga paia o loo molimau atu i le taua o o tatou tino faaletino i lo tatou alualu i luma e faavavau.

“Tou te le iloa ea o le malumalu outou o

le Atua, o loo nofo foi le Agaga o le Atua i totonu ia te outou?

“Afai e faaleaga e se tasi le malumalu o le Atua, e faaleagaina lena tagata e le Atua; aua e paia le malumalu o le Atua, o outou lava ia” (1 Korinito 3:16–17).

Ua faatuina e le Alii se tulaga faatonuina maualuga mo i latou i le tauina mai ia i tatou ia mafaufau i o tatou tino o se malumalu. Sa ou maua se avanoa e faatasi atu ai ma le Peresitene o le Ekalesia i le tele o faapaiaga o malumalu. Ao le'i faia se sauniga o le faapaiaga e masani lava ona manao le Peresitene e siaki le tulaga o le fausiaina o se malumalu fou, lea e i le tulaga sili ona lelei ma matagofie lona mamanuina. O lotoa o loo siomia ai o tatou malumalu e masani lava o ni nofoaga sili ona mata'ina i nuu ua fausia ai.

Alu e tu i luma o se malumalu. Suesue ma le faaeteete le maota o le Alii ma vaai pe le musuia ai oe ina ia faia ni faaleleiga i le malumalu faaletino lea na tuuina atu e le Alii e nofo ai lou agaga e faavavau. Ua faatulaga e le Alii ni tulaga faatonuina autu mo le puleaina o o tatou tino faaletino. O le usiusitai i nei tulaga faatonuina e tumau lava ona avea ma se tulaga e manaomia mo le faaeeina atu o le perisitua, mo se pepa faataga o le malumalu, ma mo le mauaina o se valaauga i le Ekalesia.

O nisi taimi tatou te lagona ai faapea, atonu o le a le taliaina i tatou e tagata ona o le maualuga o tulaga faatonuina ua tatou faatuina mo i tatou lava. Ae peitai, e i ai lava mea tatou te le faia. Ua tatou maua le Upu o le Poto, lea e fesoasoani ia i tatou ina ia ola ai i se olaga maloloina, o se ituaiga olaga e saofaga atu i lo tatou tuputupu ae ma le soifua laulelei. E i ai o tatou tulaga faatonuina, manatu, ma se auala e ola ai lea e itagia e le toatele o le lalolagi. Ua ou iloa, afai e te ola i le auala e tatau ona e ola ai, o le a matau e tagata ma o le a faagaeetia i latou i ou talitonuga ma o le a e faia se aafiaga i olaga o isi.

Sa ou faaaogaina la'u matata i le itu tau pisinisi o faleoloa tetele. Ona sa avea a'u ma

*O loo ia i tatou le
Upu o le Poto, lea e
fesoasoani ia i tatou
e ola ai i se olaga
maloloina lelei, o se
ituaiiga olaga o loo
saofaga i lo tatou
tuputupu ae ma
le soifua manuia
laulelei.*



se tasi o le pulega, o lea sa tatau ai ona matou galulue soosoo tauau ma faalapotopotoga o mea tau pisinisi i le lotoifale. O le tele lava o fonotaga ma nei faalapotopotoga e masani lava ona amata i se itula o inuga pia. O se taimi e feoeoea'i ai ma faamasani ai ma alii e i ai i nei faalapotopotoga. E masani lava ona ou le nofonofo lelei i taimi na. I le taimi muamua lava sa ou fesili ai mo se vaitipolo. Sa le'i umi ae ou iloaaina o le vaitipolo e foliga tutusa lava ma le tele o isi meainu. Sa le mafai ona ou fausia se manatu ou te le inupia pe a uu i lo'u lima se vaiinu manino. Sa ou faataitaia le root beer. Na tutusa lava le faafitauli.

Na iu lava ina ou filifili e tatau ona i ai sa'u meainu e iloa manino ai lava o a'u o se tagata e le inupia. Na ou alu atu ma talosaga i le tagata e aumai ai meainu mo se ipu susu. E le'i i ai lava se talosaga muamua faapea i le tagata e aumai ai meainu. Na alu o ia i le umukuka ma aumai ai se ipu susu mo a'u. O lea la ua i ai sa'u meainu na foliga ese ai lava mai meainu malolosi na inu e isi. Na faafuasei lava ona avea

a'u ma mata'iga. Na tele ni ulaga na faia i la'u meainu. O la'u ipu susu na avea ma se vaega o talanoaga. Na sili atu le toatele o taitai faipisini na ou feiloa'i i ai i lena afiafi nai lo isi taimi muamua i se itula o faamasaniga.

Na avea le susu ma a'u meainu filifilia i itula o faamasaniga. Na vave ona avea ma se malamalamana masani o a'u o se Mamona. O le faaaloalo na ou maua na ou matuai ofo ai lava, e pei foi o se mea mataina lea ua amata ona tupu. E le'i leva ae matou auai faatasi foi ma nisi i se faamasaniga i ni ipu susu mama!

Ia lototoa ia ese mai ai. Ia ola i tulaga faatounuina lea ua aoaoina ai i tatou i le talalelei.

"O le lelei o le soifua maloloina faaletino ma le faaleagaga e mafai ona fesoasoani tatou te tumau ai i le ala sao ma le vaapiapi," o le saunoaga lea a Elder Joseph B. Wirthlin (1917–2008) o le Korama a Apostolo e Toasefululu. "Na tuuina mai e le Alii lana tulafono o le soifua maloloina i le Upu o le Poto, 'o se mataupu faavae ma le folafolaga' lea o loo faamaonia pea e tulaga faasaenisi faafomai i

nei ona po. (MFF 89:3.) O tulafono uma a le Atua, e aofia ai le Upu o le Poto, e faaleagaga. (Tagai i le MFF 29:34–35.) E manaomia lo tatou fafagaina o i tatou lava faaleagaga, e tusa lava pe sili atu nai lo le faaletino.”²

E ao ona tatou faafetai mo aoaoga o le talalelei e faataau i le taua o le tausia o o tatou tino faaletino ina ia mama ma agavaa e nonofo ai o tatou agaga faavavau.

O Meataalo o le Lalolagi

O loo tatou nonofo i se lalolagi mataina. O le naunau mo meataalo faalelalolagi ua foliga lofituina. O atunu tau atiae ua amata ona faalelalolagi i o latou talitonuga ma faatinoga ma ua latou mafaufau ai o se tagata soifua e i ai atoa le saolotoga. Latou te talitonu tatou te le manaomia le tuuina atu o se faamatalaga i soo se tasi po o soo se mea sei vagana ai mo i tatou lava ma, i se tulaga tuuitiitia, i se nuu o loo tatou ola ai.

O loo lapataia i tatou e tusitusiga paia,

“Latou te le saili i le Alii ia faatuina lana amiontonu, a ua taitoatasi le tagata ma savali i lona lava ala, ma e tusa ma le faatusa o lona lava Atua, o lona faatusa lea e i foliga o le lalolagi, ma o lona gaosiga e pei o se tupua, o lea ua tauau ina leva ma o le a faaumatia i Papelonria, o Papelonria lava lea le sili, o lea lava o le a pau” (MFF 1:16).

O atunu o loo mauaa ai nei ituaiga olaga faalelalolagi o loo i ai se tulaga faaleagaga loloto ma se tau lelei e totogi. O le sailiga o nei ituaiga saolotoga faaletagata e aunoa ma se mafaufau i tulafono na faatulaga e le Alii e pulea ai Lana fanau i luga o le fogaeleele, o le a taunu atu ai i le malaia faalelalolagi ma le manatu faapito, o le a faaitiitia le ola mama i tulaga lautele ma le faalilolilo, ma o le a le usitaia le mea sa’o. I le ogatotonu o le olaga faalelalolagi, ma ona faaletonu

O le olaga nei o le taimi lea e aoao muamua ai i le Atua ma le talalelei ma faia ia sauniga.





*E oo faatasi mai ai
foi lena talitonuga
lelei faamamaluina
ma le tulaga o se
tasi e faamaoni ma
o loo i ai le amio-
sao. O uiga ia o le
a mautinoa ai se
galuega umi ma le
faamanuiaina.*

faapitoa, e ao lava ona i ai ni nofoaga e ofo mai ai se tulaga saogalemu faaleagaga, toe faafouina, faamoemoe, ma le filemu.

E ese mai lea ituaiga olaga, na aoao i tatou e Peresitene Spencer W. Kimball (1895–1985) i le taua o le sailia o le malamalama mai le Atua:

“I se faasologa sao, e muamua le malamalama o le Atua ma ana polokalama, o le ala lea i le ola e faavavau, ae lona lua le malamalama i mea faalelalolagi, o ia mea foi e sili ona taua. . . .

“O Peteru ma Ioane e faalei tele so la atamai faalelalolagi, e ta’ua i laua e valea. Ae peitai o Peteru ma Ioane sa la silafia mea aoga o le olaga, o le iloa lea o loo soifua le Atua ma o le Alii toetu o le Alo o le Atua. Sa la iloa le ala i le ola e faavavau. O mea ia na la aoaoina i sina vaitaimi o o la olaga faaletino. O o laua olaga amiontu na tatala ai fairotua i le faaleatua mo i laua ma le foaoaina o lalolagi ma le alualu i luma e faavavau. Mulimuli ane, atonu latou te manaomia i lenei mea se malamalama

atoa i le mafuaaga o mea. O Peteru ma Ioane na o ni nai tausaga sa laua aoaoina ai ma faia ai mea faaleagaga, ae ua sefuluiva seneturi o laua aoao i le faalelalolagi po o le mafuaaga o le lalolagi, aoaoga i meaola, fausaga o meaola ma mafaufau o meaola o le lalolagi. O le olaga i le tino o le taimi lea e aoao muamua ai i le Atua ma le talalelei ma faia ai sauniga. A mausali loa o tatou olaga i le ala e tau atu i le ola e faavavau, ona tatou faaputuina loa lea o se poto atili i mea o le lalolagi. . . .

“O le poto faalelalolagi, e ui lava ina taua, e le mafai lava ona faaolaina ai se agaga pe tatalaina ai le malo selesitila, pe fausia ai se lalolagi pe avea ai se tagata ma se atua, peitai e mafai ona avea ma fesoasoani sili mo lena tagata, o lē, na te faamuamua le mea e tatau ona faamuamua, ua na ia maua le ala i le ola e faavavau ma o ia lea na te mafai ona faaaoga le poto uma e avea ai ma ona tufugaaao ma auaua.”³

Saili i mea a le Atua, lea e faatalitali mai ai mo oe taui e faavavau.

*O le aofia ma le
faamaoni o le tagata
lava ia i tusitusiga
paia e maua mai
ai le faatuatua,
faamoemoe, ma tali
i o tatou luitau i aso
taitasi.*



Faaputu Amioga Lelei

Na aoaoina i tatou e le Faaola i le lesona lenei, e pei ona tusia i le Luka 14:

“O ai foi so outou ua fia fai se olo, e le muai nofo i lalo e faitau tupe e totogi a’i, po ua lava ana mea e faauma ai?

“Ina ne’i tauemu mai ia te ia o tagata uma e maimoa ina ua tuu le faavae, a e le mafai ona faauma ai,

“E faapea mai, O le tagata lenei, na amata ona fai, a e lei mafai ona faauma” (Luka 14:28–30).

Ao e tapena mo le lumanai, e ao ona e mautinoa o mea e te tuuina i lenei aafiaga faaletino o le a mafai ai ona e taunuu ma le malosi ma maua sou taui e faavavau.

O loo matua faatupulaia pea le televave ma le faigata o lo tatou lalolagi i lenei vaitaimi. O loo i ai pea lava avanoa mo tagata taitoatasi e le faamaoni ai. O le toatele o tagata e fafia e auai i gaoioiga lea e maua ai ni mea mauafua ma e tele lava ina faaoga ai isi o e o taumafai e taaalo e tusa ai

ma tulafono na faatulagaina i faiga lelei. Ua faateleina e lenei lalolagi televave ia faaososoga mo tagata e taaalo ai i le taalogia e faaaoga ai a latou lava tulafono.

Ae peitai, e ao lava pea ona tatou tali atu i le tulafono o le seleseloga. “O le mea lua te lulu, o le mea lava lea lua te seleselina; o le mea lea, afai lua te lulu le lelei o le a oulu seleseloga foi le lelei mo lo oulu taui” (MFF 6:33). O le a le faaleaogaina lava lenei tulafono.

“O uiga o se tagata o lona tagata moni lea.—O lona tulaga o manatu ia o isi e faatatau ia te ia.—O ona uiga o loo i totonu ia te ia;—o le tulaga e mai isi tagata—o le [uiga] o se mea patino lea, o le [tulaga] o le ataata lea.”⁴

O uiga lelei o se mea lea e tatau ona e faia mo oe lava ia. E le tuufaasolo mai matua. E le mafai ona foafoaina e ala i le mauaina o ni faamanuiaga maoae. E le o se meaalofa o lou fanau mai, oa, taleni, po o tulaga. O se taunuuga o au lava taumafaiga. O se taui lea e oo mai i le ola ai i mataupu faavae lelei ma le faaalia o se olaga mama ma le faamamaluina.

E oo faatasi mai ai foi lena talitonuga lelei faamamaluina ma le tulaga o se tasi e faamaoni ma o loo i ai le amiosao. O uiga ia o le a mautinoa ai se galuega umi ma le faamanuina. O le aseta sili lava e mafai ona e teuina i lau teugaoa, o le tulaga tauleleia o le avea ma se tagata e talitonuina.

Suesueina o Tusitusiga Paia i Aso Uma

Na fai mai Nifae, i ana tusitusiga ma ona lagona e uiga i tusitusiga paia: "A o papatusi nei ou te tusitusi ai mea a lo'u agaga, atoa ma upu paia e tele ua togitogia i papatusi apamemea. Aua e fiafia lo'u agaga i tusi paia, ua mafaufau foi i ai lo'u loto ma ua ou tusi ai mo le aoaoina ma le aoga i a'u fanau." (2 Nifae 4:15).

Tatou te maua se oa o le ta'utino ma le malamalama mai a tatou tusitusiga paia: o le Tusi Paia, le Tusi a Mamona, le Mataupu Faavae ma Feagaiga, ma le Penina Tau Tele. E mafai ona tatou maua ni filo musuia o loo felavesa'i solo i nei tusi taitasi. O le a faigofie ona tatou matauina i a tatou suesuega.

O loo aoao mai tusitusiga paia o Iesu Keriso o le Alo o le Atua. O loo soifua o Ia ma o lo tatou Togiola ma le Faaola. E ao ona tatou mulimuli ia te Ia ma faailoa atu lo tatou alolofa ia te Ia e ala i le manatuaina o Ia ma tausia ma le lotomaualalo Ana poloaiga.

O Lana Togiola ua mafai ai ona tatou salamo ma faamamaina. O i tatou o Lona nuu o le feagaiga ma e tatau lava pea ona tausia ia feagaiga ua tatou osia.

E tatau ona i ai lo tatou faatuatua, salamo, ia papatisoina, maua le Agaga Paia, ma tumau sei oo i le iuga.

O le aofia ma le faamaoni o le tagata lava ia i tusitusiga paia e maua mai ai le faatuatua, faamoemoe, ma tali i o tatou luitau i aso taitasi. O le faitau soo, mafaufau loloto i ai, ma le faaaogaina o lesona o tusitusiga paia, a tuufaatasina ma le tatalo, o le a avea ma se vaega e le mafai ona toe suia i le mauaina ma le faatumauina o se molimau malosi ma le ola.

Sa faamanatu mai e Peresitene Kimball le taua o le faitau soo i tusitusiga paia ina ua ia saunoa: "Ua ou iloaina a ou faaleano i a'u fegalegaleaiga ma le faaleagaga, ma a foliga mai . . . ua leai se leo faalelagi e tautala mai, ua ou mamao, mamao ese lava. A ou faafuina a'u lava i tusitusiga paia, o le a faaititia le mamao ma faapea ona toe foi mai le faaleagaga."⁵

Fai se faatinoga o le suesueina o tusitusiga paia i aso uma.

O Se Faataitaiga i le Lalolagi

Ua saoasaoa tele le maliliu o la'u tupulaga. Ua matou naunau e pasi atu o matou tiutetauave o le ekalesia i se augatupulaga fou ma ua sili atu ona saunia lelei o le Au Paia o Aso e Gata Ai. Matou te faamoemoe o le a latou:

1. Tausia ia mama ma paia o latou tino faale-tino matagofie o ni malumalu o le Atua.
2. Tuu le faasili ma le faamuamua i aoaoga faaleagaga ma le malamalama mai le Atua.
3. Ia avea ma se tupulaga faamoemoeina ma faaaoga le faavae o upumoni faavavau o le talalelei e faatulaga ai ia tulaga faatonuina ma tulaga faatauaina.
4. Saili ia aoao mai i upumoni e faavavau o loo maua i tusitusiga paia.

Ia faamanuia le Atua ina ia outou maua le naunautaiga ma le manao e avea ma faataitaiga i le lalolagi ma ola ai i olaga paleni, ma le amiontonu lea o loo Ia faamoemoe mai ai i Lana fanau ina ia latou ola ai i le taimi o lo latou olaga faataitai i le tino. ■

Mai se lauga na tuuina atu i le aso 15 o Ianuari, 2010, i le Iunivesite o Iuta Valley.

FAAMATALAGA

1. Joseph Stein, Jerry Bock, Sheldon Harnick, *Fiddler on the Roof* (1964), 2–3.
2. Joseph B. Wirthlin, "The Straight and Narrow Way," *Ensign*, Nov. 1990, 65.
3. Spencer W. Kimball, *President Kimball Speaks Out* (1981), 90, 91, 92.
4. Henry Ward Beecher, i le Tryon Edwards, comp., *The New Dictionary of Thoughts* (1944), 67.
5. *Aoaoga a Peresitene o le Ekalesia: Spencer W. Kimball*, (2006), 67.



IA PUNITIA LO MATOU FALE

O le faaiuga o le Taua Lona II a le Lalolagi, ao 19 ou tau-saga, na o mai ai autau a le fili e ave faamalosi lo'u nuu i Europa. Sa matou saofafai i le matou laulau i se tasi afiafi ae matou faalogoina se pao leotele. Sa matou autilo atu i fafo i le va o o matou ie faamalamo pogisa, lea na tautau ina ia le mafai



ona iloa e tagata faapa pomu lo matou pale i le po, ma vaaia ai autau a le fili—faatasi ai ma a latou pasika, loli, ma tane tau—o agai mai i lo matou nuu mai itu eseese e lua. Sa ou matuai fefe lava.

O lo'u tamā, o se tagata e faatua-tua tele, ma na fai mai o ia, "Aua le fefefe." O le tulaga o le mea na tupu i fafo o lo matou pale, o se faamata-laga maoae lena mea. Sa matou iloa uma lava e ono osofaia lo matou nuu e fitafita ma faaleagaina pale o tagata. Na fautua mai Tama matou te tootutuli i talaane o le nofoa ma tatalo mo le puipuiga a le Tama Faalelagi. Sa ia tatalo, "Le Tama o i le Lagi, faamole-mole ia faatauaso na fitafita. Ia puni-tia lo matou pale ina ia le mafai ona latou iloa mai."

Ina ua maea lana tatalo, sa tatalo lo'u tina. Ona ou tatalo lea. Ona matou toe foi lea i le laulau ma tilotilo atu ma le faaeteete i fafo o le faamalama. Sa matou matamata o osofaia e fitafita pale uma i lo matou auala. O lo matou pale e mulimuli lava i le auala. Sa latou agai mai i lo matou pale ona pasia lea o le matou pa i luma ma agai atu i le auala na sosoo ai. Sa matou tilotilo atu a o latou ulu atu i pale uma na mafai ona matou iloa atu mai lo matou faamalama.

Ina ua maea le osofaiga lea pe a ma le lua itula, na ili leotele e se tasi se faaili, ma na toe foi atu fitafita i a latou taavale. Ao latou o ese lemu atu, na matou matuai lagonaina le agaga faafetai ma toe tootutuli, ma faafetai atu i le Tama Faalelagi mo

Sa matou autilo atu i fafo i le va o o matou ie faamalama pogisa e vaavaai i autau o le fili o agai mai i lo matou nuu mai itu eseese e lua. Sa ou matuai fefe lava.

Lona agalelei ma le puipuiga.

O le aso na sosoo ai na ou iloa ai mai se uo atatuvala, na faatino e fitafita ni tulaga matautia i pale uma na ia iloaina. Ina ua ou ta'u atu ia te ia e le'i o mai fitafita i lo matou pale, sa ofo o ia. Fai mai o ia sa ia tilotilo atu ia i latou o o mai i lo matou itu ma e leai ma se pale na te iloa i lo matou auala latou te le'i ulu i ai. Na o lo matou pale lava e le'i ulu i ai fitafita.

Ou te iloa e faafogga le Tama Faalelagi ia tatou aioiga ma tali mai. O nisi taimi e foliga mai atonu o le a le maua lava se tali, ma tatou moo-moo ai ina ia tali vave mai o Ia. Ae ou te iloa i le 65 tausaga ua mavae i lo matou pale. Na vave ona tali mai o Ia. ■

Alice W. Flade, Iuta, ISA

SA OU MISIA LE LAGONAINA O LE AGAGA

Ina ua 16 o'u tausaga, sa ou auai i se polokalama mo se tausaga e faafe-suiai tamaiti aoga mai isi atunu. Sa ou alu ese mai lo'u aiga i Iukureini e agai atu i se tamai nuu i Arisona, ISA, lea sa ou nofo ai i se aiga o le Au Paia o Aso e Gata Ai. Ou te le'i faalogo muamua lava i ni Au Paia o Aso e Gata Ai.

Sa le faatagaina e le polokalama faafesuiai ona tala'i mai le aiga ia te a'u, ma sa le faatagaina a'u ona feiloi atu i faifeautalai. Peitai na ou filifili e auai i le lotu ma lo'u aiga o loo talina a'u ma auai i gaoioiga uma a le Ekalesia.

Sa ou lagona le Agaga i lena aiga, ma sa ou lagona le alofagia tele o a'u i le lotu. I lena taimi ou te le'i iloaina o le mea na ou lagonaina o le Agaga, ae na ootia lo'u loto.

Ina ua ou toe foi i Iukureini, sa ou matua misia lava lena lagona. Na ou manatuaina le mea na i ai lo'u olaga i le taimi na ou alu ai i le lotu ma ola i aoaoga o le talalelei. Na ou iloaina le mea sa ou misia, peitai sa leai se lotu ma sa leai foi ni faifeautalai i le mea sa ou nofo ai, o lea sa ou mafaufau ai o le a ou le toe mauaina lava lena lagona.

Peitai, pe a ma le fa tausaga muli-muli ane, na tuitui mai ai ni faifeautalai i lo'u faitotoa. Sa ou matua fiafia lava e vaai ia i laua. Ao i ai i laua i le talaiga, sa la faalogo i le Agaga, lea na taitaiina mai ai i laua i lo'u pale. Ou te matua faafetai ona sa la usiusi-tai. Sa papatisoina a'u ma faamauina ai loa lava.


Talu mai lena taimi ua faamauina a'u i le Malumalu o Stockholm Suetena i lo'u toalua, o se alii ua maea lana misiona e sau mai Rusia. Ma o lea ua i ai nei se malumalu i Kyiv. Ua ma fuafua e auai soo atu i ai.

O le malumalu o le nofoaga aupito sili ona matagofie i le lalolagi. O se nofoaga e mafai ona e latalata atu ai i le Tama Faalelagi. Ou te lagona le matuai faafetai ua mafai ona tatou mauaina se tasi o meaalofa silisili ua tuuina mai ia i tatou i totonu o le malumalu e ala mai i le Tama Faalelagi: o le faamauina o ni aiga mo le faavavau.

Ou te faafetai i tagata o lena aiga o le Au Paia o Aso e Gata Ai o e na fesoasoani ia te a'u ia ou lagona le Agaga, ma amatalia ai la'u malaga o le a taitaiina atu ai i so'u lava aiga e faamauina faatasi e faavavau. ■

Victoria Mikulina, Rusia

Faaaliga: Ina ia maimoa i se vitio musuia e uiga i faafiafia i afaaleaganuu a le au-latavou mo le Malumalu a Kyiv Iukureini, astasi i le LDS.org ma sue le "Kyiv Ukraine Temple video."



ALU I LE LOTU!

O lo'u tausaga tolu i le aoga maualuga, sa ou fetaui ai i se tamaitai o le Au Paia o Aso e Gata Ai i la'u vasega tusiata. Sa maoae sana uuniga i lo'u olaga, ma na ou papatiso ma avea ai ma se tagata o le Ekalesia.

Ina ua uma ona ou faauu mai le aoga maualuga, sa fuafua Tina ma Tama e tuua lo matou fale i Kalefonia ae masii atu i Idaho, ISA. Sa faapipii le taavale toso i la matou loli ma agai atu loa i matu. Faatoa matou pasia lava ia Lovelock, Nevada, ae amata loa ona saoasaoa la'u ave i lalo o se tamai aega. Ona sa leai ni uamea e taofiofa le taavale toso, na amata ai ona alu i le isi itu i le isi itu. Sa ou tu faafuasei i taofi, ma sa mamulu ese atu ai le taavale toso, ma matou leleia atu ai i se autu i autafa o le auala, mafuli le loli i le tasi itu ae titi i le isi itu le taavale toso.

O le mea na laki ai sa leai ma se tasi na lavea. Ae o fafo ma totolu o le taavale toso na matuai leaga faia lava. Na pi'o e pei o se peleso [pretzel] le tulaga e faamau ai le taavale toso, na taei uma tioata, ma na salalau solo a matou meatotino.

Na taunu mai le leoleo o le auala ma valaau le loli toso taavale. Sa le iloa e Tina ma Tama se mea a fai. O si tupe itiiti sa i ai sa alu i le kamupani toso taavale. Sa ou lagona le uunaiga lofituina i lena taimi e tatau ona ou alu i le lotu i le aso na sosoo ai, o le Aso Sa. O Tama, o lē sa le auai i le lotu na manatu o ia o a'u ua valea. Na tatau ona faaputu a matou meatotino ma lipea le taavale toso, ma o a'u le tagata faigaluega autu, aua e pipili ma e le malosi lo'u tamā. Ae na faaauau pea le uunaiga ia ou alu i le lotu. Sa ou talosaga atu ia Tina e talanoa ia Tama mo a'u. Na ia faia, ma sa ou te'i ina ua malie i ai.

Sa ou maua le falelotu i le lotoifale

O le mea na laki ai sa leai ma se tasi na lavea i le faalavelave. Ae o le tulaga e faamau ai le taavale toso na pi'o e pei o se peleso [pretzel], na taei uma tioata, ma na salalau solo a matou meatotino.

i le taeao o le Aso Sa ma sa ou saofai i le laina pito i tua o le falesa ae faatoa amata lava le sauniga faamanatuga. Sa ou tatalo ina ia faatasi le Agaga ma lo'u aiga i lenei taimi faigata.

Ina ua maea le sauniga, e toatasi pe toalua tagata na latou faailoa mai i la'ua lava ia te a'u, ma sa ou faamatalaina puupuu i ai le mea na tupu. Ona ou toe foi lea i le mea sa matou tolauapi ai ma faaaoga le aso atoa e fesoasoani ai i le tapenaina o mea.

I le taeao o le Aso Gafua ao amata foi ona matou toe tapena, na faafusei lava ona taunu mai tagata o le uarota lea sa ou auai, ma ofo mai ni fesoasoani. Fai mai le tagata e ona le faleoloa lea e faatau ai faamalamia i le lotoifale e na te suia uma faamalamia o le taavale toso e aunoa ma se totogi, ma sa ofo mai foi se tagata e poto e uelo o le a na faia fuaina le faasa'oina o le mea e lave ai le taavaletooso.

E le'i tele se tala a lo'u tamā na fai mai ae na mautinoa lava lona faagaeetia, na maligi loimata o le faafetai o Tina, ae na ma faafetai ma lo'u tuafafine mo le fesoasoani. E oo atu i le faaiuga o le aso, ua matou sauni e faaauau la matou malaga i Idaho.

O se taunuuga o lenei aafiaga, ua ou iloa ai le moni o musumusuga a le Agaga. Ma na ou iloa foi o a tatou tatalo e tele lava ina tali mai e ala i isi tagata ma o le faalagolago i le Alii o le a aumai ai le filemu ma le olioli i o tatou loto. ■

Dwight LeRoy Dennis, Iuta, ISA

PE TATAU ONA FAATAU ESE LO TATOU FALE NA TATOU MOEMITI I AI?

Ole 1998 na uunaia ai a'u e le Agaga e faatau ese lo matou fale na matou moemiti i ai, lea na matou faamaeaina ma masii atu i ai i le na o le fa tausaga ua tuanai atu! Ao amata ona faauu le ma fanau matutua mai le aoga maualuga ma tuua le aiga, na foliga mai ua telē tele lo matou fale ma sili atu foi ona taugata nai lo le tulaga sa ma manaomia. Faatoa uma lava ona sui la'u galuega lea na ou iloa ai le faaletonu lea e ono oo i ai lo'u totogi.

Ina ua ou auai i le sauniga perisitua o le konafesi aoao ia Oketopa o le tausaga lena, sa faagaeetia a'u i le saunoaga a Peresitene Gordon B. Hinckley (1910–2008). O lana talanoa mai e uiga i a tatou mea tautupe, na ia ta'u mai ai i le au perisitua, "Ua oo mai le taimi e faatulaga ai o tatou aiga." Ona ia lapatai mai lea, "O loo i ai se faailoga o tau le lelei o i luma atu lea e tatau ona tatou usitaia."

Na ia saunoa mulimuli ane i lana lauga: "Ou te iloaina, atonu e tatau ai pe afai e faaune mai e fai se fale. Peitai, ia tatou faatauina se fale e mafai ona tatou gafatia ma o le a faaititia ai tupe totogi, lea o le a faamalumalu mai pea lava pea i o tatou ulu e au-noa ma se alofa po o se malologa mo le 30 tausaga."¹

Sa ou ta'u atu i lo'u toalua le fautuaga a Peresitene Hinckley, ma faaopoopo atu lo'u lagona e tatau ona faatau ese lo matou fale. Sa faate'i a'u, aua sa malie i ai o ia.

I masina na mulimuli mai, sa ma saunia loa e faatau atu lo matou fale ae faatau se isi fale. Sa avea ma se faagasologa umi, ma faavaivai tagata na aofia ai le tele o tatalo ma se anapogi

faaleaiga. I se tausaga mulimuli ane, na iu ai lava, ina matou siitia atu i lo matou fale fou, lea e sili atu ona maualalo le totogi faalemasina.

Na faamaonia lava le moni o le saunoaga faaperofeta a Peresitene Hinckley. O le tausaga na sosoo ai na faafuasei ai lava ina oso maualuga le tulaga o le maketi o oloa a le I.S. Na sosoo ai ma le tele o tausaga o maualalo ia tului o pasene, lea na ma faaaogaina e totogi faaititia ai la matou mokesi.

O le taimi nei ua i ai se tulaga faaletonu fou i le tamaoaiga o le

tele o atunu o le lalolagi atoa. Ua moni lava le saunoaga a Peresitene Hinckley e faatatau i le taimi nei e pei foi ona moni i le 1998.

Oka so ma fiafia ina ua ma mulimuli i le fautuaga a le perofeta ma musumusuga a le Agaga. E le o toe i ai se ma aitalafu o le mokesi, ma ua ma fiafia e vaai atu i le ma fanau o loo ola i mea ua latou maua.


Ma te tulimatai atu i konafesi aoao taitasi mo fautuaga mai o tatou taitai o le Ekalesia. Ma te iloa o le a faamanuiaina i tatou pe a tatou faalogo ma usitai i a latou taitaiga. ■

Sullivan Richardson, Nevada, ISA

FAAMATALAGA

1. Gordon B. Hinckley, "Mo Tama Talavou ma Tamā," *Liahona*, Jan. 1999, 65.

Ina ua ou auai i le sauniga perisitua o le konafesi aoao ia Oketopa o lena tausaga, sa faagaeetia a'u i le saunoaga a Peresitene Gordon B. Hinckley, lea na ou faasoaina i lo'u toalua.



Pe Na Fesili Moni Mai o la ia te Ā'u i **Lena Mea?**

Saunia e Joelyn Hansen

Sa ou nofo ma faataupupula atu ma le le talitonu ao faatali ia Brother Jarman, o se tasi o le au peresitene o le paranesi, i la'u tali.

Masalo na ia manao e fai mai *faiaoga* po o le *fesoasoani*. Ae e leai. O le mea sa ou faalogo i ai na sa'o; na ia valaaufina a'u e fai ma peresitene o le Aualofa i lo matou tamai paranesi.

Sa ou nofo e aunoa ma se minoi mo sina taimi ma tomanatu i lo'u tulaga. Faatoa 27 ou tausaga ma e ou te le'i faaipoipo lava. E le'i leva ona ou siitia atu i le eria ma faatoa ou amata foi i se galuega fou o se tusitala. Sa itiiti lo'u malamalamala faaletaitai. Sa ou galue i nisi o tofiga i le aluga o tausaga ae sa le o ni tofiga faapea.

Sa ou fesili ma le le leoa ia te au lava ia pe ua lava lo'u matua, pe ua lava foi lo'u malamalamala, pe o ia te a'u foi le gafatia e auauna atu ai. O le a se mea e mafai ona ou



ofoina atu i tamaitai o le paranesi?

Sa ou alu i le fale i lena po, tootuli ma tatalo, ma fesili atu i le Tama Faalelagi mo se taitaiga. Ina ua uma la'u tatalo, na vave lava ona uunaia a'u e tilotilo i lo'u faamanuiaga faapeteriaka. Sa ou faitau i le fuaiupu lenei: "E ao ona e i ai i lena galuega ua tofia ai oe i le taimi lenei, e tusa lava pe o e talavou."

Ao ou faitauina na upu, sa ou iloa ai e le o faatatau lenei mea e uiga i lo'u tulaga faale-aiga, lo'u matua, po o le a le mea e mafai ona ou faia. Sa faatatau i le mea na *finagalo* le Alii ou te faia. Sa ou taliaina le valaauga.

Sa mafai ona ou fesoasoani atu i tagata e

E ui tatou te fesiligia o tatou agavaa e auauna atu ai i se valaauga o le Eklesia, e silafia i tatou e le Alii. Afai o loo tatou naunau e auauna atu, e mafai ona la faaagavaaina i tatou mo Lana galuega.



**SAILIALA O LE
FESOASOANI
MAI LE TAMA
FAALELAGI**

"Ou te uunaia i tatou uma e tatalo mo o tatou tofiga ma ia saili le fesoasoani faalelagi, ina ia mafai ona tatou manua i le ausiaina o mea e valaauiua i tatou e fai. Na fai mai se tasi tagata e faapea, 'o le faafetaia o se mana e maualuga atu nai lo le tagata lava ia, e leai lava se tulaga e faalumaina ai o ia.' E ao ona ia saili, talitonu, tatalo ma faamoemoe o le a ia mauaina. E leai se taumafaiga faamaoni ma loto tatalo faapena o le a le taliina mai: o le faavae tonu lava lena o le filosofia o le faatuatua. O le a oo mai le fesoasoani faalelagi ia i latou o e saili i ai ma le lotomaulalo."

Peresitene Thomas S. Monson, "Ia Aoao, Ia Faia, Ia Avea Ai," *Liahona*, Nov. 2008, 67.

ala i lo'u valaauga, e ui i le eseese o mea na matou ola ae ai. Na faapitoa lava le taitaiina atu o a'u e le Atua e auauna atu i se tasi o tamaitai faapitoa e 20 ma ona tupu ona tau-saga, o se tina nofofua e toalua lana fanau. E le'i umi se taimi na ou iloa ai le eseese o o maua olaga. Sa ou le mautinoa pe o le a faapefea ona avea a'u ma ana uo, ae i le aluga o taimi na ma amatalia ai se faauoga.

I se tasi o tulaga na ou feiloi ai i se tamai-tai e le malosi i le lotu. Ou te toe manatua le taimi muamua na matou ulu atu ai ma faife-autalai i lona fale, ma le iloa o loo i ai sana molimau; ae sa na o sina tamai "uunaiga" lava e fesoasoani e faamumu malosi ai. Ao matou safafai i lona potu malolo ma faalogo atu ia te ia, sa malosi le Agaga ma na uunaia i matou e tuuina atu le molimau i le Togiola a Iesu Keriso.

Na ta'i tasitasi ona sau o ia i le lotu i masina na mulimuli mai. Ae na faaaauau pea ona taitai-inia a'u e le Agaga ma tuuina atu la'u molimau ia te ia. O le taimi nei, ua malosi ma auauna atu o ia i le paranesi.

O nisi na o faatumutumuga o le valaauga, ae na tele ni luitau. Sa o se tauiviga le taumafai ia ou lagonaina na lava ma totoe mea sa ou faia, ia maua le paleni i le va o le lotu ma le galuega, ma ia lafoai lagona o le le atoatoa.

I le faaiuga sa ou iloa ai o le tele o mea na mafai ona ou faia na ala mai i le Agaga. Ua faamaloloina a'u mai le valaauga ma ou siitia ese mai lena nuu. Ae e tele lava ina ou toe manatunatu i le auala na uunaia ai e lena valaauga le usoga—faapea foi ma a'u. Na ou iloa e ala mai i lena tofiga, sa i ai se mea sa ia te a'u o se uso talavou ma nofofua, e ofoina atu i isi ao matou tutupu ae faatasi i le talale-lei. E ui ina sa ou lagonaina lo'u le agavaa mo le valaauga, ae sa ou galue malosi e faataunu lo'u valaauga. Ma ao ou faia lena mea, sa ou lagonaina le aao o le Atua o taitaiina ma faagavaaina a'u mo Lana galuega. ■

Lagolagoina e ala i Lona Alofa

Ina ua ou maua le valaauga e galue o se taitai o gaoioiga a tamaiti aoga, sa ou lagona le matuai lofituina. Sa ou matamuli ma iloa o le a faigata ia te au le fuafuaina o gaoioiga. Na faatumulia a'u i lagona o le le atoatoa, popole, ma le faavaivai.

Sa ou liliu atu i le Tama Faalelagi ma le popole tele. "E faapefea ona ou faia lenei mea?" sa ou tatalo atu ai. "Ou te laitiiti ma vaivai."

O le taimi lava lena, na oo mai ai i lo'u loto se musumusuga filemu ma le itiiti: "Alu, lo'u afafine. Ou te alofa ia te oe."

Na faamalosia a'u e lena tali mai se Tama alofa. O le faamalosia e ala i lena musumusuga, sa ou lagona ai e mafai ona ou faia soo se mea. O le iloaina e Na te silafia a'u, e alofa o Ia ia te a'u, ma e Na te lagolagoina a'u ua na o le pau lena o se mea na ou manaomia e faataunu ai ma le manua lo'u valaauga.

Ou te iloa po o le a lava o tatou tauiviga, e alofa le Tama Faalelagi ia i tatou ma faafogoga i a tatou tatalo. A tatou o atu ia te Ia, o le a tatou maua ni taitaiga ma faamalosiauga ao tatou taumafai e faataunu o tatou valaauga.

Ye Kyung Koo, Korea

Faamalieina e ala i Lo'u Valaauga

Ile avea ai ma se tagata nofofua matua, ua ou iloa e mafai ona ou saofaga atu i la'u uarota ma maua le faamalieina pe a ou galue i valaauga eseese o le Eklesia.

O loo o'u galue nei o se fesoasoani lua i le au peresitene o Alii Talavou. O lo'u i ai i le faalapotopotoga a Alii Talavou ua ou maua ai le avanoa e o faatasi ai ma le au tiakono e ao mai taulaga anapogi, feiloi atu i tagata e le toaaga mai o le uarota, ma auai i konafesi a le autalavou ma gaoioiga a le Mutuale. Ou te fiafia foi matou te o faatasi ma le autalavou i le malumalu e faataunuui sui papatisoga mo e ua maliliu. Ao ou galue ai i lenei valaauga, ua ou galue malosi e fesoasoani atu i alii talavou ina ia tutupu ae ma avea ma ni alii matutua e ala i le faaali atu o lo'u alofa ma le amanaiaina o i latou. Ua fesoasoani nei aafiaga ina ia ou alualu ai i luma faaleagaga ma ua avea ma se faamanuiaga i lo'u olaga.


Mat Carter, Iuta, ISA

Valaauna e Unaia

Na ua valaauna a'u e galue o se faufautua o le Maea Meite i le faalapotopotoga a Tamaitai Talavou, sa ou le talitonu e mafai ona ou faataunuui le valaauga. Ou te le'i manatu o le a fiafia ia tamaitai ia te a'u pe latou te aoaoina se mea mai ia te a'u, aemaise lava ina ua iloa le eseese o tulaga o i ai nei i latou nai lo taimi ao ou matua e pei o i latou.

Na suia lena lagona i ni nai vaiaso talu ona ou i ai i lo'u valaauga, ina ua ou auai atu i se gaoioiga a Tamaitai Talavou. I le gaoioiga sa faailoa atu ai e se tina lona agaga faafetai mo le polokalama a Tamaitai Talavou aua ua faamalosia ai lana tama teine e tetee atu i faaososoga. Na fesoasoani ia te au ana upu e iloa ai le taua tele o la'u matafaioi.

Sa ou iloaina o lo'u valaauga sa sili atu nai lo le aoaoina o lesona i Aso Sa ma le fesoasoani atu e fuafua ni gaoioiga. O se valaauga e fesoasoani ai i nei tamaitai talavou ina ia saunia mo le lumanai—e o i le malumalu, auauna atu i le Ekalesia, ma ia avea ma ni tina lelei. Sa



Ao tatou taliaina avanoa e auauna atu ai, o le a tatou mauaina e pei ona folafola mai e Peresitene Monson, "o le a oo mai le fesoasoani faalelagi ia i latou o e saili i ai ma le lotomaulalo."

manaomia ona ou fesoasoani e saunia i latou mo le olaga.

O valaauga i le Ekalesia e sau mai lo latou Tama Faalelagi alofa. Na te silafia o tatou manaoga ma manaoga o i latou o loo tatou auauna atu i ai. O le iloaina o lena mea e mafai ona fesoasoani ia i tatou ia maua le faatuatua ia te Ia ma talitonu ia i tatou lava, e tusa lava pe tatou te le malamalamalama pe aisea ua tuuina mai ai se tofiga faapitoa pe tatou te le lagonaina le faamautinoaga e uiga i lo tatou gafatia e faataunuui ai se valaauga. E mafai ona

tatou faafetai mo o tatou avanoa e galulue ai ma ua tatou agavaa e maua se valaauga, ma e mafai ona tatou maua le avanoa e aoao atili ai mea tatou te mafaia ao tatou agai i luma i le talalelei.

Georgina Tilialo, Niu Sila

Fetufaai atu La'u Molimau e ala i Musika

Eui sa ou ola ae i le Ekalesia, ae na ou le toe toaga ina 18 ou tausaga. Mulimuli ane, ina ua ou siitia ese mai Siamani sasae agai atu i Frankfurt, sa valaaulia a'u matou te nonofa ma se aiga o le ekalesia. Sa ou iloa e mafai ona avea lea ma se avanoa mo a'u e fai ai se amataga fou ma toe toaga ai i le Lotu.

E le'i leva ona ou siitia atu i Frankfurt, ae valaauiua a'u i le au peresitene o le matou ofisa autu i le eria mo le autalavou matutua. Na aofia i le valaauga le faamaopoopoina o vasega inisitituti, aifafi faaleaiga, ma isi gaoi-oiga. Sa manaomia ai le tele o galuega, ae sa aoga lava aua o le ofisa autu o se faamanuia maoae lea i autalavou matutua i le eria.


Ona o lenei valaauga, sa ou aoao ai ma auai atu ai i se aufaipese a le autalavou matutua nofofua. Sa alu se malaga faakonaseti a le aufaipese i Polani ma le Ripepalika Siekisilovakia. Sa avea o se aafiaga maoae, ma sa ou fiafia e maua le avanoa e faasoat atu ai la'u molimau e ala i musika. Sa sili atu foi lo'u fiafia ina ua ou maua se i-meli i ni vaiaso mulimuli ane, e ta'u mai ai ia te a'u ua liliu mai se tagata i le Ekalesia ona o se aafiaga mai se tasi o a matou konaseti.

A o ou galue e faataunu lo'u valaauga, sa mafai ona ou fesoasoani e faamalosia molimau a isi, ma na faamalosia ai foi la'u lava molimau i le talalelei. ■

Felix Seidl, Siamani

MAUAINA O LE FESOASOANI MAI ISI PUNAOA

Emafai ona lofituina se valaauga fou ao e taumafai e aoao ou tiutetauave. Peitai, o le tele ia o punaoa e mafai ona e liliu atu i ai mo se fesoasoani. O nei punaoa, faatasi ai ma le tatalo mo le taitaiga ma le taiala mai le Tama Faalelagi, o le a fesoasoani ia te oe e faataunu ai lou valaauga ma faamanuia ai ia olaga o isi ao e auauna atu.



- **Tusitalima.** O tusitalima e fesoasoani e faamalamalama ia tiutetauave. Pe a maua sou valaauga, amata i le suesueina o le faamatalaga o le tusitalima e patino i ou tiutetauave.
- **O au epikopo, au peresitene o paranesi, ma isi taitai.** Aua nei fefefe e o atu i taitai e fesili mo se fesoasoani. O le auala lelei lea e aoao ai i le mea e tatau ona fai.
- **O se tasi na i ai muamua i lena valaauga.** Atonu o nei tagata na aafia pe tuuina atu se fautuaga e aoga ia te oe. Ae ia manatua e a oe lea ma e mafai ona e sailia ni musumusuga e fesoasoani ia te oe e auauna atu ai ma le lelei.
- **Uepisaite a le Ekalesia.** LDS.org e aofia ai le tele o faamatalaga ma punaoa. O se tasi o nofoaga e amata ai o le filifilia lea o le "Serving in the Church." Kiliki i le "Handbook 2" ona filifili lea o se gagana.

“Pe faapefea ona ou tali atu pe a fai mai au uo e le mafai ona vaai se tagata i le Atua?”

Masalo ua faitau au uo i nai fuaiupu o le Tusi Paia o loo faapea mai e le mafai e tagata ona vaai i le Atua (tagai i le Esoto 33:20; Ioane 1:18; 1 Timoteo 6:14–16; 1 Ioane 4:12). E ono fetee-nai nei fuaiupu ma isi fuaiupu o le Tusi Paia lea e faapea mai na vaai tagata—e pei o Iakopo, Aperaamo, Mose, ma Isaia—i le Atua (tagai i le Kenese 18:1; 32:30; Esoto 33:11; Isaia 6:1).

O le mea e lelei ai, ua tatou maua le Faaliliuga a Iosefa Samita o le Tusi Paia, lea ua faamalamalama mai ai ia mau e fa lea e fai mai e le mafai e se tagata ona vaai i le Atua. O le faaliliuga musuia a le Perofeta o na fuaiupu ua faamalamalama mai ai o tagata *agasalae* le mafai ona vaai i le Atua—ae na o i latou o e talitonu. Ma e oo lava foi, i se tagata amiontonu, e tatau ona suia—liuaina—e vaai ai i le Atua (tagai i le MFF 67:11). O le tala i le Penina Tau Tele i le vaai o Mose i le Atua, o loo faamatala ai e Mose o ona mata faaleagaga, ae le o le faaletino, na ia vaai ai i le Atua (tagai i le Mose 1:11).

E mafai ona e ta'u atu i au uo “[tatou] te talitonu o le Tusi Paia o le afioga a le Atua i mea uma ua tonu ona faaliliuina” (Mataupu Faavae o le Faatuatua 1:8). E mafai foi ona e molimau atu e uiga ia Iosefa Samita ma tusitusiga paia o aso e gata ai, lea e fesoasoani tatou te malamalamai ai o “e loto mama . . . e iloa atu le Atua” (Mataio 5:8).

Vaai Atu Faaleagaga ia te Ia



Na aoao mai Alema e faapea o loo molimau mai soo se tulaga faalenatura e uiga i se Foafoa silisilise e faatatau i ona tulaga lavelave e tele ma mea e faatatau i ai (tagai i le Alema 30:44). O se avanoa sili lenei mo oe e molimau atu ai i au uo o loo mafai ona e lagona Lona faatasai mai i lou olaga i aso uma e ala i le Agaga Paia. E mafai foi ona e faamatala atu tatou te le tau manaomia ona vaai i le Atua ina ia talitonu ai aua o loo i ai o Ia iina. O le mea lena ua tatou maua ai le faatuatua. Afai tatou te vaai ia te Ia, o le a le tele se taumafaiga e manaomia e talitonu ma mulimuli ai ia te Ia i o tatou olaga atoa. O le a i ai se taimi tatou te vaai ai ia te Ia i le isi itu o le veli. Sei oo la i lena taimi, ae o lou talitonuga ua lava lea e vaai ai faaleagaga i Lona aao i lou olaga.

Janel E., 18 tausaga, Uosigitone, ISA

E Alofa le Atua ia te A'u



Sa fesili mai i se tasi taimi le tagata lea ma te potu faatasi pe faapefea ona ou talitonu i se mea ou te le o vaai i ai. Sa ou tali atu ona e mafai ona ou lagonaina le Agaga Paia, lea o loo molimau mai e silafia a'u e le Atua, ma o le mea lea ua faateleina ai lo'u faatuatua ma aumai ai le filemu i lo'u loto. E le mafai ona ou vaai ia te Ia, ae ou te iloa e alofa o Ia ia te au ona ou te faatuatua ma e ou te lagonaina Lona Agaga.

Samuelu P., 18 tausaga, Lara, Venezuela

Tatala o Tatou Loto

E toalaiti lava nai tagata na vaai i le Atua ao latou i ai i le lalolagi, ae ua aafia uma ai lava i tatou. Ua tatou vaai i mea uma ua Ia foafoaina, o faamanuiaga uma ua Ia tuuina mai, ma e mafai ona tatou lagonaina uma Lona alofa. E sili atu ona ou lagonaina pe a tuuina atu la'u molimau. Afai lava e tatalaina o tatou mata ma loto, o le a tatou vaai i le Atua i mea uma e siomia ai i tatou, e faapea foi i le tasi ma le isi, o Ana fanau.

Katelyn E., 16 tausaga, Kaledonia, ISA

O Le a Tatou Tutu i Ona Luma



Ina ua fesili mai a'u uo aoga pe aisea ou te talitonu ai i le Atua pe afai ou te le'i vaai lava ia te Ia, ou te faamalamalama i ai tatou te le'i vaai i le Atua aua e le'i oo i le taimi tatou te vaai ai ia te Ia. A mavae lo tatou toetutu, o le a tatou o mai i Ona luma ina ia faamasinoina (tagai i le MFF 137:9). Ona ou faasoaa atu lea o la'u molimau ma faamatala atu o le i ai o le faatuatua o lona uiga o le talitonu lea ma i ai le faamoemoe. Afai

O tali ua faamoemoe e mo se fesoasoani ma ni manatu, ae e le o se faalauiloaga aloaia o aoaoga faavae o le Ekalesia.

latou te faatuatua, o le a latou vaai i le Atua e pei ona ou vaai ia te Ia—i mata o lo'u loto.

Daiana V., 18 tausaga, Santa Cruz, Atenitina

Na la Iloaina Ua Moni



I se tasi aso sa ma aoaoina ai ma la'u soa se ulugalii, ma sa ma ta'u atu ia i laua na faailoa atu le Tama ma le Alo ia Iosefa Samita i le tali o lana tatalo. Sa fai mai le tamaloa e leai ma se tasi e mafai ona vaai i le Atua. Na faafuasei lava ona i mai le faailoa o la'u uati, e ta'u mai ai ua tatau ona ma o i le fale. Sa ma tuua lo laua fale i lena aso e aunoa ma le taliina o lena faamatalaga.

O le aso na sosoo ai sa ou faiatui i se mau i le Tusi Paia ua faapea mai, "Afafai e i ai se perofeta a Ieova o ia te outou, ou te faailoa a'u e a'u ia te ia i le faaaliga" (Numera 12:6). Na ou iloa o le a fesoasoani lenei mau ia talitonu lenei uso.

Na oo mai le taimi o le isi a maua asiasiga, ma na ma talanoa e uiga i perofeta. Sa ou faaali atu ia te ia lenei mau, ma na suia ona foliga. Na faatumulua ona mata i loimata, ma faapea mai, "E moni lenei mea. E i ai tagata ua saunia e vaai i le Atua." Na ma aaoao atu ia te ia i se taimi mulimuli ane ia perofeta o le Tusi a Mamona, o e na vaai i le Atua, ma sa ia iloaina e moni.

Elder Diaz, 25 tausaga, Misiona a Mérida Mekisiko

Faatuatua o Loo i Ai le Atua

O le tulaga masani lava tatou te le vaai i le Atua, ae e mafai ona e lagonaina Lona Agaga. E finagalo o Ia ina ia e iloaina o Ia e ala i le faitauina

o tusitusiga paia ma faatuatua ia te Ia. Afai e te faatuatua ia te Ia, e le manaomia lou vaai ia te Ia e te iloa ai po o ai o Ia ma o loo i ai o Ia. O Perofeta e pei o Mose ma Iosefa Samita, o e na vaai moni lava i le Atua, na manaomia le liuaina e vaai ai ia te Ia.

Aaron F., 12 tausaga, Oregon, ISA

Tuu Atu le Molimau



Sa fesili mai ia te au i se tasi taimi sa'u uo i le fesili lenei, ma sa ou fesili i ai po o fea na ia maua mai ai lenei manatu. Fai mai o ia na faaali atu e se tagata ia te ia i le Tusi Paia. Ona ou manatuaina lea o le Ioane 1:18, lea na ia fai mai e le mafai e se tagata ona vaai i le Alii. O le fesoasoani a le seminare, na ou manatua ai nisi o mau i le Tusi Paia lea o loo fai mai o tagata e pei o Mose ma Iakopo, ua faatumulua i le Agaga Paia, na vaai i le Atua. Ma o lea na mafai ai ona ou tali atu ma le lototele i la'u uo ma tuu atu i ai la'u molimau.

Luis M., 17 tausaga, Mato Grosso, Pasila



O SE MALA-MALAMA E LE MAFAA-FITIA O LOO SOIFUA O IA

"la atiina ae se nau-nautaiga filiga ia iloa o loo soifua le Atua.

"O lenei naunautai e taitai atu ai i tatou ia mafaufau loloto i mea o le lagi—ia faatagaina faamaoniga uma a le Atua o loo siomia ai i tatou, e pa'i mai i o tatou loto.

"Faatasi ai ma ni loto faamaluluina ua tatou saunia ai e usitai i le valaau a le Faaola e 'suesue i tusi paia' (Ioane 5:39) ma ia aaoao mai ai ma le lotomualalo.

"Ma ua tatou saunia nei e ole atu ma le faamaoni i lo tatou Tama Faalelagi, i le suafa o lo tatou Faaola o Iesu Keriso, pe moni ia mea ua tatou aoaoina. O le toatele lava o i tatou o le a le vaai i le Atua e pei ona sa faia e perofeta, ae o musumusuga filemu ma le itiiti a le Agaga—o manatu ma lagona e aumai e le Agaga Paia i o tatou mafaufau ma loto—o le a tuuina mai ia i tatou se malamalama e le mafafitia, o loo soifua o Ia, ma e alofa o la ia te i tatou."

Elder Robert D. Hales o le Korama a Apose-tolo e Toasefululua, "Saili ia Iloa le Atua, Lo Tatou Tama Faalelagi, ma Lona Alo o Iesu Keriso," Liahona, Nov. 2009, 32.

Auina mai a outou tali a o lei oo i le aso 15 o Setema, 2011, i le:

*Liahona, Questions & Answers 9/11
50 E. North Temple St., Rm. 2420
Salt Lake City, UT 84150-0024, USA
Po o le i-meli: liahona@ldschurch.org*

E ono faapupuuina tali mo le uumi po o le manino.

O le faamatalaga ma le faatagaina o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaina tusitusia, ma, afai e itiiti ifo i le 18 ou tausaga, o le faatagaina tusitusia a ou matua (e talia foi le i-meli) e lolomiina ai lau tali ma lou ata.


O LE ISI FESILI

"Ua faaleagaina lo'u olaga e ponokalafi. O le a se mea e mafai ona ou faia e salamo ai ma taofia ai lea vaisu?"



Saunia e Elder
Dallin H. Oaks

O Le Korama a Apostolo
e Toasefululua



OLE EKALESIA MONI MA LE OLA E TASI

Olo tatou tiutetauve muamua ma le faamoemoega o le molimau atu e uiga ia Iesu Keriso i se lalolagi o loo mafatia i le fialoa o Lana misiona paia. O la'u tali atu i lena tiutetauve maoae, o le a ou talanoa atu ai e uiga i Le Ekalesia a Iesu Keriso o le Au Paia o Aso e Gata Ai, ua na o le pau lea o le Ekalesia moni ma le ola. I le faia o lena mea ua ou iloa o loo ou talanoa e tetee ai i galu malolosi ua taua o "faasa'oga faapolokiki".

O manatu teuteu o lenei vaitaimi e faapea, e moni lotu uma. O le mea moni, o le manatu e faapea e tutusa lotu uma o le aoaoga lea a le aneti-Keriso, lea o loo ta'u mai i le Tusi a Mamona i le tala ia Korioa (tagai i le Alema 30). Na tuuina mai lena tala e aoao mai ai ia i tatou se lesona taua i o tatou aso.

O se faaaliga na tuu atu i le Perofeta o Iosefa Samita i le 1831, i se taimi ae le'i levu ona faatulagaina Le Ekalesia o le Au Paia o Aso e Gata Ai, o loo tautala mai e uiga ia i latou o e na tuuina atu i ai le "mana e faataatia ai le faavae o lenei ekalesia." Ona ta'u lea e le Alii le Ekalesia o le "ekalesia ola e tasi ma le faamaoni i luga o le fogaelele atoa ua fiafia i ai a'u o le Alii" (MFF 1:30).

Ona o lenei folafolaga a le Alii, ua tatou ta'u ai lenei, Lana Ekalesia—la tatou Ekalesia—o le "Ekalesia moni e tasi." O nisi taimi tatou te faia ai lenei tulaga i se auala e tiga ai tagata o isi ekalesia po o e ua tuuto i nisi talitonuga. Peitai e le'i aoao mai le Atua ina

ia tatou faia se mea tatou te lagona ai le maualuga atu i isi tagata. O le mea moni lava e tofu lotu uma ma talitonuga o loo i ai ni vaega o upumoni, o nisi e tele atu nai lo isi. E moni e alofa le Atua i Ana fanau uma. Ma e moni, o Lana fuafuaga o le talalelei e mo Ana fanau uma, ma o ia mea uma e ogatasi ma Lana lava taimi atofaina.

O le a la le uiga o le faaupuga ua na o Le Ekalesia a Iesu Keriso o le Au Paia o Aso e Gata Ai le Ekalesia moni?

E tolou itu taua—(1) atoatoaga o aoaoga faavae, (2) mana o le perisitua, ma le (3) molimau ia Iesu Keriso—o loo faamatala mai ai le mafuaaga na tautino mai ai e le Atua, ma i le avea ai ma ni Ana auauna ua tausisia ua na o le pau lenei o le Ekalesia moni ma le ola i luga o lenei fogaelele atoa.

1. Atoatoaga o Aoaoga Faavae

Ao i ai Iesu Keriso i luga o le fogaelele, sa Ia aoaoina atu le atoatoaga o Ana aoaoga faavae, o le fuafuaga lea na faataatia mai e lo tatou Tama Faalelagi mo le alualu i luma e faavavau o Lana fanau. Mulimuli ane, na leiloloa ai le tele o nei upumoni o le talalelei e ala i le suia i mataupu po o filosofia na matele i ai le lalolagi lea na talaiina ai le faa-Kerisiano, ma e ala i faiga sese a taitai o vaega faaupufai. Tatou te ta'u lenei aveesina o le atoaga o le upumoni, o le Liliuese.

O le tele lava o tapuaiga faalelotu po o manatu faafilosifia o loo i ai i le lalolagi i le

*O le a le uiga
o le faaupuga,
O Le Ekalesia a
Iesu Keriso o le
Au Paia o Aso e
Gata Ai ua na
o le pau lea o le
Ekalesia moni?*



O le pule o le perisitua na toefuataiina mai e na tamalii toetutu o e na umiaina i le olaga nei. O le pule o le perisitua, faatasi ai ma ki na manaomia e taitai ai lona faatinoga, o loo i ai i lenei Ekalesia ae le o se isi lava.

aso e aofia ai, i se sua faatatau i le tele po o le itiiti, o upumoni na faaalia mai e le Atua i aso anamua, faatasi ai ma le faafefilo o filosofia po o faiga sese a tagata. Tatou te talitonu o le toatele o taitai faalelotu ma e mulimuli i ai o ni tagata e talitonu faamaoni ma alolofa i le Atua ma malamalama ma auauna atu ia te Ia i le mea sili latou te mafaia. O loo tatou nonofo aitalafu i alii ma tamaitai o e na faatu-mauina pea le malamalama o le faatuatua ma le aoaoina i le tele o seneturi e tau mai i le asō. Tatou te mananao i e uma o loo sailiili i la tatou ekalesia mai isi lotu po o isi faiga ina ia taofimau i mea lelei uma ua ia i latou, ma o mai e vaai po o le a se auala e mafai ona tatou faaopoopo atu ai i lo latou malama-lama i le upumoni ma lo latou fiafia a o latou mulimuli i ai.

Ona sa tele mea na leiloloa i le Liliuese, o lea na talafeagai ai i le Alii ona toefuatai mai le atoaga o Ana aoaoga faavae. Na amataina lena tulaga i le mea tatou ta'ua o le Uluai Faaliga a Iosefa Samita.

O le atoaga o le talalelei a Iesu Keriso e amata i le faamautinoaga sa tatou nonofo faatasi o ni agaga ae tatou te le'i o mai i lenei lalolagi. E faamautinoa mai ai e i ai se faamoemoega o lenei olaga faaletino. E aoao mai ai o la tatou sini tupito o le avea lea faapei o o tatou matua faalelagi. Tatou te faataunuina lenei mea e ala i le agavaa mo le tulaga faamamaluina faaselesitila ma sootaga e ta'ua o le faaeaga po o le ola e faava-vau, lea e faatagaina ai i tatou e faaauauina o tatou sootaga faaleaiga i le faavavau atoa.

O le aoaoga faavae a Iesu Keriso, e malamalama i lona atoaga, o le fuafuaga lea e mafai ona avea ai i tatou ma fanau e tatau ona i ai fanau a le Atua. O le tulaga le pisia ma le atoatoa lenei o le a oo i ai ona o se faaauauina tumau o feagaiga, sauniga, ma faatinoga; o se faateleina o filifiliga sa'o; ma le faaauau pea o le salamo. "O le aso o lenei olaga, o le aso lea e tatau ona fai ai e tagata a

latou galuega" (Alema 34:32). Ua mafai lenei mea ona o le Togiola a Iesu Keriso ma le usi-usitai i tulafono ma sauniga o Lana talalelei.

O le talalelei toefuataiina a Iesu Keriso e atoatoa, lautele, alofa, ma e moni. I le mavae ai o aafiaga e tatau ai o le olaga faaletino, o le a toetutu uma atalii ma afafine o le Atua ma o atu i se malo o le mamalu e sili atu ona matagofie nai lo se mea e mafai ona iloaina e soo se tagata. Sei vagana ai ni vaega itiiti, e oo lava i tagata e sili ona amioleaga o le a iu lava ina o i se malo o le mamalu—e ui ina maualalo teisi—. O le a tupu nei mea uma ona o le alofa sili o le Atua mo Ana fanau, ma ua mafai nei mea uma ona o le Togiola ma le Toetu a Iesu Keriso, "o lē faamamaluina le Tama, ma faasaoina galuega uma a ona aao" (MFF 76:43).

2. Mana o le Perisitua

O le mea lona lua ma le tulaga e matuai taua lava i le "ekalesia moni ma le ola e tasi i luga o le fogaelele atoa" o le pule o le perisitua.

Ua faamanino mai i le Tusi Paia le tatau ona i ai o le pule o le perisitua ma o lenei pule e tatau ona faaee atu e ala i le tuuina atu o lima o i latou o e umiaina. O le pule o le perisitua e le'i oo mai ona o se manaoga e auauna atu po o le faitauina o tusitusiga paia. Ina ua leiloa lena pule o le perisitua e ala i le liliuese, na toefuataiina mai e na tamalii toetutu o e na umiaina i le olaga nei ma o e na auina mai e faaeeina mai. Na tupu lena mea o se vaega o le Toefuataiga o le talalelei, ma o le pule o le perisitua, faatasi ai ma ki na manaomia e taitai ai lona faatinoga, o loo i ai i lenei Ekalesia ae le o se isi lava.

O se taunuuga la o lo tatou mauaina o le mana o le perisitua, ua faatagaina ai taitai ma tagata o Le Ekalesia a Iesu Keriso o le Au Paia o Aso e Gata Ai ua i ai le pule e faatino ai sauniga manaomia o le perisitua, e pei o le



E le o faavaeina i tatou i le poto faale-lalolagi po o filosofia a tagata. O la tatou molimau ia lesu Keriso e faaautu i faaaliga a le Atua i Ana perofeta ma mo i tatou taitoatas.

papatisoga, le meaalofa o le Agaga Paia, ma le taulimaina o le faamanatuga.

O ki o le perisitua, o loo umiaina e lo tatou perofeta pele o, Peresitene Thomas S. Monson, ma isi perofeta ma Peresitene uma o le Ekalesia, ua faatagaina ai o ia e maua faaaliga mo le Ekalesia atoa. O lenei Ekalesia e “ola” ona e i ai ni o tatou perofeta o e o loo faaauau pea ona tuu mai ia i tatou ia afioga a le Alii e manaomia mo o tatou taimi.

3. Molimau ia lesu Keriso

O le mafuaaga lona tolu ua avea ai la tatou Ekalesia ma eklesia moni e tasi, ona ua ia i tatou le upumoni faaalia e uiga i le natura o le Atua ma lo tatou sootaga ia te Ia, ma o lea ua tatou maua ai se molimau tulaga ese ia Iesu Keriso. O le mea e taua ai, o lo tatou talitonuga i le natura o le Atua o le mea lea ua ese ai i tatou mai talitonuga o le tele o tapuaiga faa-Kerisiano.

O Mataupu Faavae o le Faatuatua, o le tautinoga aloaia lea e tasi o a tatou talitonuga, e amataina faapenei: “Matou te talitonu i le Atua, le Tama Faavavau, ma Lona Alo o Iesu Keriso, ma le Agaga Paia.” E tutusa lo tatou talitonuga lenei ma isi Kerisiano e uiga i le Aigaatua, ae ia i tatou la e ese lona uiga nai lo le toatele. Tatou te talitonu o nei tagata e toatolu o le Aigaatua o ni tagata mavaevae se toatolu ma o le Atua le Tama e le o se agaga ae o se tagata ua faamamaluina o loo i ai se tino o aano ma ivi, e pei o Lona Alo toetu o Iesu Keriso. E ui e eseese i foliga, ae tasi i lo Laua faamoemoe.

O le Uluai Faaaliga a Iosefa Samita, ua faaalia ai o manatu sa i ai e uiga i le natura o le Atua ma le Aigaatua, ua le moni lea ma e le mafai ona taitai atu ai tagata e lagolagoina i latou i le faasinomaga ua finagalo i ai le Atua mo i latou (tagai i le Talafaasolopito—Iosefa Samita 2:17–19). O le liligi auauai mai o faaaliga faaneionapo ua faamanino mai ai le taua o lenei upumoni faavae ma ua aumaia

ai foi ia i tatou le Tusi a Mamona. O lenei tusitusiga paia fou o se molimau lona lua lea ia Keriso. E lagolagoina ia valoaga faaletusi paia ma aoaoga o le natura ma le misiona a Keriso. Na te faalauteleina lo tatou malamalamā i Lana talalelei ma Ana aoaoga i le taimi o Lana misiona i le lalolagi. E tuuina mai ai foi le tele o aoaoga lea e mafai ai ona tatou iloa le moni o nei mea.

E le o faavaeina i tatou i le poto o le lalolagi po o filosofia a tagata—e tua lava po o a tu ma aga po o lo latou faaaloalogia. O la tatou molimau ia Iesu Keriso e faaautu i faaaliga a le Atua i Ana perofeta ma mo i tatou taitoatas. (tagai i le 1 Korinito 2:1–5; 2 Nifae 28:26.)

O le a la le mea ua tatou faamaonia i la tatou molimau ia Iesu Keriso?

O Iesu Keriso o le Alo e Toatasina na Fanaua e le Atua, le Tama Faavavau. O Ia o le Foafoa o lenei lalolagi. E ala i Lana galuega le mafaa-tusalia i le olaga nei, o Ia o lo tatou faiaoga. Ona o Lona Toetu, o le a toetutu ai mai le oti i latou uma o e na ola. O Ia o le Faaola, o lana taulaga togiola na totogi ai le aga-sala a Atamu, ma tatalaina ai le faitotoa mo i tatou ina ia magalo a tatou agasala patino ina ia tatou mama e toe foi atu i le afioaga o le Atua, lo tatou Tama Faavavau. O le savali autu lenei a perofeta o augatupulaga uma.

Ou te tuuina atu ma le faamaoni la’u molimau ia Iesu Keriso ma le moni o Lana talalelei. O loo soifua o Ia, ma e moni Lana talalelei. O Ia o le Malamalamā ma le Ola o le Lalolagi (tagai i le MFF 34:2). O Ia o le Auala i le tino ola pea ma le ola e faavavau (tagai i le Ioane 14:6). Ia te au lava ia, o le vavega o le Togiola a Iesu Keriso e faigata ona malamalamā i ai. Peitai ua tuuina mai ia te au e le Agaga Paia se molimau i lona moni, ma e mafai ona ou olioli i le faaaluina o lo’u olaga atoa i le folafolaina atu. ■

Mai se saunoaga na tuuina atu i le aso 25 o Iunii, 2010, i se semina mo peresitene fou o misiona.

O Se Pese ma se Tatalo

Ina ua le mafai e Dillon ona usu le nota maualuga, na ia aapa maualuga atu mo le fesoasoani na ia manaomia.

Ei ai se faafitauli faigata a Dillon: o lana taleni sili o lona popolega sili foi lea. "Ou te fiafia e pese," o le tala lea a le alii Toga e 16 tausaga, "ae le o luma o tagata. Ou te matuai fefe lava."

Manatu i ona lagona le mautonu ina ua faasalalau e le Ekalesia i Toga ni faataitaiga e saili ai ni tagata e usuina i le gagana Toga ia pese o le lipine seminare o le Feagaiga Tuai. Sa fiafia ae sa fefe foi o ia.

E tolu pese o le lipine e manaomia ai se alii e usuina. Ina ua uma ona usu e Dillon le pese na ia faataitai ai, na te'i o ia i le fai atu o le taitai e pueina pese e toe usu se isi pese mai le lipine. E ui i lona popole sa i ai, ae sa ia usuina lava, ma na faapea atu le taitai, "Ua maua le tatou tama."

E ui i le tele o lona fiafia—ma lona popole—ae na ofo atu ia Dillon le avanoa e pueina ai pese uma e tolu.

Taleni a Dillon, Popolega o Dillon

O Dillon, o se tasi o le Uarota a Ma'ufanga, o le Siteki a Nuku'alofa Toga, e lelei i le aoga. O ia o se tasi pe a ma le 10 pasene o tamaiti aoga Toga na filifilia e auai i le aoga a le malo. E fiafia foi o ia i le seminare. "Na te fafagu po i matou ina ia mafai ona alu i le seminare," o le tala lea a lona tina o, Malenita Mahe.

Peitai o le pese o le mea lea e fiafia tele i ai—e ui e le'i iloa e lona aiga e lelei lana pese pe ana le fai atu ia te ia e pese toatas i se polokalama a le Peraimeri i se tasi tausaga.

"O Dillon e matamuli lava," o le tala lea a lona tina.

Na matuai lelei lava lana pese i le polokalama a le

Peraimeri o lea na talosagaina ai o ia e pese i le konafesi a le Siteki a Nuku'alofa Toga. Ina ua mavae lena sa avea loa le pese ma ana vaisu.

Sa ia fai atu i lona tina, "E i ai se aso, ou te faaaogaina ai la'u taleni mo le Atua." Ina ua filifilia o ia e pese i le lipine, sa fai atu o ia i lona tina, "Tina, na ou faaaogaina la'u taleni."

Fai mai le uso matua o Dillon, o Sione, e na te taumafai lava e faamalosiau atu ia Dillon e pese. "Ou te matuai fia maua lava lana taleni," o lana tala lea. "E mananao tagata uma ia ona faasoaina atu."

"Ou te fiafia pe a pese o ia," o le tala lea a lona tuafafine o Pea.

"Ou te fiafia pei o ia i se aso," o le tala lea a lona uso e iva tausaga o Paula.

E faafetai Dillon i le lagolagosua a lona aiga. "Ou te alofa i lo'u aiga," o lana tala lea. "Ou te mautinoa, o la latou fesoasoani, e mafai ai ona avea ou vaivaiga ma se malosiaga.

Pese Maualuga Atu

Ao galulue Dillon ma le aufaigaluega e pueina ia pese, sa tauivi o ia i se nota se tasi. "Sa le au i ai lo'u leo," o lana tala lea. Sa matou faataitaia mo le tele o itula."

Mulimuli ane, i le lē lavā ma le faavaivai, sa alu ai o ia i le fale i lena po, ma le iloaina e tatau ona ia pueina le pese i le taeao e sosoo ai.

"Sa ou alu sa'o lava i lo'u potu ma tatalo i lo'u Tama Faalelagi e fesoasoani mai ia te a'u," o lana tala lea.

Pau lava le mea sa mafaufau i ai o ia, o le taua tele o le lipine i le pe a ma le 50,000 o tagata o le Ekalesia i Toga, faapea foi ma le faitau afe o isi o e tautatala i le gagana Toga i le lalolagi atoa.

"Sa avea ma se tasi o po sili ona umi i lo'u olaga," o lana tala lea.


Ina ua mavae se po umi lava o le tatalo ma sina moe itiiti, sa savali atu Dillon i totonu o le potu e pue ai pese ma na au lona usuina o le nota.

"Aleluia," na ia manatua o lana tala lea na fai. "Sa ou fiafia."

Aua Le Fefe

O se tasi o mau e sili ona fiafia i ai Dillon o le Iosua 1:9: "Ia e faamalosi, ma loto tele; aua e te fefe, aua e te mata'u; aua o Ieova lou Atua o loo ia te oe i mea uma e te alu i ai."

Ina ia faalogo logo i se tasi o pese a Dillon mai le lipine o le seminare o le Feagaiga Tuai, asiasi i le liahona.lds.org.



Sa tofotofo e Dillon lena folafolaga, ma na ia iloa ai e moni. "Sa ou taumafai i le mea sili na ou mafaia. Sa tuu i ai la'u tau-mafaiga sili ona lelei ma lo'u loto i pese, ina ia mafai ona lagona e tagata faalogo logo le Agaga."

Ao aluese mai Dillon mai lona fefe ma agai atu i ana taleni, sa ia iloaina sa ia mauaina le tele o fesoasoaniga—e le gata mai i lona aiga ae faapea foi mai lona Tama Faalelagi.

"Ou te iloa," o lana tala lea, "sa taliina e le Atua a'u tatalo." ■



Pese i Sigapoa

*Na iloa e le autalavou
o le Siteki a Sigapoa
ia faamanuiaga o le
ositaulaga ma le galue
malosi e ala i le sau-
niaina o se faafiafiaga
faamusika.*

Saunia e Michelle Hsieh ma Cerys Ong

na ua tatagi le uati i le 5 i le vaveao, na ala ae Yee Mun Lim e 17 tausaga ma sauni mo le aso. Sa ia tuua le fale i le 5:20 mo le seminare. I le 6:30 sa ia faavavevave atu i le aoga, lea na ia nofo ai seia oo i le 7 i le afiafi mo vasega ma gaoioiga faaopoopo. Ona faatopetope atu lea i le nofoaga autu o le siteki e ala i femalagaaiga lautele mo faataitaiga o le faafiafiaga faamusika a le siteki.

O le faatulagaga masani lava lea o le toatele o le autalavou i le Siteki a Sigapoa i Aso Faraile uma mo le lima masina. O nisi taimi e oo mai ai le le lava ma le vaivai, ae i le sauniuniga atoa lava mo le faafiafiaga faamusika, *Pe a Saunoa se Perofeta*, e leai se tomumu po o ni lagona musua, aua na lagona e le autalavou na talafeagai a latou osigataulaga na fai. “O se mea e sili ona mataina, ofoofogia, faagaeetia faaleagaga, tumu i le malie, ma le ootia na ou aafia ai,” o le tala lea a Yee Mun, mai le Uarota a Sigapoa Luu.

O Le Auala Na Amataina Ai

“O lo matou faamoemoega autu o le tuufaatasia lea o le autalavou,” o le tala lea a Kate Loreto, o le peresitene o Tamaitai Talavou a le siteki. “E i ai a matou autalavou i uarota eseese e valu ma e eseese uma lava le tele o a latou aganuu. E faigata ona fegalegalea’i le tasi ma le isi.

O lea na matou manatu ai, aisea matou te le faia ai se faafiafiaga faamusika e aumai faatasi ai i latou?"

Na filifili e taitai ni musika na musuia mai i le lisi o Ia [B's] a Peresitene Gordon B. Hinckley (1910–2008).¹ Na filifilia lenei musika "ina ia lagonaina patino e le autalavou ia upu o le pese, lagona le Agaga, ma ola ai i tulaga faatonuina," na fai mai ai Connie Woo, o le taitai o le faafiafiaga. "Sa matou mananao ia faaaofia ai le toatele o le autalavou e mafai ona i ai," o le tala lea a Sister Woo. I le tuufatasiga, e 78 le autalavou na faafiafiaga.

Atonu e le'i tutusa uma mafuaaga na o mai ma le autalavou i le amataga, ae na toeitiiti lava o i latou uma na o mai pea i faataitaiga ona sa latou fiafia i le faauoga, pesepesega, ma le mea pito sili lava, o le Agaga.



Amanda Ho



Olivia Hoe



Michael Lee



Yee Mun Lim



Canden Petersen

O Le Faaaofia Ai

Ina ua uma ona filifili le autu ma ua faatulaga ia faataitaiga, sa tofi le autalavou i vaega eseese o le faafiafiaga ma i komiti eseese e fetau ma a latou taleni.

O Ally Chan, e 18 tausaga, mai le Uarota a Sigapoa Lua na ofo mai e fesoasoani i le komiti o toniga. "Sa manaomia matou te filifilia se ofu e talafeagai, lea na sili ona taua, ma e tatau ona taugofie, foliga talavou, ma i le taimi lava e tasi ia manaia," o lana tala lea. E le gata ina aoao o ia e faia ni faaiuga e faatatau i tulaga faatonuina o le talalelei ma galulue faatasi ma i latou, ae sa fiafia foi o ia i foliga o le autalavou.

O Canden Petersen, e 15 tausaga, mai le Uarota a Sigapoa Muamua na tofi e avea ma

Na faamalolosia ia molimau ma faauoga ao faafiafiia faatasi le autalavou a le Siteki a Sigapoa.

peresitene o le aufaipese ina ia fesoasoani i le faamautinoaina o loo sologa lelei ia faataitaiga uma. O ona tiutetauave na aofia ai le tofi o tagata e tatalo, faapotopoto ma unaia mai le autalavou mo faataitaiga ma taaloga, ma le tofitofiga o nofoaga i luga o le tulaga. "Sa ou talosaga foi ina ia maua ni nai tama e fesoasoani i le faatulagaga ma le toe ave i lalo o mea e faaaoga i le faafiafiaga ma le vaaiga o le autalavou i le faataunuuina o o latou tiute," o lana tala lea. "Sa ou lagona e lelei lenei tiutetauave mo le autalavou. Talosia na fesoasoani lea ia i latou ia malamalama e valaauna e le Alii ia taitai i le taimi nei, ma e le na o tagata matutua e valaaau mai ai. E mafai ma e tatau ona latou lagolagoina o latou taitai e tusa lava po o le a le matua po o le tulaga o le atamai."

O Kandace Lim, e 18 tausaga, mai le

Uarota a Woodlands na fesoasoani i le tauaveina o le tele o tofiga, e aofia ai le avea ma se tasi o le komiti o toniga, le komiti o a'oina ia siva, le komiti pu'eata, ma e faapea foi i le usuina o se pese toatasi. Na fai mai o ia e uiga i le tele o ona tiutetauave, "O lo'u tina na uunaia a'u ou te alu e fai nei mau tofiga. Na ia aoaoina a'u, afai e i ai se avanoa e galue ai, fai loa. Afai e te taliaina le galuega ma tuu i ai lau taumafaiga sili, o le a mautinoa lava le fesoasoani o le Alii ia te oe e faataunuu soo se faigata e ono feagai ma oe."

E ese mai nei tiutetauave, na manaomia foi ni tagata faafiafiia, O John Lee, e 17 tausaga, mai le Uarota a Clementi o se tasi lea o agaga lototoa na volenitia i se vaega o le pese toatasi. Na

faigofie lava lana mafuaaga: "Ou te fiafia lava e pese! Ma ou te lagona ai le tulaga ese."

O Ezra Tadina, e 17 tausaga, o le Uarota a Woodlands, na te le'i manatu e mafai ona pese, ma o lea na ia maua ai se isi auala e sao-faga atu ai. "Sa ou filifili ia ou aofia ai," o lana tala lea, ma o'a'u o le tagata lea o loo faamatalaina le vaega e uiga i le faaaofiaina. Ou te lagonaina le savali aua ou te iloa e moni."

E Leai Ni Osigataulaga Laiti

Na faaaauau ia faataitaiga mai ia Novema 2009 seiā oo ia Mati 2010. I lena taimi, na potopoto ai le autalavou i le nofoaga autu mo faataitaiga i po o Aso Faraile uma, sei vagana ai ia aso malolo. O le aofaiga o le taimi ma tautinoga na manaomia mai le autalavou sa le o ni osigataulaga laiti, pe a mafaufau i se faatulagaga faigata o se talavou Sigapoa e masani ai.

O le alii o Olivia Hoe mai le Uarota a Bedok e tausaga muamua i le kolisi maulalo na filifili e auai aua "po o le a lava le auala e tau'ai mai ai e le lalolagi ia faafitauli ia te au, i le faiuga lava o le aso, o le talalelei e na te faamalosia ma tosoina a'u i luga mai luitau. O le iloaina o loo i ai se Tasi o loo vaia a'u ma e alofa atoatoa ia te a'u e aumai ai ia te a'u le tele o le mafanafana, ma e ou te mafaufau ua sili atu lena mo a'u e faamalosia a'u i aso uma."

O le toatele o le autalavou na i ai nisi o a latou fuafuaga, ae na latou iloa na faataatia e le Alii se ala mo i latou. E pei o le tulaga o Amanda Ho e 16 tausaga mai le Uarota a Sigapoa Lua. "Sa i ai sa'u faataitaiga siva, lea na pauu faatasi ma nisi o faataitaiga mo le faafiafiaga lenei, ae na suia faavavega e le aoga ia le faatulagaga o le taimi, lea na mafai ai ona ou auai i faataitaiga o le faafiafiaga," o lana faamalamalama mai lea.

O Le Taimi o le Faafiafiaga

Ina ua mavae le tele o masina o faataitaiga, na iu lava ina oo i le taimi o le faafiafiaga. Faafetai ai i le naunautaiga lagolagosua a le autalavou, e silia ma le 700 tagata na auai e



Kandace Lim



Ezra Tadina



Ally Chan



Cerys Ong



John Lee

matamata ia i latou i faafiafiaga e tolu. Ao faasoa mai e le autalavou a latou savali e ala i pese, siva, musika faifaili, ma a latou lava molimau, na ootia le toatele o tagata maimoa.

Na luiina foi le vaega ina ia valaaulia ni uo le lolotu e matamata i a latou faafiafiaga ma avea ai ma se avanoa faafafeatalai. O Michael Lee, e 18 tausaga, na mamafa lava ia te ia lenei lu'i. "Sa ou valaauliaina ni uo se toaono e o mai, ma e toatolu a'u uo a'oga ma se faiaoga na o mai," o lana tala lea. Na matuu faagaeetia lava lona faiaoga ia latou faafiafiaga. "Fai mai o ia o se aafiafiaga maoae. Sa oo lava ina ia talosagaina se kopi o le tamaitusi *Mo Le Malosi o le Autalavou*. Fai mai o ia sa na lagonaina le malosi e ala i le tele o loto tautino o le autalavou."

Na faataunuina lava ia le faamoemoega autu a taitai i le tuu faatasia o le autalavou. "Ao ou nofo ai iina ma tilotilo atu ia i latou taitoatas i le taimi o le faafiafiaga, sa faatumulia lo'u loto i le olioli," o le tala lea a Sister Woo. E le faapea ona o le manaia o o latou foliga, pe o le lelei na latou usuina ma taina ai pese, po o le lelei na latou tuuina mai ai ia faamatalaga. E le'i faatatau foi i le a'oga po o le atunu na latou o mai ai. Sa tasi i latou."

O Le Savali i le Musika

Na fesoasoani le faafiafiaga faamusika e maua ai e le toatele se molimau malosi. Fai mai nisi na latou hamuina ia fati ma usu ia upu o pese i soo se nofoaga latou te i ai, ma o le savali i pese na fesoasoani ia i latou e foia ai luitau o aso uma. O le toatele o i latou e foia na o le avea ma ni uo mamae ae na mafai ona tuu atu ni lagolagosua faaleagaga e siitia ai le tasi ma le isi i taimi faigata. E mafai ona latou fesoasoanai o le tasi i le isi ina ia tumau i le ala vaapiapi ma tuputupu ae faaleagaga. ■

FAAMATALAGA

1. O Ia [B's] e iva o le, ia loto faafetai, ia atamai, ia mama, ia faamaoni, ia lotomaualalo, ia agaga tatalo; tagai i le Gordon B. Hinckley, *Way to Be!* (2002); tagai foi i le "O le Fautuaga ma le Tatalo a se Perofeta mo le Autalavou," *Liahona*, Ape. 2001, 30.

AVEA MA NI Paionia O ONA PO NEI

Na aoao mai i tatou e taitai o le Ekalesia e uiga i le taua o sao o loo tatou faia i le taimi nei.

O I Tatou Uma o Paionia

Eleai ni o'u tuaa i paonia o le seneturi lona sefuluiva. Ae peitai, mai lava i le taimi muamua na ou auai ai i le Ekalesia, ou te lagona lava lou latalata atu i na paonia anamua o e na sopoia laufanua valevalenoa. O i latou o ou tuaa faleagaga, e pei foi ona avea ai i latou ma tuaa faaleagaga o tagata taitotasi uma o le Ekalesia, po o le a lava le atunu, gagana, po o le aganuu. . . .

“E pei ona talaina nei e le lalolagi atoa le savali o le talalelei toefuataiina a Iesu Keriso, o i tatou uma o paonia i o tatou lava eria ma tulaga.”

Peresitene Dieter F. Uchtdorf, Fesoasoani Lua i le Au Peresitene Sili, “Faalogo i Siufofoga o Perofeta,” *Liahona*, Iulai 2008, 3.



Ua Faamanuiaina Tagata Uma e le Uluai Augatupulaga

Ona o oe o le tagata muamua o lou aiga ua talaina le talalelei, o lea ua avea ai oe ma augatupulaga muamua, o se tupulaga filifilia e faamanuiaina ai augatupulaga ua mavae, o le taimi nei, ma le lumanai. . . .

“. . . I totonu o le Ekalesia, tatou te faitau ma talanoa soo e uiga i paonia i le uluai talafasolopito o le Ekalesia. O i latou o tagata o augatupulaga muamua e faapei foi o outou. . . .

“O lo latou talatuu, e mafai foi ona avea ma a outou talatuu, o ni uso o le augatupulaga muamua. Ia faamaoni, tautuaina ou uso a tagata, faamanuia o outou aiga, ma faia faaiuga tonu. O oe o le augatupulaga muamua, o se augatupulaga filifilia e faamanuiaina ai augatupulaga ua mavae atu, ma le lumanai.”

Elder Paul B. Pieper o le Fitugafulu, “O Le Augatupulaga Muamua,” *Liahona*, Nov. 2006, 11, 13.

E Manaomia i Tatou Uma

Emanaomia i tatou uma e faamaea le galuega na amataina e na Au Paia paonia i le silia ma le 175 tausaga ua mavae ma faaauauina mai i tausaga na sosoo ai e Au Paia faamaoni o augatupulaga uma lava. E tatau ona tatou talitonu e pei ona sa latou talitonu ai. E tatau ona tatou auauna atu e pei ona sa latou auauna ai. Ma e tatau ona tatou manumalo e pei ona sa latou manumalo ai. . . .

“. . . E le fetalai mai le Alii ina ia uta sa tatou taavaletoso; ua Ia fetalai mai ia i tatou ia malolosi o tatou faatuatua. E le fetalai mai o Ia ia tatou sopoia se konetineta; o loo Ia fetalai mai tatou te sopo atu i le isi ituala e asiiasi atu i o tatou tuaoi. E le o fetalai mai o Ia e tuu atu uma a tatou mea o le olaga nei e fausia ai se malumalu; o loo Ia fetalai mai e tuu atu a tatou mea uma ma o tatou taimi e ui lava i faatosinaga o le olaga i le taimi nei, e faaauau ai ona fausia malumalu ma ia auai atu e le aunoa i malumalu ua uma ona fausia. E le o fetalai mai o Ia ia tatou oti faamaturo; o loo fetalai mai o Ia ia tatou ola i se olaga o se soo.

“O se taimi sili lenei e ola ai, uso e ma tuafafine, o i tatou lava e faaauauina le agaifanua matagofie o le tautino faamaoni lea na avea ma uiga mataina o augatupulaga ua mavae o le Au Paia o Aso e Gata Ai.” ■

Elder M. Russell Ballard o le Korama a Aposetolo e Toasefululua, “O Le a Agai i Luma le Upu Moni a le Atua,” *Liahona*, Nov. 2008, 83, 84.

O LOO I AI SE AUALA E ALUESE MAI AI



Pe a tatou agasala, tatou te valiina i tatou lava i se tulimanu. O le salamo ua na o le pau lea o le auala e aluese mai ai.




Ua faasoa mai e Elder D. Todd Christofferson o le Korama a Aposetolo e Toasefululua nisi o manatu e uiga i lenei mataupu.

O le a se mea e mafai ona ou aoao mai i tusitusiga paia?

O le faamoemoega tutotonu o tusitusiga paia uma o le faatumuina lea o tatou agaga i le faatuatua i le Atua le Tama ma Lona Alo, o Iesu Keriso.

Mai le "O Le Faamanuiaga o Tusitusiga Paia," Liahona, Me 2010, 33–35.



O tusitusiga paia e faateleina o tatou manatu e ala i le fesoasoani ia i tatou ia manatua pea le Alii ma la tatou sootaga ma la ma le Tama. La te faamanatu mai ia i tatou mea na tatou iloa i lo tatou muai olaga.

O tala faale-tusitusiga paia i le faatuatua o isi e faamalolosia ai o tatou lava faatuatua.

O upu a perofeta, lea ua ta'u e le Alii o tusitusiga paia, o loo tafe mai ia i tatou toetoe lava i taimi uma e ala mai i le televise, leitio, Initonet, satelite, CD, DVD, ma upu tusitusia. E moni, e faatasi ai ma lenei faamanuiaga, ua ta'u mai e le Alii ia i tatou le sili atu ona manaomia o lo tatou faaaogaina pea lava pea o tusitusiga paia nai lo se isi lava taimi muamua.

Ua aoao mai i tatou e tusitusiga paia i aoaoga faavae ma mataupu taua o amoga lelei. I tusitusiga paia tatou te maua ai faataitaiga manino o faamanuiaga e maua e ala mai i le faamaloluina o mataupu faavae moni.

ATAATA

“Ou te faatuatua i le Atua” (Salamo 56:4).

Saunia e Sheila Kindred

E faavae i se tala moni

Sa ou tautauina la'u ato aoga i le kaptoti ma iloa atu lo'u ata i le faaata tele e i le faitotoa. Sa ou tu ma vaai atu i le ve'uve'ua o la'u poni, lo'u ofutino maa-numinumi, ma o'u totini tetele. Na toe oo mai ia te a'u upu a lo'u faiaoga o le Peraimeri: “O oe o se afafine faapitoa o lo tatou Tama Faalelagi. E tele ni Ana faamanuiaga o loo teuina mo oe i lou lumanai.”

Sa ou faalagolago atu i luma ma matuai tilotilo i le faaata, ma moomoo maimau pe ana ou vaai atu i le lumanai. O le a se mea ou te oo i ai pe a ou 12 pe 22? Pe ou te aulelei? Pe ou te poto? Pe ou te faaipoipo i le malumalu? Pe maua sa'u fanau aulelei? O a'u miti ia, ae peitai pe o ni faamanuiaga ea ia na teuina e le Atua mo a'u?

“O le a se mea o e tilotilo i ai?” O le leo malu lea a Tina.

Sa ou iloa atu Tina i le ataata o le faata o tu i le faitotoa i o'u tua.

“O a'u,” o la'u tala lea. “Na o a'u lava i le faaata.”

Na sau Tina ma tilotilo mai i luga ae o lo'u tauau. “Na o oe' o se tagata e matuai taua lava,” o lana tala lea.

“O le mea lena na fai mai ai lo'u faiaoga Peraimeri. Fai mai o ia e tele faamanuiaga o loo teuina e le Tama Faalelagi mo a'u. O le a se mea o loo teuina mo lo'u olaga?”

“Sau i lo'u potu. Ou te fia faaali atu se mea ia te oe,” o le tala lea a Tina.

I totonu o lona potu na tatala ai e Tina se tamai atigipusa ma sii mai ai i fafo se faaata siliva e uu i le lima.

“E ese le manaia,” na ou fai atu ai, ma lotelote le mataitusi *B* na lolomiina i tua.

“O le faaata lea a lo'u tinamatua,” o le tala lea a Tina. “Pe a ou faaialaina lenei faata, ou te taumafai lava e mafaufau po o le a se mea na vaai i ai Tinamatua Beatrice ao tilotilo atu i ai. Atonu i le taimi muamua sa ia vaai i se tamaitai talavou, e pei o oe, o moemiti i lona lumanai.


“E mafai ona ou mafaufau i le malamalama o le fiafia na ia vaai i ai i ona mata ao ia tilotilo atu i ana fili uumi i le faata ao le'i papatiso o ia. E te iloa sa le'i mafai ona papatiso o ia pe ana le atoa le 18 o ona tausaga?”

Na lulu atu lou ulu. “Leai.”

“Ina ua mavae le la faaipoipoga ma Tamamatua, sa i ai sana pepe teine sa na o le lua aso na ola ai. Ou te mafaufau i mata na ia vaai i ai i lenei faaata i lena taimi na fulafula i le tagi.

“O le tele o tausaga mulimuli ane, atonu na ia vaai ai i sona ata fiafia ao ia sauni e o i le malumalu e faamau i lona toalua ma lana fanau e toatolu.

“I le avea ai ma se tamaitai matua, atonu na ia faaaogaina lenei faaata e tuu ai se pulou i lona ulu ao le'i alu i ni ana fonotaga a le Aualofa.



"la saili o outou tupuaga. E taua ona outou iloa i le mamao e mafai ona oo i ai, i latou o ē na muamua mai ia i tatou. Tatou te iloa ai se mea e uiga ia i tatou lava pe a tatou aoao e uiga i o tatou augatamā."

Peresitene Thomas S. Monson, "Upumoni Tumau mo Taimi Fesuisuiai," *Liahona*, Me 2005, 21.

"Ma le mea mulimuli, i le avea ai ma se tina lauulu sina ua maliu lana tane, atonu na ia vaai ai i se naunautaiga lototoa i ona mata ao nofo ai na o ia mo le tele o tausaga ae na faatuatua lava seja oo i le iuga."

"Pe na faamanuia e le Tama Faalelagi ia le Tina o Tinamataua?" o lau fesili lea.

"Ioe, na Ia faamanuiaina," o le tala lea a Tina.


"Pe na fiafia le Tina o Tinamataua i lona olaga?"

"Ioe. E le o le tulaga tonu lea na ia fuafuaina. O nisi o mea sa matuai faigata lava, ae na ia tuuina atu lona faatuatua i le Atua, ma na fesoasoani na aafiaga ia te ia ina ia avea atili ai e faapei o Ia."

"Atonu e le moomia tele ona ou vaai i le lumanai," o lau tala lea, ma tuu ma le faaeteete le faaata siliva i totonu o le pusa. "O le a na o lo'u faatuatua i le Tama Faalelagi ma mulimuli ia te Ia."

"Ou te mautinoa o loo i ai se olaga matagofie o loo teuina e le Atua mo oe," o le tala lea a Tina. "Ma afai e te mulimuli ia te Ia, seja oo i le iuga, o foliga e te vaai ai i le faaata o le a atagia ai Ona foliga. Ma o se miti e taunuu lava lena mea." ■

O La Tatou Itulau



*O Jazzive V., e 7
ona tausaga, mai Karo-
laina i Sauté, ISA, e fiafia e asiasi ma
ona matua i le malumalu, ma e alofa tele ia lesu
Keriso. E i ai sana sini ina ia aoao ia Mataupu
Faavae o le Faatuatua ao le'i papatiso o ia.*

NA OU LAGONAINA LE AGAGA

Ise tasi o afiafi, e pei lava o afiafi uma, sa ou tootuli ifo ai i lalo i tala ane o lo'u moega ma tatalo ae ou te le'i moe. Peitai i lena po ina ua uma ona ou tatalo, sa ou lagona le fiafia tele nai lo se isi lava taimi muamua. Sa ou iloa lo'u lagonaina o le Agaga Paia i lena po.

Lisa E., 12 tausaga, Siamani



*O Daniela M., e 8 tausaga,
mai Costa Rica, e fiafia e fai
afiafi faaleaiga ma faasoa
ma lona aiga. E fiafia e
taaalo ma lona tuagane o
Rodolpho. O le lanu e fiafia
lava i ai o le piniki malosi.*




*O Rodolpho M., e 6
tausaga, e fiafia e faitau
tusitusiga paia e uiga i le
fanau mai o lesu Keriso.
O le lanu e fiafia lava i ai
o le lanumoana. E alofa o
ia i ona matua aua o loo
la tausia ma e alolofa ia
te ia.*




E MAFAI ONA OU MAUA LAGONA LELEI

Pe a ou faia se mea sese, ou te fai atu ua ou salamo ma taumafai e fai le mea sili. Pe a ou faia le mea sa'o, e fesoasoani le Agaga Paia ia te au ina ia lelei ou lagona. Ou te manao ina ia i ai pea lena lagona lelei i totonu ia te au. I le Tusi a Mamona, pe a fai e Alema le Itiiti se mea sese, na te salamo ma faia le mea sa'o. Sa avea o ia ma se faataitaiga lelei.


Jared Y., e 5 tausaga, "Meleisia i Sisifo



Valery R., e 11 tausaga, Suetena



Juan G., e 6 tausaga, Ekuatoa



Fynn S., e 10 tausaga, Siamani

Afai e te fia auina mai se aitema mo La Tatou Itulau, imeli mai i le liahona@ldschurch.org, ma tuu le "Our Page" i le laina autu. O tusiga taitasi e auina mai e tatau ona i ai le igoa atoa o le tamaitiiti, itupa, ma lona matua (e tatau ona 3 i le 12 tausaga le matua), faatasi ai ma igoa o matua, uarota po o le paranesi, ma le siteki po o le itu, ma le faatagaga tusia a matua (e taliaina i-meli) e faaaogaina ai le ata o le tamaitiiti ma le tusiga na auina mai. E ono faasa'oina tusiga e auina mai mo le manino po o le uumi.

E mafai ona e faaaogaina le lesona ma le gaoioiga lenei e aoao atili ai e uiga i le autu o le Peraimeri i le masina lenei.

O Lo'u Tino o Se Malumalu o le Atua



"Tou te le iloa ea o le malumalu outou o le Atua, o loo nofo foi le Agaga o le Atua i totonu ia te outou? . . . E paia le malumalu o le Atua, o outou lava ia" (1 Korinito 3:16–17).

Saunia e Vicki F. Matsumori

Moeini ou mata ma mafaufau i se malumalu. O le a lona lanu? E i ai ni ona faamalama? E i ai ni ona tumutumu? E fia?

E eseese uma lava ia malumalu o Le Ekalesia a Iesu Keriso o le Au Paia o Aso e Gata Ai. O le Malumalu o Sate Leki i Iuta e lanu efuefu ona puipui ma e 6 ona tumutumu. E ese mai le Malumalu o Cardston Alberta i Kanata, lea e fai i maa ona puipui ae leai ni tumutumu. E ui lava e foliga eseese ia malumalu taitasi, ae matagofie uma lava ma ua fausia mo le faamoemoega lava e tasi. O

ni nofoaga e faataunu ai sauniga faapitoa e manaomia mo i tatou ina ia toe foi atu ai i le Tama Faalelagi.

E pei foi oe o se malumalu. E ese oe mai isi tagata uma, ae o oe foi o se fale mo le Agaga o le Atua—le Agaga Paia. Na fai mai le Apostolo o Paulo: “Tou te le iloa ea o le malumalu outou o le Atua, o loo nofo foi le Agaga o le Atua i totonu ia te outou? . . . E paia le malumalu o le Atua, o outou lava ia” (1 Korinito 3:17). O lou tino o se malumalu mo lou agaga.

E pei lava foi ona e faaaloalo i malumalu, e tatau ona e faaaloalo i lou tino. E mafai ona e faia lenei

mea e ala i le usiusitai i le Upu o le Poto (tagai i le MFF 89), e ala i le faia o lavalava talafeagai, ma le tausiaina ia mama o lou tino. E tatau foi ona e tausia ia mama lou loto ma lou mafaufau i le faitauina, faalogologo, ma matamata i na o “mea e fiafia i ai le Tama Faalelagi” (tagai i le O O'u Tulaga Faatonuina o le Talalelei).

Pe a mama lou mafaufau ma lou tino, o le a mafai ona e maua ni faamanuiaga sili. ■

Gaoioiga

Saili lou auala i le paso. Pe a e oo i se faailo, filifili le auala Ioe po o le Leai e fuafua lava po o fea o ia auala o le a fesoasoani ia te oe e tausia ai lou tino e pei o se malumalu o le Atua. O le filifilia o auala sa'o o le a oo atu ai i le malumalu.

Tusi ni ata o nisi mea se fa e lelei mo oe. Oti ma tuu au ata i luga o ata o filifiliga lelei o loo i le paso.





Ua Faamanuia e Iesu ia Tamaiti



Saunia e Diane L. Mangum



IAIRO

Olairo o se tagata taua i Kapanaumi. O ia o le pule i le sunako i le mea e o uma i ai ia tagata lutaia i le eria e tapuai ai.

Na saofafai ma le popole ia Iairo ma lona toalua i autafa o le moega o le la tama teine. Na faateleina le ma'i o le la tama teine ao te'a atu itula taitasi, ma sa la popole o le a oti o ia. Sa la iloa e na o le tasi lava le mea e mafai ona la faia e fesoasoani ai ia te ia.

Sa tamoe faavave atu Iairo i magaala o Kapanaumi e taumafai e saili ia Iesu o Nasaret. Na iloa e Iairo o Iesu na faamaloloina ia tagata. Atonu o le a sau Iesu e faamalolo i lona afafine.

Sa potopoto le motu o tagata i le mea na alu ese atu ai Iesu mai le vaa, e latalata i le vai. Na faaoefiofi atu Iairo i le tumutumu o tagata seja oo ina latalata atu i le Alii. Na faapau Iairo i ona tulivae ma ta'u atu ia Iesu ua ma'i lona afafine ma ua lata ina oti.

“Ou te aioi atu, maliu mai ma faaee ou aao i luga ia te ia e malolo ai; ona ola ai lea o ia,” na aioi atu ai Iairo.

Na ioe Iesu, ma na mulimuli atu ia i laua le motu o tagata e toatele.

Sa tamoe faavave mai se avefeau e faafeiloi i latou ma ta'u atu ia Iairo ua oti lona afafine. Ua tuai ona oo mai Iesu e

fesoasoani atu. Na fetalai atu Iesu ia Iairo, “Aua e te fefe, ae ia talitonu.”

Ina ua latou taunu i le fale o Iairo, sa faalogoina le tagiaue ma le vāvāo. Sa toatele tagata na i ai i le fale, o fetagisi ma le faanoanoa.

Na savali atu Iesu i totonu o le fale ma fai atu ia i latou e aua le fetagisi, aua e le o oti le teine ae o loo moe. Sa talie nisi o tagata ia Iesu. Sa latou iloa ua oti le teine.

Ona auina ese atu lea e Iesu o tagata pisapisao. Na ia aveina ia Iairo ma le toalua o Iairo, faatasi ai ma Ana Apostolo o



FAAAUVAU

Pe a maliu se tasi i le vaitaimi o lesu, e totogi e aiga ni tagata e ta'ua o ni tagata faavauvau e o mai i o latou fale ma fetagisi leotetele ma tata ni musika faanoanoa i pu ofe. O totonu o le 24 itula talu ona maliu se tagata e tanuina ai.

Peteru, Iakopo, ma Ioane, i totonu o le potu o loo taoto ai le teineitiiti i le moega.

Na tago atu Iesu i le lima o le teine ma fetalai atu, “**Funa e**, ou te fai atu ia te oe, ia e tulai.”

Na tulai le teine. Na ofo ma fiafia ona matua. Ua ola le la tama.

E i ai nisi taimi na faamalolo ai ma faamanuia ai e Iesu ia tamaiti. O se tasi aso i Perea, na potopoto ai le motu o tagata i au-tafa o le Faaola, ma faalogologo ao la aoao atu. Na aumai e nisi tagata a latou fanau e vaai ia Iesu ma ia faamaloloina e Ia.

Na vaai ia soo o Iesu i tamaiti ma taumafai e tutuli i latou. Na pisi Iesu i le motu o tagata, ma e na foliga mai e le'i taua ia tamaiti. Ae na fetalai atu Iesu i le au soo, “Ina tuu mai ia o tama iti e o mai ia te au; aua le vavao ia te i latou; aua e faapei o i latou nei o e o i le malo o le Atua.”

Ona siitia lea e Iesu o tamaiti taitasi i Ona aao. Na ia faaee Ona aao i luga ia te i latou ma faamanuia ia te i latou. Ona fetalai atu lea o Iesu i tagata matutua e manaomia ona latou lotomaualalo faapei o tamaiti laiti. ■

Mai le Mareko 5:21–24, 35–43; 10:13–16.

Funa e o lona uiga o se teineitiiti po o se tamaitai talavou.



Sailia o Tagata e Aoao

Ao tatalo ma suesue i tusitusiga paia ia faifeautalai, ma faasoaa atu a latou molimau, latou te faaalia lo latou usiusitai ma faaagavaaina i latou lava ina ia maua le fesoasoani a le Alii. Faaaoga ia faatonuga o loo i le ki e fesoasoani ai i nei faifeautalai e saili se aiga o e mananao e aoao e uiga i le talalelei. Mo se faataitaiga, pe a e vaai o tatalo ia faifeautalai, alu i le ata o loo i le taumatau. ■

Amata



Alu i le taumatau



Alu i le tauagavale



Alu i jalo

Faaiu





**“Ia avea i tatou . . .
o ni tuaoi lelei i o
tatou nuu, aapa atu
ia i latou o isi faa-
tuatuaga faapea
foi i latou o lo tatou
faatuatuaga.”**

Peresitene Thomas S. Monson
Mai le konafesi aaoa ia Aperila 2011



E Na o le Tasi le Tupe Siliva

Saunia e Chad E. Phares

E faavae i se tala moni

"E ui ina iti la'u foai, e faaalia ai lo'u faatuatua i le Alii" ("Ou Te Manao e Ave i le Alii La'u Tasi Vaesefulu," Liahona, Oke. 2006, U13).

1. Na sioa Tanielu i le tupe siliva sa i luga o lana pusatu. Na ia tilotilo i ai mo ni nai minute. E le'i foliga e telē.

Tanielu, ua e sauni mo le lotu?

loe, Tama. O le a ou alu atu.

2. Na tuu e Tanielu le tupe siliva i lana taga ma tamoe atu ia o faatasi ma lona aiga.



3. Ina ua taunu Tanielu ma lona aiga i le lotu, na ia aumaia se pepa o le sefuluai ma se teutusi mai fafo o le ofisa o le epikopo.

Tama, e mafai ona e fesoasoani mai i le faatumuga?

Ua lelei.

4. E fia se sefuluai o le a e totogiina i le asō?

E le telē tele. Na o lea.

Tanielu, o le 10 pasene lea o le tupe na e mauaina?

loe.

la o lena ua atoa.

5. Na faamau e Tanielu le teutusi ma avatu le sefuluai i le epikopo. Na faatalofa atu le epikopo ia te ia.



Na le iloa e Tanielu pe mata e faatalofa atu le epikopo ia te ia pe ana ia iloaina e na o le tasi le tupe siliva o i totonu o le teutusi.

6. Ou te mitamita ia te oe, Tanielu. O se filifiliga lelei le totogiina o le sefuluai.




Ua ou iloa, Tama, ae e na o le tasi le tupe siliva.

7.

E te le iloa lava po o le a se mea e mafai ona totogiina i lena tupe siliva e tasi. Atonu o le a totogi ai le lolomiina o se itulau se tasi o le Tusi a Mamona, pe atonu foi o le a fesoasoani e totogi ai se tasi o maa o loo faaaoga i le fausiaina o se malumalu.

8. E le'i mafaufau lava faapena Tanielu i le sefuluai. Na amata ona ia mafaufau i auala uma e mafai ona fesoasoani ai lana sefuluai i isi.

Atonu e sa'o oe, Tama. Ua ou fiafia ua mafai ona ou totogiina le sefuluai—e tusa lava pe na o le tasi le tupe siliva.



Auala e Faaaoga ai Sefuluai

O loo faaaoga le sefuluai e fesoasoani ai i galuega faafaifeatalai, fausia o malumalu ma falelotu, lolomiina o tusitusiga paia, ma fai ai le tele o isi mea. Tagai i ata o nisi o mea e totogiina e le sefuluai. Lio le ata i koluma taitasi e ese mai isi ata.

Galuega Faafaifeatalai









Malumalu




Falelotu



Tusitusiga Paia



AGAVALE: ATA NA TUSIA E OF FLORES



O LE OLA AI I LE UPU O LE POTO E FAAALIA AI LE FAAALOALO MO LO'U TINO

“Tou te le iloa ea o le malumalu outou o le Atua, o loo nofo foi le Agaga o le Atua i totonu ia te outou? . . . E paia le malumalu o le Atua, o outou lava ia”

(1 Korinito 3: 16–17).

Tala Fou o le Ekalesia

Liahona ma le Ensign

Taulai atu i le Tusi a Mamona i le Lomiga o Oketopa

Efaasalalau e mekasini a le Ekalesia mai lea taimi i lea taimi se lomiga e taulai atu i se mataupu taua se tasi. O le lomiga o Oketopa o le *Liahona* ma le *Ensign* o lenei tausaga o le a tuuto atu lea i le Tusi a Mamona.

O le lomiga o le a taulai atu i fesili taua e tolu: O le a le Tusi a Mamona? Aisea ua tatou maua ai le Tusi a Mamona? O le a le uiga o le Tusi a Mamona ia te a'u?

O le a aofia i le lomiga le talafaasolopito o le Tusi a Mamona, o aafiaga patino o tagata o le ekalesia i le tusi, fautuaga mo le suesueina o mau, ma faamatalaga i le auala e faatatau ai i aso nei. O molimau ma malamalamaga i le Tusi a Mamona mai perofeta ma aposetolo soifua e 15, faapea ai ma Peresitene uma o le Ekalesia ua mavae atu, o le a faaaofia ai i le lomiga atoa.

"O loo i ai se malosiaga i molimau o i latou o loo taitaia le Ekalesia," sa fai mai ai Jennifer Greenwood, le pule faatonutonu lagolago o le *Liahona*. "O a latou molimau e faavae i le Tusi a Mamona, le maaauau o la tatou tapuaiga. Ua ia te i matou se manao tele i tagata o le ekalesia ina ia lagonaina na molimau."

Ua uunaia tagata o le ekalesia ina ia faaaogaina le lomiga i ni auala se lua, fai mai ai Elder Paul B. Pieper o le Fitugafulu, le Faatonu Sili o le Matagaluega o Mataupu Aoaoina.

"Muamua, e tatau i tagata o le ekalesia ma

faifeautalai ona iloiloina le lomiga mo a latou aoaoga patino ma ia faamalolosia ai a latou molimau i le Tusi a Mamona," na ia fai mai ai. "Lua, e tatau ona latou faasoa atu le mekasini i isi, e aofia ai tagata o le Ekalesia ua le toaaga mai, ma tagata e le auai i le Ekalesia."

"O lo matou manao ia avea lenei lomiga ma ala e musuia ai tagata ia tatala moni le Tusi a Mamona lava ia ma toe tuuto atu i latou lava i ai," sa fai mai ai Sister Greenwood. "E matagofie le talanoa e uiga i le Tusi a Mamona, le faitau


e uiga i le Tusi a Mamona, ma aaoai mea e uiga i le Tusi a Mamona, ae o le Tusi a Mamona lava ia e liuaina le tagata, ma na te avatu faalatalata ai le tagata i le Atua."

Ua lavātia e le Tusi a Mamona ia faaososoga o aso, tofotofoga, ma molimau ma ua taoto ai i le fatu o le talalelei a Iesu Keriso.

"O lenei lomiga ua saunia ma le faamoemoe o le a aumaia musumusuga i aiga ma tagata taitoatasi a o latou saili atu ia malamalama, faatino, ma faasoatua i isi ia aoaoga o le Tusi a Mamona," sa saunoa ai Elder Pieper.

O le a maua le lomiga o Oketopa i gagana e 42. Ua uunaia tagata uma o le ekalesia ina ia faamasani i ona anotusi. O isi gagana faaopoopo e 39 o le a mauaina le Savali a le Au Peresitene Sili ma Savali a Faiaoga Asiasi mai le lomiga. O le lomiga atoa o le a maua foi i le initonetia i le tele o gagana i itulau o uepi o le *Liahona* ma le *Ensign*.

O tagata o le ekalesia e mananao e lesitala, lesitala e fai meaalofa atu ai, po o le maua o ni kopi faaopoopo o le lomiga o le Tusi a Mamona e mafai ona asiasi i o latou Faletusi pe asiasi i le store.lds.org. ■



**O le lomiga ia
Oketopa o le
Liahona ma le
Ensign o le a
taulai atu i le
Tusi a Mamona.**

Ua Valaauna Peresitene Fou o Misiona e Auauna Atu

Ua faasilasila mai e le Ekalesia ia suafa e 127 o peresitene fou o misiona i le amataga o lenei tausaga. O le toatele e amatalia o latou valaauga e tolu tausaga ia Iulai o le tausaga nei.

Misiona	Peresitene Fou
Aai Matu Kuatemala Kuatemala	Edward D. Watts
Aai Matu Mekisiko Mekisiko	J. Dana Call
Aai Saute Kuatemala Kuatemala	Larry Stay
Aai Sautesasae Mekisiko Mekisiko	Raymundo Morales Barrera
Aai Tutotonu Kuatemala Kuatemala	M. Joseph Brough
Aferika i Saute Cape Town	Mark I. Wood
Aferika i Saute Johannesburg	S. Craig Omer
Alaska Anchorage	N. Warren Clark
Albania Tirana	Andrew M. Ford
Alpine Gagana Siamani	Richard L. Miles
Arizona Phoenix	R. Scott Taylor
Arizona Tucson	Roger E. Killpack
Arkansas Little Rock	Daniel Bay Gibbons
Atenitina Buenos Aires Sisifo	Douglas B. Carter
Atenitina Mendoza	Sergio E. Avila
Atenitina Resistencia	Raymond S. Heyman
Atenitina Rosario	Hugo L. Giuliani
Atenitina Salta	Juan J. Levriño
Aukilani Niu Sila	Paul N. Lekias
Baltic	Jeffrey G. Boswell
Benin Cotonou	Robert F. Weed
Cape Verde Praia	Roberto F. Oliveira
Carolina i Saute	Columbia Monte Holm
Chile Concepción Saute	Osvaldo Martínez Carreño
Chile Osorno	John E. Rappleye
Chile Santiago Matu	Fred D. Essig
Colombia Cali	Jonathan M. Prince
Colorado Colorado Springs	J. Patrick Anderson
Colorado Denver Matu	Jerry M. Toombs
Côte d'Ivoire Abidjan	Z. Dominique Dekaye
Dominican Republic Santo Domingo Sasae	Heriberto Hernandez
Dominican Republic Santo Domingo Sisifo	Raul Rodriguez Morel
Ecuador Guayaquil Matu	Lizardo H. Amaya

Ecuador Quito	Bruce E. Ghent	Minnesota Minneapolis	Jordan W. Clements
Egelani Manchester	Robert I. Preston	Misuri Independence	Donald J. Keyes
El Salvador San Salvador	David L. Glazier	Mongolia Ulaanbaatar	Jay D. Clark*
El Salvador Santa Ana/Belize	I. Poloski Cordon	Nevada Las Vegas	Michael A. Neider
Farani Pale	Franck Poznanski	New Jersey Morristown	Jon M. Jeppson
Filipaina Aai o Quezon Matu	Dennis R. Sperry	Nigeria Lagos	Edward K. B. Karkari
Filipaina Angeles	David C. Martino	Nigeria Port Harcourt	Philip K. Xaxagbe
Filipaina Cebu	Evan A. Schmutz	Ohaio Columbus	Robert T. Nilsen
Filipaina Davao	Ferdinand Pangan	Oregon Eugene	Mark A. Young
Filipaina Manila	Lyle J. Stucki	Oregon Portland	C. Jeffery Morby
Filipaina Olongapo	Roberto B. Querido	Pasila Brasilia	Helcio L. Gaertner
Filipaina San Pablo	George E. Peterson	Pasila Florianopolis	J. Joel Fernandes
Filipaina Tacloban	Jose V. Andaya	Pasila Fortaleza	Francisco A. Souza
Finelani Helsinki	Douglas M. Rawlings	Pasila Maceió	Mauricio G. Gonzaga
Fiti Suva	Kenneth D. Klingler	Pasila Manaus	H. Moroni Klein
Florida Fort Lauderdale	Donald E. Anderson	Pasila Recife	Rubens C. Lanius
Georgia Atlanta Matu	Mark A. Wolfert	Pasila Rio de Janeiro	Geraldo Lima
Ghana Accra	Daniel K Judd	Pasila Salvador	James W. Hart
Ghana Cape Coast	Jeffrey L. Shulz	Pasila São Paulo Interlagos	R. Pacheco Pinho
Honduras Tegucigalpa	Carlos A. Hernandez	Pasila São Paulo Matu	Marcus H. Martins
Iapani Kobe	Richard G. Zinke	Pasila São Paulo Saute	John S. Tanner
Iapani Sapporo	Eric C. Evans	Pasila Vitória	J. Araújo Bezerra
Iapani Sendai	Gary D. Rasmussen	Penisilevania Pittsburgh	Clinton D Topham
Iukaraine Donetsk	Vladimir Campero	Peru Chiclayo	Eduardo C. Risso
Iukaraine Kyiv	Jörg Klebingat	Peru Lima Sasae	Nelson Ardila Vásquez
Kalefonia Anaheim	Bradford C Bowen	Polivia Cochabamba	Dan L. Dyer
Kalefonia Arcadia	Jorge T. Becerra	Romania Bucharest	Ned C. Hill
Kalefonia Fresno	Larry Gelwix	Rusia Novosibirsk	Steven M. Petersen
Kalefonia Riverside	Paul F. Smart	Rusia St. Petersburg	Jon Beesley
Kalefonia Roseville	John G. Weston	Rusia Yekaterinburg	E. Kent Rust
Kalefonia Sacramento	H. Benson Lewis	Samoa Apia	Johnny L. Leota
Kalefonia San Diego	Paul N. Clayton	Siamani Frankfurt	Lehi K. Schwartz
Kalefonia San Jose	W. Lincoln Watkins	Slovenia/Kalaotia	Edward B. Rowe
Kalefonia Ventura	Fernando R. Castro	Suetena Stockholm	Gregory J. Newell
Kanata Vancouver	Karl M. Tilleman	Tahiti Papeete	Benjamin T. Sinjoux
Kentucky Louisville	W. Richards Woodbury	Temokarasi Ripapelika o Congo Kinshasa	Brent L Jameson
Korea Busan	Lynn A. Gilbert	Tennessee Knoxville	Richard A. Irion
Kuatemala Quetzaltenango	Lewis Bautista	Tennessee Nashville	William L. McKee
Louisiana Baton Rouge	Jim M. Wall	Texas Dallas	Devin G. Durrant
Mekisiko Oaxaca	Enrique Leyva Jimenez	Texas Houston	John C. Pingree
Mekisiko Puebla	Robert C. Reeves	Texas Houston i Sasae	Thomas J. Crawford
Mekisiko Tijuana	Armando Carreón Rivera	Texas Lubbock	Arnold R. Augustin
Mekisiko Torreón	David Flores Villaseñor	Ueligitone Niu Sila	Michael L. Kezerian
Mekisiko Tuxtla Gutiérrez	Juan G. Cardenas Tamayo	Uosigitone Tacoma	Douglas W. Weaver
Mekisiko Veracruz	Carlos W. Treviño	Venezuela Caracas	Vianey R. Villamizar
Michigan Lansing	Stephen H. Hess	Virginia Charleston i Sisifo	Bruce G. Pitt
Micronesia Guam	Stephen F. Mecham	Zambia Lusaka	Mikele R. Padovich ■

* Amata ona galulue ia Tesema 2010


Tofiga

Faaleautaitai

Fou o Eria

Ua faasilasila mai e le Au Peresitene Sili ia suiga i tofiga i le taitaiga i eria e afua mai i le aso 1 o Aokuso, 2011. O se vaega o le suiga, ua valaaulia ai Elder Tad R. Callister i le Au Peresitene o Fitugafulu. O uso uma o Au Peresitene o Eria o uso o le Korama Muamua po o le Lona Lua a Fitugafulu. ■

Au Peresitene o Fitugafulu



11. Mekisiko



Benjamín De Hoyos
Fesoasoani Muamua
Daniel L. Johnson
Peresitene
Octaviano Tenorio
Fesoasoani Lua

12. Amerika Tutotonu



James B. Martino
Fesoasoani Muamua
Enrique R. Falabella
Peresitene
Carlos H. Amado
Fesoasoani Lua

13. Karipeane



Wilford W. Andersen
Fesoasoani Muamua
Francisco J. Viñas
Peresitene
J. Devn Cornish
Fesoasoani Lua

14. Amerika i Saute Matusisifo



Juan A. Uceda
Fesoasoani Muamua
Rafael E. Pino
Peresitene
W. Christopher Waddell
Fesoasoani Lua

15. Pasila



Carlos A. Godoy
Fesoasoani Muamua
Claudio R. M. Costa
Peresitene
Jairo Mazzagardi
Fesoasoani Lua

16. Chile



Jorge F. Zeballos
Fesoasoani Muamua
Lawrence E. Corbridge
Peresitene
Kent F. Richards
Fesoasoani Lua

17. Amerika i Saute Saute



Marcos A. Aidukaitis
Fesoasoani Muamua
Mervyn B. Arnold
Peresitene
Bradley D. Foster
Fesoasoani Lua

18. Sasae Tutotonu/Aferika i Matu



Bruce D. Porter
E Taiaia mai le Laumua
Paul B. Pieper



19. Europa

Gérald
Caussé
Fesoasoani
Muamua

Erich W.
Kopischke
Peresitene

José A.
Teixeira
Fesoasoani
Lua

20. Europa i Sasae

Larry R.
Lawrence
Fesoasoani
Muamua

Gregory A.
Schwitzer
Peresitene

Randall K.
Bennett
Fesoasoani
Lua

21. Asia

Kent D.
Watson
Fesoasoani
Muamua

Anthony D.
Perkins
Peresitene


Gerrit W.
Gong
Fesoasoani
Lua

22. Asia i Matu

Michael T.
Ringwood
Fesoasoani
Muamua

Gary E.
Stevenson
Peresitene

Koichi
Aoyagi
Fesoasoani
Lua

**23. Aferika i Sisifo**

Joseph W.
Sitati
Fesoasoani
Muamua

John B.
Dickson
Peresitene

LeGrand R.
Curtis Jr.
Fesoasoani
Lua

24. Aferika i Sautesasae

Ulisses
Soares
Fesoasoani
Muamua

Dale G.
Renlund
Peresitene

Carl B.
Cook
Fesoasoani
Lua

25. Filipaina

Brent H.
Nielson
Fesoasoani
Muamua

Michael
John U. Teh
Peresitene

Ian S.
Ardern
Fesoasoani
Lua

26. Pasefika

Kevin W.
Pearson
Fesoasoani
Muamua

James J.
Hamula
Peresitene

F. Michael
Watson
Fesoasoani
Lua

Ua Toefaatulagaina e le Ekalesia ia **tuaoi o Misiona**

Ina ia ogatasi punaoa ma suiga manaomia, ua faatu ai e le Ekalesia ni misiona fou se lima ma ua tuufaatasia isi ma misiona o loo tuaoi i le 2011. O le aofaiga o misiona i le lalolagi atoa e 340.

Ua faatulagaina e le Ekalesia misiona nei:

O le Misiona a Benin Cotonou—ua aofia ai Benin ma Togo—sa faatulagaina mai se vaega o le misiona sa avea muamua ma Misiona o Ivory Coast Abidjan.

O le Misiona o le Aai o Mekisiko Mekisiko Sautesasae e sau mai le toefaatulagaina o Misiona o le Aai o Mekisiko Mekisiko Sasae, Aai o Mekisiko Mekisiko Matusisifo, ma le Misiona a le Aai o Mekisiko Mekisiko Saute.

O le Misiona a Peru Chiclayo na sau mai Misiona a Peru Piura ma Peru Trujillo.

O se vaega o le Misiona a Filipaina Manila ma Filipaina Aai o Quezon na faatulaga mai ai le Misiona a Filipaina Aai o Quezon Matu.

O le Misiona a Zambia Lusaka na vavaeina mai le Misiona a Zimbabwe Harare ma o le a aofia ai le atunu o Malawi.

O misiona nei na tuufaatasia:

O le Misiona a Kanata Toronto Sasae ma Kanata Toronto Sisifo na tuufaatasia ma avea ai ma Misiona a Kanata Toronto.

Sa tuufaatasia le Misiona a Connecticut Hartford ma le Misiona a Massachusetts Boston.

Sa toefaatulagaina ia Misiona a Florida Jacksonville, Florida Tallahassee, Georgia Atlanta, ma Carolina Columbia Saute lea na tofu ai ma se vaega o le misiona sa avea muamua ma Misiona a Georgia Macon.

O le Misiona a Potukale Porto ua avea nei ma vaega o le Misiona a Potukale Lisbon.

Sa toefaatulagaina ia Misiona a Farani Pale ma Farani Toulouse ina ia aofia ai eria o le Misiona a Suitiselani Nineva. (E le gata i lea, o le laumua o le Misiona a Farani Toulouse na siitia atu i Lyon, ma suia ai le igoa o le misiona ia Farani Lyon.)

Sa toefaatulagaina foi ia Misiona a El Salvador San Salvador Sasae ma El Salvador San Salvador Sisifo/Belize. O le misiona i Sasae ua igoa nei i le Misiona a El Salvador San Salvador ma Sisifo ua avea nei ma Misiona a El Salvador Santa Ana/Belize. ■

O Loo Faaauau pea ona Tuuina atu e le Ekalesia le Faaolatotoga i Iapani.

Ina ua mae'a le mafuie faataumaoi e 9.0 le malosi lea na taia ai Iapani i le aso 11 o Mati, 2011, o loo faaauau pea ona tuuina atu e le Ekalesia sapalai ma le faaolatotoga i le atunu atoa.

E silia ma le 150 tone o sapalai mai taumafaiga faaolatotoga a le Ekalesia ua tufatufaina atu: meaai, vai, palanikeke, moega, pusa o vailaau faafomai, lavalava, ma suaui. E silia ma le 7,000 tagata o le Ekalesia ua foai atu le silia ma le 60,000 itula faigaluega i taumafaiga faaolatotoga.

Iva Miliona Faamaumauga mai Hanikeri ua faaopoopo atu i le FamilySearch

Mai le 11.5 miliona o faamaumauga faavaomalo ua faaopoopoina i le FamilySearch ia Mati, e 9 miliona o na faamaumauga e mai Hanikeri.

O le iva miliona lea ua uma ona faamaumauna faasinoupu, o vaega muamua ia o faamaumauga a Hanikeri o le a lomiaina i le tausaga a sau. E le gata i nei faamaumauga, o galuega mai Hanikeri ua maua nei i le FamilySearch mo e galulue fua e faia faasinoupu. ■

Ina ia silasila i faafanua o misiona fou, asiasi i le lds.org/church/news/2011-mission-boundary-changes.

O lenei lomiga e aofia ai tusiga ma gaoioiga e mafai ona faaaoga mo afiafi faaleaiga.
O nai faataitaiga nei.

Ua i ai i le Liahona ia Tali

Ua avea le Liahona ma se faamatalaga tele ia te a'u, i lo'u aiga, ma i latou uma sa ou mauaina le avanoa e talanoa i ai e uiga i le Eklesia. Soo se taimi lava ou te manaomia ai se faatuaga, ou te liliu atu i le Liahona, ma ou te maua ai lava tali ou te manaomia. O le Liahona i luga o le initoneti e matagofie foi—ua fesoasoani ia te au e saunia ai lauga ma lesona e ala i le faasaoina o o'u taimi e sailili ai.

Maurilio Braz Santana, Pasila

O Se Taiala mo i Latou o Saili Atu

O masina taitasi uma ou te faitau ai i le Liahona, na te aumaia lava ia te au se mea e sili atu nai lo se mea na ou maua muamua. Ua faamanatua mai ai ia te au le alofa o le Faaola mo au ma fesoasoani mai ia ou lelei atili. Ou te iloa o lenei mekasini o se taiala lea mo i latou o loo saili moni atu mo le taitaiga.

Ange-Lorraine Kouadio, Côte d'Ivoire

Lagonaina o le Agaga o Leo o le AAG

E faateleina lava le lelei o le Liahona i masina taitasi. Ou te fiafia pe a ou mauaina, aua ou te iloa ma le mautinoa o le a ou maua ai i totonusi ni savali musuia. E patino lava lo'u fiafia i Leo o le Au Paia o Aso e Gata Ai. Ou te lagonaina le Agaga pe a ou faitau e uiga ia i latou na faatoilaloina faigata ma faaososoga e ala i faataitaiga ma aoaoga a le Faaola.

Sheila Uamba, Mozambique

Faamolemole auina mai sou finagalo faaalia po o fiafuauga i le liahona@ldschurch.org. E ono faapupuuina tala mo le uumi po le manino. ■

"Toatasī le Paionia Malosi, Toatele Augatupulaga ua Faamanuiaina," itulau 16: A e faasoaina atu lenei tusiga i lou aiga, mafau-fau e talanoaina le auala na faatosinaina ai e faataitaiga a Sara lona tama. Talanoaina pe mafai faapefea e au faataitaiga ona faatosinaina i latou o loo siomia oe mo le lelei po o le leaga. Faatu se sini ina ia avea ma se "paionia lototoa" i aso uma.

"Pe Na Fesili Moni Mai o la ia te A'u i Lena Mea?", itulau 42: A o iloiloina le tusiga, faailoa ma faatusatusa ia popolega na lagona e tagata o le Eklesia e tusa ma o latou vala-auga. Faitau le upusii a Peresitene Monson ona talanoaina lea o ni auala e valaaulia ai le fesoasoani a le Tama Faalelagi i le faataunuina o ou tiutetauave. Mafau-fau e iloilo ia punaoa ua lisi atu i le "Mauaina o le Fesoasoani mai Isi Punaoa."

"O Le Eklesia Moni ma le Ola e Tasi," itulau 48: Mafau-fau e lisi i lalo ia vaega e toluna ta'ua e Elder Oaks ua avea ai le Eklesia

a lesu Keriso o le Au Paia o Aso e Gata Ai ma Eklesia moni e tasi ma le ola i le lalolagi. Talanoaina vaega taitasi ma pe

faapefea ona faamanuiaina ai lou aiga. E mafai ona e mafau-fau e faia ni matafaioi i le auala e mafai ai e lou aiga ona molimau atu i nei vaega ia i latou o isi faatuatuaga.

"Ataāta," itulau 60: Pe a maea ona faitauina faatasi le tusiga, tuu atu i tagata taitasi o le aiga e tilotilo i se faaata ma ta'u mai pe o le a se mea o ia vaai. Fesoasoani i tagata taitoatasia iloaina o loo ia vaavaai atu i se atalii po o se afafine o le Tama Faalelagi. Atonu e te manao e talanoaina ma tuu atu lau molimau i le tele o Lona alofa ia i tatou taitoatasia ma le taua o le faalagolago atu ia te la. E mafai ona e mafau-fau e faitau faatasi le Salamo 56:4 ma le 1 Korinito 2:9.



O Se Lesona o le Molimau

Ina ua ma faatoa faaipoipo ma lo'u toalua, sa ou popole faapea o se afiafi faaleaiga mo na o le toalua o i maua o le a faigata pe o le a avea o se mea e tau ina faataunuu. Sa ou manatu o le a uma ni mea e aoao atu e le tasi i le isi. Ae na faateia au e lo'u toalua i le ma po o le Aso Gafua muamua ina ua ia fai mai, "Ou te fia molimau atu." Na ia faaaauai i le faasoaina mai o lana molimau i le Faaola ma le faaipoipoga. Ina ua maea lana molimau, sa ou faasoaa atu foi lau ia molimau. O se afiafi o le a ou faapelepele peia i ai. E ui lava na te lei iloaina lo'u popolega sa i ai e uiga i afiafi faaleaiga, ae sa ia taliina, ma ou iloa ai o afiafi faaleaiga taitasi uma o se aafiaga faaleagaga e tulimatai atu i ai.

Talu mai lena taimi ua avea pea le fefaasoai o molimau o se tu masani i a matou afiafi faaleaiga. E ui lava ua i ai se ma pepe ma, ma te fetuunaia lesona mo ia, ae ma te le mafai lava ona misi le tuuina atu o ma molimau. Ou te fiafia mo le aso o le a mafai ai ona ou faalogo atu i molimau a la'u fanau ma le taimi o le a mafai ai ona ou aoaoina i latou i le mafuaaga e taua ai molimau. ■

Heidi Icleanu, Kentucky, ISA

O LE FAATAOTO ILE LAAU O LE FA'I

Saunia e Anton T. Kumarasamy

E pei ona faamatalaina atu ia Linda J. Later

O le fa'i o laau taatele ia i le mea o loo ou nofo ai i Sri Lanka. E vaivai o latou ponati, lea e faigofie ai ona tipi i se naifi, ae e leai se tagata e faaleagaina le laau o le fa'i aua e fua mai i ni fua mananaia.

O le tele o tausaga ua mavae ao o'u laitiiti, sa i ai se afa matautia. Ina ua uma, sa ou alu i fafo ma iloa ai se tasi o o matou fa'i ua pau i lalo; sa mafuli ma ua leai ma ni lau. Sa ou mafaufau o se mea malie le tipiina o le ponati laau, o lea sa ou alu ai i le fale ma aumai se naifi. Ae i le taimi lava o le a sasau ai la'u ta, ae taofi loa a'u e lo'u tamamatua.

"E le tatau ona e faaleagaina le fa'i," o lana tala lea.

"Ae aisea?" o lau fesili lea. "E le toe aoga, ma o le a mālie."

E le'i i ai se tala a lo'u tamamatua ae na geno mai ia te a'u e mulimuli atu ia te ia. Fai mai ou te tipiina se ogalaau tele. Ona ia toe aumaia lea o a'u i le lotoa lea o loo taatia ai le fa'i. E ui na foliga e le toe aoga, ae na ma galulue e toe faatu i luga. Ina ua sa'o le ponati laau, ona ma te'eina lea o le fa'i i le ogalaau.

"Anetone," o le fai mai lea o lo'u tamamatua, "Ou te manao e te vaiaia le fa'i lea i aso uma ma ia mautinoa o loo tu sa'o pea. E manaomia lou fuiina i vai i aso uma e fafaga ai."

O lea o taeao uma lava ou te siakia ai le fa'i ina ia mautinoa o loo sa'o le ponati. O aso uma lava ou te faatumuina ai se pakete vai ma sasaa ai ma le faaeteete i autafa o aa. Sa ou



*O fa'i na
faaleagaina e
le afa lea na
foliga mai ua
pepē. Peitai
o sina alofa,
tausiga, ma
le fafagaina i
aso uma, na
le gata ina
toe ola ae ai,
ae na fua
mai foi.*

filiga i le tuuina atu o le tausiga na manaomia e le laau.

E le'i leva ae fua mai, i se taimi puupuu lava, ni fa'i. Ina ua pula le aufai, sa tufatufa atu e Tamamatua se fa'i i tagata taitasi o le aiga. Sa ou matamata ma le fafia ao latou fofoeina ma 'ai ia fa'i. E le'i i ai ma se fa'i na sili atu ona lelei lona tofo nai lo na fa'i, ma sa aumaia ia te a'u le fafia i le vaai atu i lo'u aiga o fafia i ai.

Ua tele lena o ni tausaga ua mavae, ae ou te le'i mauaina Le Ekalesia a Iesu Keriso o le Au Paia o Aso e Gata Ai. Peitai o lesona na ou aoaoina ao ou tausia le laau o le fa'i e faatatau lea i lo'u olaga i le taimi nei. I lo'u valaauga i le Ekalesia faapea foi i la'u matata faafomai, e masani lava ona ou maua ni tagata e i ai ni faafitauli faigata. Faapei o le fa'i, ua tuulafoaia nei tagata, aveesea lo latou matagofie, ma ua leai—e oo lava i la latou vaai. Pe a ou mafaufau e tuulafoai i latou, ona ou manatuaina lea o le suamalie o le fua o le fa'i ma maua ai le lototele e fesoasoani e faatutu i latou i luga, taofi i latou, fafaga i latou, ma tausi i latou i aso uma e pei ona faia e le Faaola.

O fa'i na fafia i ai lo'u aiga na suamalie, ae o loo ta'u mai e le Tusi a Mamona se isi ituaiga fua —o se tasi e "suamalie tele" ma e "sili i mea uma sa ou muai tofotofo ai" (tagai i le 1 Nifae 8:11–12). E mafai ona tatou maua le olioli a o tatou fesoasoani atu i e o loo tauivi ina ia maua lo latou ala i le puao o le pogisa ma taitai i latou ina ia aai i le fua ua sili ona suamalie nai fua uma—o le fua o le ola e faavavau. ■



Uluai Fuga, saunia e Annie Henrie

*"Ona fetalai atu lea o Iesu ia te i latou, E toe
ititi nai aso e i ai ia te outou le malamalama;
savavali ia manū o ia te outou le malamalama,
ne'i maua outou e le pogisa; o lē savali i le*

pogisa e le iloa e ia le mea e alu i ai.

*"Ia outou talia le malamalama, manū o ia
te outou le malamalama, ina ia avea outou ma
fanau a le malamalama" (Ioane 12:35-36).*



O le a se mea o loo faapalen i ai le olaga?

Na fautua mai e Elder L. Tom Perry o le Korama a Apostolo e Toasefululua ni auala se fa e mafai ona fausia ai e le Au Paia o Aso e Gata Ai ni olaga paleni ma amiotonu:

1. Tausi ia mama ma paia o latou tino faaletino matagofie o ni malumalu o le Atua.
2. Tuu le faarnamafa i aoaoga faaleagaga ma le malamalamai le Atua.
3. la avea o se augatupulaga faamoemoeina ma faaaoga le faavae o upumoni faavavau o le talalelei e faatulaga ai tulaga faatonuina ma faatauaina.
4. Saili ia aoao mai upumoni faavavau o loo i ai i tusitusiga paia.

Tagai i le “O Tu ma Agaifanua o se Olaga Paleni ma le Amiotonu,” itulau 30.